

O Le Liahona

**O Le Aiga:
O Se Folafolaga i le Lalolagi**
Setema 1995–Setema 2015

**Puipuiga ma le Puipuia o le
Faaipoipoga o Tumasani, i. 12**

**Faamanuiaina o Lau Fanau e ala i le
Faaleleia o Lau Faaipoipoga, i. 18**

**Tusia o le Tulafono o le
Faaipoipoga i o Tatou Loto, i.. 24**





"E le faataulia ea manu
iti e lima gafua i asari
e lua, e leai foi so
latou e tasi ua galo
i luma o le Atua?

"A o outou lauulu lava
ua faitaulia uma ia.
O lena, aua tou te
matatau ai; ua sili
outou i manu iti
e tele."

Luka 12:6-7

O Le Liahona, Setema 2015



4

O SAVALI

- 4 Savali a le Au Peresitene Sili: O Aiga ma le Tatalo**
Saunia e Peresitene Henry B. Eyring
- 7 Savali a Faiaoga Asiasi: O Uiga Paia o Iesu Keriso—E Mamana ma Tumu i le Mamalu**

TALA FAAALIA

- 12 O Loo Manaomia Oe e le Alii i le Taimi Nei!**
Saunia e Elder M. Russell Ballard
E tolu ni auala e faamaulu ai “le ofutau atoatoa o le Atua” ma auai i le taua i le aso.

- 18 Faamanuiaga o a Tatou Fanau e ala i le Faaleleia Atili o a Tatou Faaiipoipoga**
Saunia e Lori Cluff Schade
O le uiga auauumama o lau faaiipoipoga e aafia ai lau fanau e sili atu nai lo se mea e te silafia.

- 24 O Le Malumalum ma le Faatulagaga Masani o le Faaiipoipoga**
Saunia e Elder Bruce C. Hafen
E ala i le mulimuli i le faatulagaga o le faaiipoipoga na tuuina mai e le Atua ia Atamu ma Eva, e mafai e tane ma ava ona avea faapei o le Faaola.

- 30 O Tusitaulima o le Ekalesia—le Faatulagaga Tusitusia o Mea**
Saunia e Elder Per G. Malm
O vaai ina ia aoao ou tiute i lau valaauga? O i ai se fesili e uiga i aiaiga faavae o le Ekalesia? O loo maua i tusitaulima a le Ekalesia ia tali.

I LE FAAVAA

Luma: Ata na Pueina e Cody Bell. I totonu o le faavaa pito i luma: Ata na pueina e David Stoker. I totonu o le faavaa i tua: Ata na Pueina e Craig Dimond.

- 36 E Lei Tuua Lava Toatasi i Sierra Leone**

Saunia e Norman C. Hill
E ui lava i o latou tofotofoga, na iloa e nei Au Paia o Aso e Gata Ai e manatua i latou e lo latou Tama Faalelagi.

MATAGALUEGA

- 8 Tusigāmanatu o le Konafesi o Aperila 2015**
- 10 O Tatou Aiga, O Tatou Auaigna: Tatalo—o le Meaalofa a se Tina Taofia le igoa**
- 40 O Leo o le Au Paia o Aso e Gata Ai**
- 80 Seia Tatou Toe Feiloai: O se Asiasiga mai le Faaola**
Saunia e Peresitene Lorenzo Snow



48

- 44 Sa ou Lagonaina le Mana o le Togiola a lesu Keriso Ina Ua . . .**
Ua faasoa mai e le autalavou matutua le auala sa mafai ona faaaoga ai le Togiola a le Faaola i o latou olaga e maua ai le filemu, faamoemoe, ma le malosi.

- 48 O Se Aganuu o le Faatuatua i Kuatemala**
Saunia e Lisa López
O le toaaga i le Ekalesia ma le faaumedinia ma isi Au Paia ua faamanuiaina ai le olaga o lenei talavou matua.



Vaai pe mafai ona e mauainia le Liahona o loo natia i le lomiga lenei. Faaiteite: O le a sou lagona pe a e faiatina le Tusi a Mamona?

- 50 Pe Faapefea ona Salamo Moni**
Saunia e Elder D. Todd Christofferson

- 51 Pepa Lautele o I Ai se Savali: Sailia o le Vai Ola**

- 52 E Nofo po o le Usitai?**

Saunia e Melvin Rondilla
E tatau ona ia faia se filifiliga: faamalie lona aiga po o le mulimuli i le Alii.

- 54 E Mafai ona E Sui**

Saunia e David Dickson
I le aoga, e pei o le olaga, o au faatinoga i le taimi ua sola e le tau fuafuaina ai ou gafatia i le humanai.

- 56 E Le Ni o le Lalolagi**

E mafai faapefea ona e mulimuli i le poloaiga a le Faaola ina ia iai i le lalolagi ae le ni o le lalolagi?

- 59 Tuusao i le Mataupu**

- 60 E Matuai Tauia Lava Le Seminare!**

Ua faia e le autalavou i le lalolagi atoa ni osigataulaga e auai i le seminare, ae ua latou ioe uma lava, o mea ua ofoina mai e le seminare ua aoga ai le ositaulaga.

- 62 "Ua Ou Iloa Mo Au Lava la"**

Saunia e Travis Searle
Ua aumaia nei e le Seminare isi auala se hua e faamalosia ai la'u molimau.

- 64 O La Tatou Avanoa**

54



- 66 Faatusa o Mau o le Feagaiga**
Fou: O Le Atalii Faamaumau Oa

- 67 O Tatou Taitai o Tamaitai**

- 69 Manatu Lelei**

- 70 O Le Paso a le Aiga o Lindsay**

Saunia e Jill Hacking
Sa faamatala e le tama o Lindsay o talafaasolopito o aiga e pei lava o le faiga o se paso.

- 72 Suega o le Tala a le Aiga**

Saunia e Carolyn Colton
E mafai ona e taalo i lenei taaloga ma lou aiga ina ia aoao atili ai e uiga i au tala o le aiga.

- 73 Molimau Faapitoa:**

E mafai faapefea ona ou faaali atu le agalelei i isi?

Saunia e Elder Dallin H. Oaks

- 74 E Fiafia e Fesoasoani Atu**

Saunia e Amie Jane Leavitt
Sa fiafia William ma lona tuafafine ina ua uma ona la saluina laulaua i lo latou fanua, peitai sa la matauina le fanua o lo latou tuaoi.

- 76 Taimi o Tusitusiga Paia:**

O Le Faamanatuga—o se Faamanatu o lesu


Saunia e Erin Sanderson

- 78 Mo Tamaiti Laiti:**

O Se Lagona Fou

Saunia e Francislaine Urquidi Farfan Vasser

A o ia faiatina le Tusi a Mamona ma lona aiga, sa lagonaina e Gabriel se mea na te lei lagonaina muamua!



O Le Lomiga Faamaonia Faa-Samoa a le Ekalesia
a Iesu Keriso o le Au Paia o Aso e Gata Ai
Susuga le le Au Peresitene Sili: Thomas S. Monson,
Henry B. Eyring, Dieter F. Uchtdorf

O Le Korama a Apostolo e Toasefululuua:

Russell M. Nelson, Dallin H. Oaks, M. Russell Ballard,
Richard G. Scott, Robert D. Hales, Jeffrey R. Holland,
David A. Bednar, Quentin L. Cook, D. Todd Christofferson,
Neil L. Andersen

Faatonu: Joseph W. Sitati

Fautua: Randall K. Bennett, Craig A. Cardon, Christoffel
Golden, Larry R. Lawrence, James B. Martino

Pule Faatonusili: David T. Warner

Faatonusili o le Lagolago mo Aiga ma

Tagata o le Ekalesia: Vincent A. Vaughn

Faatonusili o Mekasini a le Ekalesia: Allan R. Loyborg

Pule o Mea Tau Pisini: Garff Cannon

Pule Faatonutonu: R. Val Johnson

Pule Faatonutonu Lagolago: Ryan Carr

Lagolago o Lomiga: Lisa Carolina López

Au Tusitusi ma Faatonutonu: Brittany Beattie, David
Dickson, David A. Edwards, Matthew D. Flitton, Lori
Fuller, Garrett H. Garff, LaRene Porter Gaunt, Jill Hacking,
Charlotte Larcabal, Mindy Anne Leavitt, Michael R.
Morris, Sally Johnson Odekirk, Joshua J. Perkey, Jan
Pinborough, Richard M. Rommey, Paul VanDenBerghe,
Marissa Widdison

Pule Faatonusili Tusiata: J. Scott Knudsen

Faatonusili Tusiata: Tadd R. Peterson

Au Mamanu: Jeanette Andrews, Fay P. Andrus,
Mandie M. Bentley, C. Kimball Bott, Tom Child, Nate
Gines, Colleen Hinckley, Eric P. Johnsen, Susan Lofgren,
Scott M. Mooy, Mark W. Robison, Brad Teare, K. Nicole
Walkenhorst

Faatonu o le Puletaofia ma Fatufatuga:

Collette Nebeker Aune

Pule i le Gaosiga: Jane Ann Peters

Au Gaosi: Connie Bowthorpe Bridge, Julie Burdett,
Katie Duncan, Bryan W. Gygi, Denise Kirby, Ginny J.
Nilson, Gayle Tate Rafferty

Tailolomi: Jeff L. Martin

Faatonusili Lolumiga: Craig K. Sedgwick

Faatonusili o le Tuafatufaga: Stephen R. Christiansen

Mo le okaina o mekasini, alu i le store.lds.org po o le
Faletusi Tutotonu i Pesega, Telefoni 64127. Totogi o le
Mekasini: \$0.55 (Samoa) ī le kopī. Totogi mo le Tausaga
Atoa \$6.60 (Samoa).

**Auina atu tusitusiga ma faafesili i luga o le
initoneti i le liahona.lds.org:** po meli mai i le Liahona,
Rm. 2420, 50 E. North Temple, Salt Lake City, UT 84150-
0024, USA; po o le i-meli: liahona@ldschurch.org.

O Le Liahona (o lona uiga i le Tusi a Mamona o le
“tapasa” po o se “faaontonu”) e lomia i le faa-Alepania,
Aminia (Sasae). Pisilama, Palekeria, Kemupotia, Sepuano,
Saina, Kalaotia, Siekislovakia, Tenimaka, Take, Igilisi,
Estonia, Fiti, Finelani, Farani, Siamani, Eleni, Hanikeri,
Initu, Iselani, Intonesia, Italia, Iapani, Kiripati, Korea,
Latvia, Litunia, Malakasa, Masela, Monokolia, Nouei,
Polani, Potukale, Romania, Rusia, Samoa, Saina
(ua faafagofineia), Silovenia, Sipanilo, Suetena,
Swahili, Tagaloka, Tahiti, Tai, Toga, Iukureini, Urutu,
ma Viatename. (E eseese lava gagana.)

© 2015 Puletaofia e le Intellectual Reserve, Inc. Ua taofia
aia tatau uma. Lomia i le lunate Setete o Amerika.

E mafai ona kopī tala ma ata o le Liahona mo le toe
faaaogaina i lotu po o le aiga ae ia le faia ai ni pisinisi. E
le tatau ona kopī ni tala po o ni atā po afai o faasa mai i
le laina o loo tāua ai le o nea lea faatufatuga. Auina atu
fesili e uiga i le puletaofia i le Intellectual Property Office,
50 East North Temple Street, Salt Lake City, UT 84150,
USA; i-meli: cor-intellectualproperty@ldschurch.org.

For Readers in the United States and Canada:

September 2015 Vol. 39 No. 9. O LE LIAHONA (USPS 311)
Samoan (ISSN 1045-0947) is published monthly by The
Church of Jesus Christ of Latter-day Saints, 50 East North
Temple, Salt Lake City, UT 84150. USA subscription price
is \$10.00 per year; Canada, \$12.00 plus applicable taxes.
Periodicals Postage Paid at Salt Lake City, Utah. Sixty days'
notice required for change of address. Include address label
from a recent issue; old and new address must be included.
Send USA and Canadian subscriptions to Salt Lake
Distribution Center at address below. Subscription help line:
1-800-537-5971. Credit card orders (Visa, MasterCard,
American Express) may be taken by phone. (Canada Poste
Information: Publication Agreement #40017431)

POSTMASTER: Send all UAA to CFS (see DMM 707.4.12.5).
NONPOSTAL AND MILITARY FACILITIES: Send address
changes to Distribution Services, Church Magazines,
P.O. Box 26368, Salt Lake City, UT 84126-0368, USA.

Manatu Mo Afiafi Faaleaiga

O lenei lomiga o loo aofia ai tusiga ma gaoioiga e mafai ona faaaoga mo afiafi faaleaiga.
O ni faataitaiga nei se lua.



“E Le ni o le Lalolagi,” itulau e 56:

Mafaufau e faitau le aafiaga a Elder Perry o
le filifili e uu se ipu susu i faatasiga faapisini.
(Mo le tusitaiala o lana tala, tagai i le
itulau 57.) la talanoaina o se aiga ni auala
e i ai i le lalolagi ae le ni o le lalolagi. Mo se
faataitaiga, o le a se mea e mafai ona e faia
pe afai e filifili se vaega o uo e matamata
se ata tifaga e le talafeagai pe matamata
foi i ponokalafi? E mafai faapefea ona e tali
atu i se tasi e ta’ufaatauvaaaina ou talito-
nuga e uiga ia losefa Samita, faaipoipoga,
po o le tulafono o le ola mama? A o e
tali i nei fesili nei o se aiga, ia manatua le
faataitaiga a Keriso.

“O se Lagona Fou,” itulau 78: A uma ona
faitau faatasi le tusiga, e mafai ona outou
talanoaina pe faapefea ona talanoa mai le
Agaga Paia ia i tatou. Faaaoga mau e pei o
le Kalatia 5:22-23 (tuuina mai lagona o le
alofo, olioli, filemu, onosai, agamalu, aga-
lelei, faatuatua, faamoemoe); Ioane 14:26
(e aoao mai ai le upumoni ma manatua ai);
Alema 19:6 (e suia le pogisa i le malama-
lama); Moronae 10:5 (e faaalia mea moni);
MF & F 6:14-15 (faamalamalamaina le
mafaufau); 8:2-3 (e maua ai ni manatu i
le mafaufau, lagona i le loto). Mafaufau e
faasoatua atu ni aafiaga patino pe o anafea
na e lagonaina ai le Agaga Paia.

I LAU GAGANA

O loo maua le Liahona ma isi anomea o le Ekalesia i le tele o gagana i le languages.lds.org.
Asiasi i le Facebook.com/liahona.magazine e sue ai manatu mo afiafi faaleaiga, fesoasoani
mo lesona o le Aso Sa, ma savali musuia e mafai ona e faasoatua atu i uo ma aiga. [Itulau o le
Facebook e na o gagana Faaperetania, Faasipaniolo ma le Faapotukale.]

AUTU I LENEI LOMIGA

E ta'u mai e numera le itulau muamua o le tusiga.

Agaga Paia, 78

Agalelei, 73

Aiga, 4, 12, 18, 24, 70, 72

Aso Sapati, 42

Auauna atu, 40, 74

Faaipoipoga, 12, 18, 24

Faamagaloga, 44

Faamanatuga, 76

Faataitaiga, 4, 56

Faatuatua, 10, 36, 48

Feagaiga Fou, 66

Gafatia, 54

Galuega faafafeatalai,

36, 41

Iesu Keriso, 7, 44, 51, 56,

76, 80

Liua, 41

Malumalu, 24

Ponokalafi, 12

Salomo, 44, 50

Seminare, 60, 62

Taitaiga, 30

Talafaasolopito o aiga,

69, 70, 72

Tamaiti, 10, 18

Tatalo, 4, 10, 41, 43, 54

Tauagafau, 59

Taulaga, 24

Tekinolosi, 12

Togiola, 44

Tusi a Mamona, 78

Tusi Paia, 59

Usiusitai, 50, 52



Saunia e
Peresitene
Henry B. Eyring

Fesoasoani
Muamua i le Au
Peresitene Sili

O Aiga MALE Tatalo

Sa i ai se taimi, a o ou nofo i tafatafa o le moega o lo'u tama i le po, sa ia talanoa mai e uiga i lona olaga faatamaitiiti. Sa ia talanoa e uiga i le alofa o ona matua i taimi faigata ma le alofa o lona Tama Faalelagi ma le Faaola. Sa ou iloaina o le a maliu o ia i le kanesa, ma e le o se mea na faateia ai au sa i ai taimi sa filogia ai ona lagona mo le alofa o le Tama Faalelagi ma le alofa ma le agalelei o lona tama faaelalolagi. Sa masani ona fai mai lo'u tama pe a ia tatalo, sa mafaufau o ia ua mafai ona ia vaai atu i lona mafaufau i le soisoi mai o le Tama Faalelagi.

Sa aoaoina o ia e ona matua e ala i le faataitaiga e tatalo e faapei o loo talanoa atu i le Atua ma o le a tali mai le Atua ia te ia i le alofa. Sa ia manaomia lena faataitaiga seja oo i le iuga. Ina ua oo ina ogoga le tiga, sa matou maua atu o ia i le taeao i ona tulivae i autafa o le moega. Sa matuai vaivai lava e toe foi atu i lona moega. Sa ia fai mai ia i maotu sa tatalo e fesili i lona Tama Faalelagi pe aisea lava ua matua mafatia ai o ia, ae sa ia taumafai i taimi uma ia amiolelei. Sa ia fai mai na oo mai se tali ma le agalelei: "E manaomia e le Atua atalii totoa."

Ma o lea na ia lototele ai e oo lava i le iuga, sa talitonu e alofa le Atua ia te ia, sa faafogofa mai ia te ia, ma o le a ia siitia o ia i luga. Sa faamanuiaina o ia i le vave iloaina ma le faagaloina ai lava se Atua alofa e lata mai e faapei o se tatalo.

O le mafuaaga lena na aoao mai ai e le Alii matua, "Ma ia latou aoao foi a latou fanau ia tatalo, savavali tonu i luma o le Alii" (MF&F 68:28).

Ua toefuatai mai le talalelei a Iesu Keriso—faatasi ai ma le Tusi a Mamona ma ki uma o le perisitua e mafai ona

fusia ai aiga—ona sa tatalo Iosefa Samita o se tamaitiiti i le faatuatua. Sa ia maua lena faatuatua i se aiga alofa ma le faamaoni.

Ua luasefulu tauvaga talu ai, na tuuina mai ai e le Alii lenei fautuaga i le "O Le Aiga: O Se Folafolaga i le Lalolagi," mai le Au Peresitene Sili ma le Korama a Aposetolo e Toasifululua: "O faaipoipoga ma aiga manuia e faavae ma tumau i mataupu faavae o le faatuatua, tatalo, salamo, faamagaloga, faaaloalo, alofa, agalelei, galuega, ma gaoioiga faafafia tuufaatasi."¹

Ua tatou nofo aitalafu i se aitalafu lofituina o le loto faafetai i le aiga o Iosefa Samita le Perofeta mo le tausiga o ia. Na faaalia e lona aiga e le gata i le faatuatua ma tatalo ae faapea foi le salamo, faamagaloga, faaaloalo, alofa, agalelei, galuega, ma gaoioiga faafafia tuufaatasi.

O tupulaga e mulimuli mai ia te oe, e mafai ona faamuia ia te oe mo lau faataitaiga o le tatalo i lou aiga. Atonu e te le tausia se auauna maoae a le Atua, ae e mafai e ala i au tatalo ma lau faataitaiga o le faamaoni ona fesoasoani i le Alii o Iesu Keriso e tausia ni soo lelei faapelepele.

Mai mea uma atonu e te filifili e fai e fesoasoani ai i le Alii, o le tatalo o le a i le totongalemu o na mea uma. E manino lava le i ai o tagata e le tualoa, o e, a latou tatalo, e musuia isi e pupula o latou mata ia iloa ai pe o ai o i ai iina. E mafai ona avea outou ma se tagata faapena.

Mafaufau i le uiga o lena mea ia i latou o e tootutuli faatasi ma oe i le tatalo faaleaiga. Pe a latou lagona faapea e te tautala i le Atua i le faatuatua, o le a faateleina lo latou faatuatua e talanoa foi ma le Atua. Pe a outou tatalo e faafetai



i le Atua mo faamanuiaga ua latou iloa ua oo mai, o le a faatupulaia lo latou faatuatua e alofa le Atua ia i latou, ma e tali mai i au tatalo ma o le a tali mai foi ia i latou. E mafai ona tupu lena mea i le tatalo faaleaiga pe a e mauaina lena poto masani i le tatalo patino, i lea taimi ma lea taimi.

O loo faamanuiaina pea a'u i se tama ma se tina o e sa talanoa ma le Atua. O a la'ua faataitaiga o le mana o le tatalo i aiga o loo faamanuiaina ai pea lava tupulaga na mulimuli mai ia i la'ua.

O loo faamanuiaina pea la'u fanau ma fanau a fanau i aso uma i le faataitaiga a o'u matua. O le faatuatua

e faafogofaga mai se Atua alofa ma tali mai i tatalo na faasolo mai ia i latou. E mafai ona e fatuina ai se talatuu faapena i lou aiga. Ou te tatalo o le a faapea ona outou faia. ■

FAAMATALAGA

1. "O Le Aiga: O Se Folafolaga i le Lalolagi," *Liahona*, Nov. 2010, 129.

FAAMANATUINA O LE 20 TAUSAGA O LE FOLAFOLAGA I LE AIGA

"**O** Le Aiga: O Se Folafolaga i le Lalolagi" ua aoao mai ai mataupu faavae ua fetaui lelei ma le taimi nei e pei o le uluai taimi na tuuina mai ai i le aso 23 o Setema, 1995. Mafaufau e valaaulia tagata taitoatas po o aiga o loo e faiaoga ai e faamanatu ai le 20 tausaga o le folafolaga e ala i le:

1. Lisi ia mataupu faavae o i ai, ia e i ai se taua faapitoa mo i latou. (Tagai i le ala o loo faia ai e Peresitene Eyring lenei mea ma le agaga tatalo le savali o i luga.)
2. Talanoaina pe mafai faapefea e mataupu faavae taitasi ona faamanuiaina i latou i le taimi nei ma le lumanaai.
3. Faatutuina o sini patino e faaaoga na mataupu faavae i o latou olaga, ma faasoatatu i isi.

Galue i le Tatalo

Ua aoao mai Peresitene Eyring e mafai ona faamanuaina lou aiga e ala i le lua sootaga malosi ma le Tama Faalelagi. E mafai ona faaleleia atili ai la oulu sootaga ma la e ala i le faaleleia o au tatalo! O ni nai manatu nei i le auala e faia ai lena mea:

A o lei amata ona e tatalo, ia faaalu ni nai minute e mafaufau e uiga i le mea e te manao e fai atu ai. Mafaufau i ni au fesili o i ai, po o mea sa e popole ai—e mafai ona e tusia i lalo ina ia aua nei galo ia te oe. Ia faaaoga foi le taimi lenei e faamanino ai i lou mafaufau mai faasoesa o le aso ina ia mafai ai ona taulai atu i uunaiga malu a le Agaga Paia. Afai e foliga mai o taase lou mafaufau a o e tatalo, taumafai e vaai faalemafaufau i le Tama Faalelagi o faafogofoga mai. Talanoa i mea patino. Ma le isi, ia tuu foi ni nai minute i le faaiuga o le tatalo e faalogologo ai i uunaiga a le Agaga. E mafai ona e tusia i lalo ou manatu i lau api o talaaga.

Ia manatua ua faaigoa le tatalo “o se ituaiga o galuega” (Bible Dictionary, “Tatalo”), ina ia aua le popole pe afai e



E FAAFOGAINA AU TATALO

e le Tama Faalelagi.
E alofa o la ia te oe.
Na te silafia lou igoa.

Peresitene Henry B. Eyring,
Fesoasoani Muamua i le Au Peresitene Sili,
“Faaliga Faifai Pea,” *Liahona*, Nov. 2014, 73.

manaomia ona faatino pe foliga foi e faigata! E mafai ona fesoasoani au taumafaiga e tatalo e fausia ai se sootaga ma le Atua lea o le a faamanuaina ai augatupulaga.



TAMAITI

O Se Faamanatu o le Tatalo

Ua aoao mai Peresitene Eyring e taua le tatalo faatas i lou aiga. E mafai ona avea oe ma faataitaiga i lou aiga e ala i le tatalo i aso uma. E mafai foi ona e faamanatu i lou aiga e tatalo faatas i aso uma. Oti ese le kata i le itu tauagavale ma tuu i se mea o le a vaai i ai lou aiga atoa. O le auala lenei e mafai ai ona e manatua pea e finagalo le Tama Faalelagi e faalogo mai ia te oe!



Ia suesue ma le agaga tatalo lenei savali ma saili ia iloa mea e faasoa atu. O le a mafai faapefea e le malamalama i uiga paia o le Faaola ona faateleina lou faatuatua ia te la ma faamanuiaina ai i latou o loo e tausia e ala i le faiaoga asiasi? Mo nisi faamatalaga, alu i le reliefsoociety.lds.org.

O Uiga Paia o Iesu Keriso: E Mamana ma Tumu i le Mamalu

O se vaega lenei o se faasologa o Savali a Faiaoga Asiasi e faaaliai ai uiga paia o le Faaola.

Ua aoao mai e tusitusiga paia ia i tatou, o Iesu Keriso “na maua le mana atoa, i le lagi ma le lalolagi, ma sa faatasi ma ia le mamalu o le Tama” (MF&F 93:17). Na saunoa mai Elder M. Russell Ballard o le Korama a Apostolo e Toasefululua faapea e ala i lenei mana o lo tatou Faaola na foafoaina le lagi ma le lalolagi, sa faia vavega, ma onosaia le tiga i Ketese-mane ma Kalevario.¹ A o tatou malamalama i lenei mea, o le a faateleina lo tatou faatuatua ia Keriso, ma o le a tatou malolosi atu.

A o tatou osia ma tausia feagaiga o le malumalu, e faamanuiaina i tatou e le Alii i Lona mana. Na saunoa Linda K. Burton, peresitene aoao o le a le Aualofa: “O le tausia o feagaiga e faamalosia ai, maua ai le mana, pui-puia ai. . . . Sa ou feiloai talu ai nei i se ue pele. Sa ia molimau mai ina ua



uma ona maua ona faaeega paia, sa ia lagona le malosiaga ma le mana e teteetatu ai i faaosoosoga.”²

Ua molimau mai Nifae e uiga i le mana o le feagaiga: “Vaai a’u o Nifae, i le mana o le Tamai Mamoe a le Atua, ua alu ifo . . . i luga o le tagata o le feagaiga a le Alii . . . ma sa faauupegaina i latou i le amiontonu ma le mana o le Atua i le mamalu tele” (1 Nifae 14:14).

Mau Faaopoopo

Ieremia 51:15; Faaaliga 1:6;
Iakopo 4:6 – 7; Mosaea 3:17

Mafaufau i le Mea Lenei

E faapefea ona faaauupegaina i tatou e le mana o le Atua i le mana ma le mamalu?

Faatuatua, Aiga,
Toomaga



Mai Tusitusiga Paia

I le faatumuina i le mutimutivale alofa mo Maretia ma Maria, sa faatuina mai e lesu lo la’ua tuagane o Lasalo mai le oti e ala i le mana o le Atua sa ia te la.

Na taunu atu lesu i le pale o Maretia ma Maria a ua atoa le fa o aso o i ai Lasalo i le tuugamau. Na latou o i le tuugamau o Lasalo, ma sa poloaiina ai e lesu e aveese le maa sa pupuni ai le faitotoa. Sa fetalai atu lesu ia Maretia, “Pe na ou le fai atu ea ia te oe, Afai e te talitonu, ona e iloa lea o le mamalu o le Atua?” Ona la tatalo lea i le Atua le Tama ma “alaga lea [o ia] ma le leo tele, Lasalo e, ina sau ia i fafo.

“Ona alu ai lea i fafo o le na oti, ua fusifusia ona vae ma ona lima i ie na tanu a’i.” (Tagai Ioane 11:1–45.) E faaaoga e le Faaola Lona mana e togiola ma faamanina ai i tatou. O le a faateleina lo tatou faatuatua ia te ia a o tatou manatuaina o la o le tumu i le mana ma le mamalu.

FAAMATALAGA

1. M. Russell Ballard, “O La’u Galuega ma Lo’u Mamalu Lenei,” *Liahona*, Me 2013, 18.
2. Linda K. Burton, “O Le Mana, Olioli, ma le Alofa e Maua i le Tausiga o Feagaiga,” *Liahona*, Nov. 2013, 111.

TUSIGĀMANATU O LE KONAFESI O APERILA 2015

“O le mea ua fai atu ai A’u o le Alii ua Ou fai atu ai; . . . pe i lo’u lava leo po o i le leo o au auauna, ua tutusa lava” (MF&F 1:38).

A o e iloiloina le konafesi aoao ia Aperila 2015, e mafai ona e faaaogaina itulau nei (ma Tusigāmanatu o le Konafesi i lomiga i le lumanaí) e fesoasoani ai ia te oe e suesue ma faaaoga aoaoga talu ai nei a perofeta soifua ma aposetolo ma isi taitai o le Ekalesia.

MATAUPU FAAVAE UA FAAMAMAFAINA



O Le Talitonu i le Faaipoipoga

“E leai ma se tasi ua ia maua se isi auala sili atu ona lelei e tausi a’e ai le isi tupulaga e sosoo ai i lo se aiga o ni matua faaipoipoina faatasi ma se fanau. . . .

“E ao ona tatou faamanatu ifo ia i tatou lava i lea taimi ma lea taimi, e pei ona faamanatu mai ia te au i Roma, o le mea moni mautinoa ma le mafanafana matagofie e faapea, o le faaipoipoga ma le aiga o loo avea pea ma taulaiga ma faamoemoega atoa o le toatele o tagata ma e le tuua ai na o i tatou i na talitonuga. E le i i ai lava se isi taimi muamua ua sili atu ai ona luitauina le sailia o se paleni moni

i le va o galuega, aiga, ma manaoga faaletagata lava ia i lo tatou nei aso. I la tatou matafaioi i le ekalesia, tatou te mananao ai ia fesoasoani atu i mea uma tatou te mafai e fatua’i ai ma lagolago atu i faaipoipoga malolosi ma aiga.”

Elder L. Tom Perry (1922–2015) o le Korama a Aposetolo e Toasefululu, “Aisea e Taus Ai le Faaipoipoga ma le Aiga—I Soo Se Mea i le Lalolagi,” *Liahona*, Me 2015, 41, 42.

Mo le tele o tusiga faale-aoaoga faavae e uiga i le faaipoipoga mai le konafesi o Aperila 2015, tagai Boyd K. Packer, “O Le Fuafuaga o le Fiafia,” 26; Linda K. Burton, “O Le a Tatou O Ae Faatasi i Luga,” 29; ma D. Todd Christofferson, “Aisea e Faaipoipo Ai, Aisea e Fai ai se Aiga,” 50.

FOLAFOLAGA FAAPEROFETA



O Le Alofa Tunoa a le Atua e Maua e Tagata Uma

“O le alofa tunoa o le Atua o lo tatou faamoemoe sili ma le faavavau lea.

“E ala i le taulaga a lesu Keriso, le fuafuaga o le alofa mutimutivale ua faamalieina ai manaoga o le faamasinotonu, ‘ma [aumai ai] ala i tagata e mafai ai ona latou maua o le faatuatua e salamo ai’ (Alema 34:15).

“E ui e ‘ulaula a tatou agasala, ae mafai ona sinasina e pei o le kiona. Ona ‘na foaifuaina e [lo tatou Faaola pele] la e fai ma togiola mo tagata uma’ (1 Timoteo 2:6), o lea ua saunia ai mo i tatou se faitotoa e ulu atu ai i Lona malo e faavavau. . . .

“O le aso ma aso uma o loo avanoa ai le alofatunoa o le Atua i tagata uma o o latou loto ua nutimomoia ma o latou agaga ua salamo. . . .

“. . . Ou te tatalo ina ia faaali atu lo tatou alolofa i le Atua ma lo tatou lotofaafetai mo le meaalofa o le alofatunoa le i’u o le Atua e ala i le tausiga o Ana poloiga ma olioli e ‘savavali i le ola toefuataiina’ (Roma 6:4).”

Peresitene Dieter F. Uchtdorf, Fesoasoani Lua i le Au Peresitene Sili, “O Le Meaalofa o le Alofa Tunoa,” *Liahona*, Me 2015, 108, 110.


O TALI MO OE

E tuuina mai i konafesi taitasi, e perofeta ma aposetolo ni tali musuia i fesili atonu o i ai a tagata o le Ekalesia. Faaaoga lau lomiga o Me 2015 pe asiasi i le conference.lds.org e sue ai tali i fesili nei:

- Ou te talitonu i le Togiola a Iesu Keriso, ae o le a le auala e mafai ona ou faaaogaina ai lona mana i lo'u olaga? Tagai i le Dale G. Renlund, "Le Au Paia o Aso e Gata Ai, Taumafai Pea," 56.
- E faapefea ona e faia galuega faafaifeatalai? O a mea e mafai ona ou faia ina ia faia se suiga sologa lelei mai

le faifeatalai i faifeatalai ua maea misiona? E faapefea ona faamanuiaina au e ala i le auai i le seminare ma le inisitituti? Tagai M. Russell Ballard, "O Le Tupulaga Silisili o Talavou Matutua," 67.

- E mafai faapefea ona avea a'u ma se tama e sili atu ona lelei? Tagai i le Larry M. Gibson, "Tulaga Faalelana—O Lo Tatou Taunuuga e Faavavaau," 77.
- O a ni faamanuiaga tulaga ese o se olaga faaletino o le tino ma le lalolagi? Tagai Joseph W. Sitati, "Ia Fanafanau, Uluuluola, ma Faato'a le Lalolagi," 126.



Ina ia faitau, matamata, pe faalogo i saunoaga o le konafesi aoao, asiasi i le conference.lds.org.

TALA MAOAE MAI LE KONAFESI

O le a se mea e sili ona tosina ai lo tatou mafaufau nai lo se tala maoae? O tala nei e fa mai le anoanoai o tala na faasoaina i le taimi o le konafesi:

- Aisea e le iloa ai e Sister Yazzie o le siteki a Chinle i Arisona pe toafia ni fanau a fanau o ia te ia? Ua faasoa mai e sister Yellowhair le tali e le'i faamoemoeina. —Tagai Carole M. Stephens, "O Le Aiga E Ou Le Atua," 11.
- O tala faatino ma le lototele e faamatala ai le tala o Marie Madeline Cardon, o se tamaitai talavou na puipuia lona faatuatua i le Au Paia o Aso e Gata Ai i le 1850 e faasaga i tagata faatupu veves i le Pavarria o Italia i matu. Sa ia tu o se faataitaiga mo i tatou i le taimi nei. —Tagai Bonnie L. Oscarson, "O Tagata e Puipuia le Folafolaga i le Aiga," 14.
- Faitau pe na faapefea ona faamanuiaina le aiga o Turay e taulaga anapogi i le taimi o le taua o le malo i le 1991 i Sierra Leone. —Tagai Henry B. Eyring, "E Le o Lenei Ea le Anapogi Ou te Loto I Ai?" 22.
- E oo mai lenei tala o le lototoa, faamoemoe, ma le mulimuli i le malamalama i ulutala o talafou talu ai nei, ae o lana savali o loo i ai se faaaogaina e faavavaau mo i tatou. —Tagai L. Whitney Clayton, "Filifili e Talitonu," 36.

TATALO: O LE MEAALOFA A SE TINA

Taofia le igoa

E ui lava i le fouvale o la'u tama, ae e lei taofia ai lava lo'u tatalo mo ia.

Elei i ai se taimi na tele ai a'u tatalo nai lo le taimi sa aulia ai e se tasi o la'u fanau tama le 17 o ona tausaga. Na amata ona i ai ni ona masalosaloga e uiga i le talalelei, ma e i ai taimi sa fouvale ma le fia faalogo ai o ia. Sa ma taumafai ma lo'u toalua e ta'u atu peia ia te ia e alu i le lotu, ae o le tele o taimi e musu ai o ia. E fai a matou afiafi faaleaiga, faitau tusitusiga paia, ma tatalo o se aiga, ae e tele ina ia filifili e le auai mai. Ou te le manatuaina pe faafia ona ou tootuli e ole atu i lo tatou Tama Faalelagi e pa'i atu i lona loto ma fesoasoani ia te ia ia tumau i le ala sa'o.

I le lua tausaga na sosoo ai, sa tele faafitauli sa feagai ma ia. Sa lagolagoina a'u e taitai o le Ekalesia ma sa latou talanoa atu ia te ia, ae sa foliga mai e leai se mea na aoga. Na iu lava ina tuua e ia le aiga.

O na taimi uma e lei tuua ai lava lo'u tatalo mo ia. E i ai taimi ua le lava ai lo'u toalua ma fai mai, "Tuu laia o ia. Ua ia te ia le faitalia e filifili tonu ai." Ae o la'u tali lava e tasi: "E leai, o le a le uma lava lo'u faamoemoe."

Ina ua mavae se taimi, na sau ai lo ma atalii i lo matou fale. Sa talosaga mai mo la'u faamagaloga ma sa ia fai mai, "Mama, ua ou fia sau i le fale." Sa ma faaeteete ma lo'u toalua, ae ina ua uma ona talanoaina, sa ma gauai atu i ai. Ina ua toe foi mai, sa ma vaaia lona naunautaiga mausali


e sui. Na toe malosi o ia i le Ekalesia ma auai atu i gaoioiga. Sa mulimuli ane valaauiina e avea ma se faiaoga i le Peraimeri, o se aafiaga sa fai lava si faapitoa mo ia.

I se tasi aso sa ou faatautauina se Pepa o i ai se savali mai le *Liahona* fai mai, "Aua nei faatagaina atugaluga po

FESOASOANI I LAU TAMA

O tamaiti e se ese ua i ai lo latou faitalia, ma atonu latou te le tali atu i uunaiga faaleagaga, ae ua tuuina mai e le talalelei ia auala e tele e fesoasoani ai i se tamaitiiti faapena:

- Fefautuaai faatasi ma lou toalua ma isi tamaiti.
- Faamalosia oe lava ia faaleagaga ina ia mafai ona outou galulue ona o le faatuatua ma le alofa, ae le o le fefe.
- Ia agavaa ma sailia faaaliga faaletagata lava ia i le auala e fesoasoani ai i lou tama.
- Ia avea ma se faataitaiga ola o se soo o lesu Keriso.
- Faaali atu lou alofa i lou tama i upu ma taga.
- Valaaulia o ia e auai i aoaoga o le talalelei i le fale ma i gaoioiga faaleaiga e pei o faiga-malologa, aso malolo, ma galuega faatino.
- Aua lava nei fiu.



O FAATOSINAGA A MATUA

“O matua o e faamamaluina feagaiga o le malumalu ua i ai i se tulaga e faaaoga ai faatosinaga faaleagaga maoae i le aluga o taimi i luga o a latou fanau. E mafai ona maua e tagata faamaoni o le Eklesia le mafanafana i le iloaina faapea e mafai ona latou maua ia folafolaga o le taitaiga ma le mana faalelagi, e ala i le musumusuga a le Agaga Paia ma faamanuiaga o le perisitua, i a latou taumafaiga e fesoasoani ai i tagata o le aiga ina ia maua faamanuiaga o le faaolataga ma le faaeaga.

“... E le mafai e sea ituaiga aafiaga ona faaleaogaina le faiatalia o se tamaitiiti ae e mafai ona valaaulia ma faailo atu i ai. I le faaiuga, e tatau i se tamaitiiti ona faaaoga lona faiatalia ma tali atu i le faatuatua, salamo ma le loto atoa, ma galulue e tusa ma aoaoga a Keriso.”

Elder David A. Bednar o le Korama a Aposetolo e Toasefululua, “Matua Faamaoni ma Fanau Faalogogata: Faatumauina o le Faamoemoe Ao Faatoilaloina le Malamalama Sese,” *Liahona*, Mat. 2014, 19.

o masalosaloga e taofia ai oe mai le auauna atu i se misiona talai.”¹ Sa tau-tau i lona potumoe mo ni nai masina, ma sa faafuasei i se tasi aso ona ia fai mai ia te au, “Mama, ou te fia alu i se misiona i le faaiuga o le tausaga.” O se mea ofoofogia. Sa ma fetagisi ma lo’u toalua, ma ioe, sa ma lagolagoina o ia a o tapena e alu i le malumalu ma auauna atu i se misiona. Sa faaaauau pea ona ou tatalo i taimi uma, a ole taimi lenei ua faafetai atu i le Tama Faalelagi i le pa’i atu i le loto o la’u tama.

Ina ua mavae sina taimi i lana misiona, i se tasi o ana tusi na ia fai mai ia te au, “Mama, ua i ai sau molimau malosi i le tatalo, faafetai atu lava ia te oe. Ou te iloa na e tatalo i

le taimi atoa mo au, ma o lea ua ou i ai i le misiona ona sa pa’i mai le Alii i lo’u loto, e le faapea ona o so’u lelei. Faafetai, Mama. Faasoa atu i tuafafine lenei matapu faavae na suia ai lo’u olaga.”

O lenei sa auauna atu la’u tama ma le faamaoni i se misiona ma sa auai i se galuega ofoofogia. Ou te matua faafetai lava i le Tama Faalelagi mo le faafogaina o a’u tatalo i nei tausaga uma, ma mo le pa’i atu i le loto o la’u tama, lea na afua ai ona toe foi mai i le ala sa’o. ■

E alala le tusitala i Kuatemala.

FAAMATALAGA

1. “Fai le Laasaga e Sosoo Ai,” *Liahona*, Iuni 2009, 31.



Saunia e Elder
M. Russell Ballard

O Le Korama
a Aposetolo e
Toasefululua

O LOO MANAOMIA OE E LE ALII I LE Taimi Nei!

*I le avea ai o se Aposetolo
a le Alii o Iesu Keriso,
ou te valaaulia outou ia
“oofu outou i le ofutau
a le Atua” ma auai
i le taua i le aso.*

Ole lalolagi o loo tatou ola ai ua vave ona se'e ese mai i aoaoga a Keriso ma ana tulafono ma ana agaifanua. O le taunuuga, ua galue faasoloatoa Satani e faaluafesasi atalii ma afafine o le Atua ma taitaises mai e ua filifilia mai le faataunuina o o latou tiute ma le mauaina o se atoaga o faamanuiaga a le Alii.

Ua manao Satani ia e taofi le faatinoina o mausa lelei na e aoaoina i le fale, i le seminare ma inisitituti, ma i lau misiona—e pei o i ai o suesuega o tusitusiga paia i aso taitasi, tatalo i aso taitasi, ma le agavaa e taumamafa i le faamanatuga i vaiaso taitasi, ma tuuina atu o auaunaga faamaoni, mai le loto. Sa ia finagalo foi o ia e tu i luga o le au maimoa i le taua taua ma le taua o le taimi nei.

Ia manatua, tatou te tau—ae le o se taua o le fana ma le pulu. E ui i lea, e moni, i le kalena anoano o tagata o le taua. Le taua o le mea moni o se faaauauga o le tasi o loo amata i le muai olaga.

Ua valaaulia i tatou e Paulo e “tuu i luga o le ofutau atoatoa o le Atua.” Sa ia fai mai, “Aua tatou te le tau ma tagata, a o alii sili, ma faipule, ma alii o le pouliuli o lenei lalolagi, atoao ma agaga leaga i mea o i le lagi,” (Efeso 6:11–12).

O se Aposetolo a le Alii o Iesu Keriso, ou te valaaulia outou e “tuu i luga o le ofutau atoatoa o le Atua” ma auai i le taua i le taimi nei, e pei ona faia e atalii o Helamana i le tele o tausaga ua mavae. Aua le faatali seia oo ina e faaipoipo po o le amata o tomai mo le olaga atoao le galuega po o le faasolo ina matutua. E manaomia e le Ekalesia a

tatou talavou i le taimi nei. O loo manaomia oe e le Alii i le taimi nei!

O le a outou manatua o autau e 2,000 sa “ulu atu i se feagaiga e tau mo le saolotoga o sa Nifae” (Alema 53:17). E manaomia e le Ekalesia ni autau o taulelea i ona po nei o e ua faia se feagaiga o le “ina ia tutu o ni molimau a le Atua i taimi uma ma i mea uma, ma i nofoaga uma” (Mosaea 18:9).

O tamaitai talavou ma alii talavou o atalii ma afafine o ona po nei o Helamana. Ia faaupu outou e pei ona fai mai ia i latou: “Ua avea nei foi i latou i lenei taimi . . . ma fesoasoani tele” (Alema 53:19).

Teteeina o Ponokalafi

Tatou te manaomia oe e auai faatasi ma i tatou i le tau e faasaga i ponokalafi. O se mala matautia lea ua sosolo atu i le lalolagi atoa.

E silia ma le 180 tausaga ua mavae, na faaalia ai e le Alii Lana tulafono o le soifua maloloina, e aofia ai se lapataiga e uiga i le faaaogaina o le tapaa (tagai i le MF&F 89). E toatele tagata ua faalogo i lapataiga a le Alii, ae e le'i faalogo le toatele. E leai se tasi na iloa i lena taimi e oo lava ina ua ou pei o outou aafiaga mo se taimi umi o le ulaula. I le taimi nei, ina ua mavae le tele o tausaga o suesuega faasainenitisi, tatou iloa nei o le ulaula e saofaga i le kanesa ma isi faamai matautia. O le Upu o le Poto o le Alii o se faamanuiaga o le puipuiga.



I le auala lava e tasi o le Alii i o tatou aso ua lapataiina i tatou e uiga i aafiaga o ponokalafi. E faitau miliona o tagata e mulimuli ma le faamaoni i fautuaga a le Alii, ae o le anoanoai o isi e leai. Tatou te le tau faatalitali, au uo pele, mo le 180 tausaga po o le e oo lava i le 10 tausaga ina ia iloa le aafiaga faataumaoi o ponokalafi. Ua faaalia mai e suesuega faasainenitisi i le taimi nei o ponokalafi e faapipiliina ia talavou matutua i le tele o auala ma faaona o latou avanoa o le mauaina i se aso se sootaga tumau ma le agalelei o le faaipoipoga.

Ua faaalia mai i saililiga le faaaogaina soo o ponokalafi e mafai ona taitai atu ai i amioga faananau ma e mafai ona toe aoao le mafaufau e o faasagatonu le toe faasagatonu o le fai'ai e pueina ai se tagata i le falepuipui, ua fai ma vaisu. O saililiga ua faamaoniaina foi o ponokalafi e fafailele ai o latou faamoemoega le moni ma tuuina atu faigata ma laveainia le sese o le aoaoga matautia e uiga i le alofa molitino faaletagata e maloloina.

O tulaga sili atu ona matautia o ponokalafi e te vaai atu i tagata o ni mea faitino lea e mafai ona e lē amanaia ma le faaaloalo i ai faalelagona ma faaletino.

O le isi itu o ponokalafi e faapea e masani lava o se gaoioiga faalilolilo. E masani ona natia e tagata faaaoga lo latou faaaogaina po o le itiiti o le faaititia o lo latou faaaogaina mai tagata uma, e aofia ai a latou paaga mafana po o taitoalua. Ua maua e suesuega pe a auai tagata i lenei itu-aiga o faalilolilo faaletagata lava ia—pe a latou faia ni mea latou te le mitamita ai ma tausia na mea o se mealilo mai tagata o o latou aiga ma uo—e le gata ina tiga ai a latou sootaga ma tuua ai i latou i lagona tuuatoatasi, ae e faia foi i latou ia sili atu ona vaivai i le atuuatuvalo, popole, ma le faaaloalo patino le lelei. O le tausia o mealilo e faaleagaina ai le faatuatuaina.

I le amataga, e tatau ia i tatou lava ona aloese mai ponokalafi aua e matautia. Sa fasiotia ni sootaga alofa o tagata faamaoni—e faaumatia ai faaipoipoga ma aiga. E faatamaia ai le agaga o le tagata na te taumafaina e moni ai e pei o le tele o mea oona e faatamaia le tino ma le mafaufau.

Aua ne'i faaseseina. Aua ne'i outou manatu faapea o le taimi lava e te alu ai i lau misiona, po o le taimi lava e faaipoipo ai e mafai ona e taofia lenei amioga ua fai ma vaisu. Afai ua e aafia ai i le taimi nei, afai ua e maileia i lenei faiga, ia saili nei le fesoasoani faaleagaga. E mafai ona e faatoillaloina ponokalafi faatasi ai ma le fesoasoani a

le Faaola. Aua le faatali! Ou te aioi atu ia te oe e tuu loa! E i ai le tele o punaoa i luga o le LDS.org o le a fesoasoani e te le faaleaogaina ai le faatiapolo o ata faaponokalafi.

O ni aso luitauna nei—ae e sili atu ona luitauna nai lo aso o Helamana ma lana autau talavou ina ua latou tutu e puipuia o latou aiga ma le Ekalesia. O lou taimi lenei e laa ai i luma ma auai i vaega o isi alii talavou ma tamaitai talavou e amiontonu ma le tuuto e tau le taua e faasagatau i ponokalafi.

O Le Aoaoga Faavae o le Faaiipoipoga

Ou te manao ia e malamalama i le tulaga o le Ekalesia i le faaipoipoga e pei ona tuuina mai ia i tatou e lo tatou Tama Faalelagi e ala mai i tusitusiga paia ma le "O Le Aiga: o Se Folafolaga i le Lalolagi." O lena pepa o faamatalaga musuia e faapea mai: "o le aiga ua faauuina e le Atua. O le faaipoipoga i le va o le alii ma le tamaitai e taua i Lana fuafuaga e faavavau. E tatau ona fanauina fanau i totonu o feagaiga o le faaipoipoga, ma ia tausia e se tamā ma se tina o ē ua faamaluina ma le faamaoni atoatoa feagaiga faaleulugalii."¹

Ua tofiaina le au Apostolo e avea ma leoleo i luga o le olo, ina ia iloa "le fili a o [ia] mamao atu" (MF&F 101:54), ma aoao atu aoaoga faavae a Keriso. O outou uma o loo iloa o le uiga masani o le faaipoipoga ua osofaia i le taimi nei. O nisi o tagata e mananao e talanoaina le autu e fesoottai ma aia tatau o le malo. O Le Au Peresitene Sili ma le Korama a Apostolo e Toasefululuua ua faamalamalama mai le tulaga o le Ekalesia ma le aoaoga faavae o le faamoemoega o le Atua ma le fuafuaga mo Lana fanau agaga e iloa ai le olaga faaletino, lea e taua i lo tatou olaga tumau e faavavau.

Ou te sii maia mai se saunoaga na tuuina atu e taitai o le Ekalesia i le 2014 ma fai atu ia te oe e faitau ma le faaeteete:

"O suiga i tulafono faalemalo e le suaia ai, e moni e le mafai, ona suaia ai le tulafono o amioga mama ua faavaeina e le Atua. Ua faamoemoeina i tatou e le Atua ia lagolagoina ma tausi Ana poloaiga e tusa lava po o a manatu eseese po o faiga i totonu o malo. O Lana tulafono o le ola mama ua manino: o sootaga faalefeusaiga ua na o le va lava o se alii ma se tamaitai ua faaipoipoina faaletulafono o se tane ma se ava. Matou te uunaia outou ia toe iloilo ma aoao atu tagata o le Ekalesia i aoaoga faavae o loo i totonu o le 'O Le Aiga: O Se Folafolaga i le Lalolagi.'"



E faaauau pea le tusiga:

"E pei lava o i latou o e siitia le faaipoipoga i le itupa e tasi e aia tatau i le faaaloalo, e faapena foi mo i latou o e tetee i ai. . . .

"I le avea ai ma tagata o le Ekalesia, tatou te nafa ma le aoao atu o le talalelei a Iesu Keriso ma le faamalamalamaina o le tele o faamanuiaga e tafe mai le usitai i poloaiga a le Atua, e faapea foi ma le taunuuga le maalofia o le le amanaiaina o i latou. Matou te valaaulia outou ina ia tatalo ina ia faamaluina loto o tagata i soo se mea i upumoni o le talalelei, ma o lena poto o le a tuuina atu ia i latou o e ua valaaufina e filifili mataupu taua i le lumanai o le sosaiete."²

Ou te iloa tou te alolofa ma lagolagoina le Alii ma lagolagoina Ana perofeta, ae ou te iloa foi o nisi o outou e ono le mautonu e tusa ai ma le tele o Ana perofeta, ae ou te iloa foi e faapea ona fenumia'ia nisi o outou e faatatau i le tele o le faauigaina o faaigu a le Ekalesia e lagolagoina le fuafuaga a le Atua ua faaalia mo Lana fanau.

Ou te iloa foi o nisi o o tatou tagata tala-vou o loo tauivi ina ia malamalamama i le aualu e faamalamalamama ai aoaoga faavae o loo siomia le aiga ma le faaipoipoga ma tumau

pea le agalelei, agamalu, ma le alofa ia i latou e le malilie i ai. Atonu e tou te fefefe o le a faaigoaina outou o ni tagata faailogalanu ma le le faapalepale.

Atonu e te iloa se tasi o loo tauivi ma le tosina atu i le itupa e tasi po o ua faia se faa-iuga e nonofo faatasi i se sootaga o le itupa e tasi. O lou alofa mo lena tagata o se atalii po o se afafine o le Atua e mafai ona fatuina se tauiviga totonus a o e taumafai e alofa ma lagolago o ia ma tu ai pea mo le fuafuaga e faavavau a le Alii.

Ia tatou malamalamama: E talitonu Le Ekalesia a Iesu Keriso o le Au Paia o Aso e Gata Ai e faapea "o le aafiaga o le tosina atu i le itupa e tasi o se mea faigata moni mo le toatele o tagata. O faatosinaga lava ia e le o se agasala, ae o le faatinoina o se agasala lea. E ui lava e le filifilia e tagata taitoatasina ina ia maua i ia faatosinaga, ua latou filifili pe faapefea ona tali atu ia i latou. Faatasi ai ma le alofa ma le malamalamama, e aapa atu le Ekalesia i fanau uma a le Atua, e aofia ai [o i latou e tosina atu i le itupa e tasi]."³

E le aoao atu e le Ekalesia pe lagolagoina le teenaina [o na tagata] po o isi faatinoga le faakerisianoina. E tatau ona tatou alolofa ma

*Sa silafia e lo tatou Tama
oi le Lagi ia taunuuga o
le ola ai i se lalolagi pa'u
ma, o lea, sa saunia ai
se Faaola, o se "Tamai
Mamoe na fasia talu ona
faavaeina le lalolagi"
mo Ana fanau.*

FESOASOANI MA MALAMALAMA

Eofoina mai e le Ekalesia le fesoasoani ma le malamalama mo i latou o loo tauivi ma ponokalafi po o faafeagai ma le tosina atu i le itupa e tasi. E ofoina mai foi punaoa mo tagata o le Ekalesia o loo mananao e faalolo lo latou malamalamaaga i le faavae paia o le faaipoipoga pe ia faasoa atu le talalelei i le initoneti. Fuafua e asiasi atu i punaoa nei o i le initoneti:

- “Overcoming Pornography through the Atonement of Jesus Christ,” overcomingpornography.org.
- “God Loveth His Children,” lds.org.
- “The Divine Institution of Marriage,” mormonnewsroom.org.
- “Sharing the Gospel Online,” lds.org/church/share.

taumafai e fesoasoani i isi ina ia malamalama faapea e le tatau i se tasi ona le amanaiaina po o le faalēano i poloaiga a le Atua.

O Se Molimau ma se Lapataiga

I le “O Le Aiga: O Se Folafolaga i le Lalo-lagi,” ua saunoa mai le Au Peresitene Sili ma le Korama a Aposetolo e Toasefululu: “Matou te lapatai atu o tagata taitoatasi o ē ua solia feagaiga o le ola mama, o e faasau-noa i taitoalua po o fanau, po o ē ua faatalalē i le faataunuina o tiutetauave faaleaiga o le a i ai se aso tou te tutu atu ai e tali atu i luma o le Atua. E le gata i lea, matou te lapata'i atu foi, o le faamalepeina o le aiga o le a aumai ai i tagata taitoatasi, alaalfaga, ma malo, faafanoga ia na ulua'i ta'u mai e perofeta anamua ma aso nei.”⁴

O a'u o se tasi na auai i lena lapataiga. I le avea ai o se tasi ooleleo i le olo, ou te tali atu i “le ilia [e ia] o le pu, ma faailoa atu i le nuu” (tagai i le Esekielu 33: 1-9). Sa ou faia lena mea ona ou te alofa ia te oe ma ou te manao ia outou malamalama e tatau ona tatou faasaga i le Alii ma tausi Ana poloaiga. O lo'u tiute lena.

O le lapataiga a le Alii e oo mai foi ma se valaaulia e o mai ia te Ia. Sa silafia e lo tatou Tama oi le Lagi ia taunuuga o le ola ai i se lalolagi pa'u ma, o lea, sa saunia ai se Faaola, o se “Tamai Mamoe na fasia talu ona faavaeina le lalolagi” mo Ana fanau (Faaaliga 13:8).

I le Talalelei a Ioane tatou te aoao ai “Aua ua faapea lava ona alofa mai o le Atua i le lalolagi, ua ia au mai ai lona Atalii e toatasi, ina ia le fano se tasi e faatuatua ia te ia, a ia maua e ia le ola e faavavau” (Ioane 3:16).

Faamolemole ia manatua o le talalelei o le “tala lelei.”⁵ O se savali o le faamoemoe. Afai o loo e i ai i faafitali i le taimi nei, saili se fesoasoani. E alofa mutimutivale le Alii ma loto faamagalo.

Na aoao mai le Apostolo o Paulo:

“O ai se na te faateaeseina mai i tatou i le alofa o Keriso? o le puapuaga ea, po o le atatuvalue, po o le sauia, po o le oge, po o le lē lavalavā, po o le pagatia, po o le pelu? . . .

“A ua tatou manumalo aiai i nei mea uma lava, ona o ia ua alofa mai ia te i tatou.

“Aua ua ou mautinoa, e le mafai e le otí, po o le ola, po o agelu, po o alii, po o e malolosi, po o mea i nei ona po, po o mea atali,

“Po o le maualuga, po o le loloto, po o se tasi mea na faia, e le mafaia e ia mea ona faateaeseina mai i tatou i le alofa o le Atua, o loo ia Keriso Iesu lo tatou Alii” Roma 8:35, 37-39.

Ona o Iesu Keriso, e mafai e le filemu ona suia le tausalaina. E mafai ona toefuatai mai ni sootaga maloloina. E mafai ona faatoilalo-inia ni mea ua fai ma vaisu.

E tatau ona faailoa atu ia tatou aiga ma o tatou uo lenei upumoni: O le Atua o le alofa, “ma ua ia valaaufina [i tatou] uma ia o mai ia te ia ma taumafai i lona agalelei; ma e le teena e ia se tasi e sau ia te ia” (2 Nifae 26:33).

Matou te manaomia outou ia punouai i le galuega o le faaolataga a o lei amataina, i le taimi, ma pe a maea lau misiona.

Faaaogaina o Tekinolosi e Faamanuia ai Olaga

Sa valaaulia outou e le Alii e saofaga atu ma faaaoga le tulaga o faasalalauga faaleagafesootai e faasoa ai le talalelei ma tutu o ni atalii ma afafine o Helamana i taua tele o aso e gata ai. E finagalo o ia ia e avea ma fitafita talavou o ona po nei e tutu malolosi ma le lotogatasi i le upumoni. E finagalo o ia ia te oe ia e lototele ma lototoa e tusa lava po o le a le saoasaoa o le fili. Ua tatou iloa i le iuga o le a manumalo le Alii i le aso ma o le a faatoilaloina Satani.

O le taimi nei, ua ia te oe le avanoa e faaaoga ai ala o faasalalauga faaleagafesootai ma le atamai. Ia manatua o loo i ai se taimi tatau ma le nofoaga mo oe e faaaoga ai ala o faasalalauga faaleagafesootai, ma faasoa atu ou manatu ma molimau e uiga i mea o



Ou te iloa nisi o outou e popole e uiga i le tauseseina, ulagia, e oo lava i le sauaina pe a tu atu mo le Tama Faalelagi, o le Alii o Iesu Keriso, ma le Ekalesia. Au uo talavou pele, aua tou te popole e uiga ia i latou i le fale tele ma le ateatea.

loo e aoaoina ma le lagonaina o se tasi o na taimi. E ala i tulaga eseese o ala o faasalalauga faaleagafesootai, e mafai ona i ai ni au talanoaga faaletalalelei ma aiga, ma uo, ma, mo faifeautalai ua maea misiona, e oo lava i tagata sailili talu ai ma tagata fou. E mafai ona outou tutu o ni molimau i le upumoni ma le puipua o le malo.

Puipua o le Malo

Ou te iloa nisi o outou e popole e uiga i le tauseseina, ulagia, e oo lava i le sauaina pe a tu atu mo le Tama Faalelagi, o le Alii o Iesu Keriso, ma le Ekalesia. Ou te malamalamai i ou atugaluga.

Sa ou auauna atu i le Misiona a Peretania ina ua mavae le iuga o le Taua Lona II o se faifeautalai talavou. I lena taimi o Mamona sa avea “ma isa ma upufaifai” (3 Nifae 16:9), ma na avea faifeautalai ma mea e talie i ai ma tauemuina. Na oo lava ina tauai mai e tagata mea ia i matou, ma o nisi e taufeanu mai ia i matou. Ae peitai, matou te le’i solomuli, ae sa matou faaaaua pea ona faasoatatu a matou molimau ma faasoatatu le talalelei. E pei o Apinati, matou te le’i faavaivai; e pei o Paulo, matou te le’i faavaivai; ma e faapei o le Faaola, matou te le’i faavaivai. I lena taimi sa le mafai ona matou mafaufauna le aafiaga o a matou galuega. Sa ia i matou ni itu e 14 ma sa leai se siteki. I le taimi nei, e 46 siteki o Siona o loo maua i le Atu Motu o Peretania.

Au uo talavou pele, aua tou te popole e uiga ia i latou i le fale tele ma le ateatea. Na vaai Nifae o le a latou tauemu ma

faasinokino o “latou tamatamailima ia i latou o e na o mai ma sa aai i le fua.” Aua nei outou faapei o i latou o e “ina ua uma ona latou totofo i le fua . . . sa latou mama, ona o i latou o e sa faatauemai ia te i latou; ma sa latou paau ese atu ai i ala faasaina ma ua leiloloa. (1 Nifae 8:27, 28).

O outou o se tupulaga sili ma taua, ma o se taimi sili lenei e ola ai! E susulu le lumanai. Fai ifo ia te oe lava, “O loo o’u fesoasoani i le Alii a o ou aapa atu e faasoatatu lau molimau ma aoao atu upumoni ua faaalia mai e le Atua i nei aso e gata.”

Ia faamanuia oe e le Alii faatasi ai ma le poto i tala atu o ou tausaga, o le a e iloa ma le atamai o loo tatou i ai i lenei taua ma e tatau ona tatou tutu faatasi, o e talavou ma e matutua. Ia aua lava nei galo ia te oe, i lenei malaga ua e i ai, o oe e taua i le lumanai o le sauniaina o le lalolagi mo lena aso pe a fetalai mai Iesu Keriso, “Ua lava lea,” ma o le a toe foi atu e pule ma nofotupu o le Faaola, o le Alii o alii, o le Tupu o tupu, o le Togiola o le lalolagi, o Le ou te molimau atu ai o loo soifua. ■

Mai se faigalotu a le OAE mo le autalavou matutua, “Ina Soia, ma ia Outou Iloa o A’u Lava o le Atua,” na tuuina atu mai Kalefonia, ISA, i le aso 4 o Me, 2014.

FAAMATALAGA

1. “O Le Aiga: O Se Folafolaga i le Lalolagi,” *Liahona*, Nov. 2010, 129.
2. Tusi mai le Au peresitene Sili o Le Ekalesia a Iesu Keriso o le Au Paia o Aso e Gata Ai, i le aso 10 Ian., 2014 (Junaite Setete) ma Mat., 6, 2014 (i fafo atu o le Junaite Setete).
3. “Love One Another: A Discussion on Same-Sex Attraction,” mormonsandgays.org.
4. “O Le Aiga: O Se Folafolaga i le Lalolagi,” 129.
5. Tagai Taiala i Tusitusiga Paia, “Talalelei.”

Faamaniaga o a Tatou Fanau

E ALA I LE FAALELEIA ATILI O A TATOU FAAIPOIPOGA

Saunia e Lori Cluff Schade

Faaipoipoga Laiseneina ma le Fomai Faapitoa a le Aiga

I se tasi aso na ou faia se fofo faatasi ai ma se talavou o le sa i ai talu ai nei lona olaga i se tulaga lamatia i le punouai ai i amioga matautia. Sa ou galue talu ai nei ma ona matua ma sa taumafai e faavasega ai lana vaaiga ma le malamalamama i le sootaga a lona aiga. Ina ua ou fesili e uiga i le ulugalii a ona matua, sa ia tilotilo mai ia te au, ma e aunoa ma le faatuai sa ia tali mai, “O’u matua e le fiafia le tasi i le isi.”

Sa ou fesili atu pe faapefea ona ia iloa lena mea, talu ai sa faafia ona ta’u mai e ona matua ia te au, e leai lava so la eseesege ma sa faamautinoa mai foi e le iloa lava e le la fanau o la’ua faanoanoa faale-faaipoipoga. O se folafolaga sa ou faalogo soo i ai mai le tele o ulugalii, o se fomai faapitoa o faaipoipoga ma aiga.

“E mafai lava ona e iloa,” sa ia tali mai ai. Sa ia faamalamalamama mai e le mafai ona uma lona popole e uiga i se taimi e solovi ai lona aiga. Sa ia faaalia mai ma loimata ua ma’i ai o ia faaletino ma sa faigata ona moe o ia ma alu i le aoga. “Ou te mafaufau lava i lenei mea i taimi uma,” o lana tala lea.

O le uiga auau mama o lau faaipoipoga e faatosina ai lau fanau, pe e te iloaina pe leai. A o oulua galulue ma lou todlua e faaleleia atili la oulua sootaga, o le a faamaniaina lau fanau.





Sa nutimomoia lo'u loto a o ou saofai faasaga atu ia te ia ma mafaufau i le ata ua ou masani ai. Sa ou iloaina ona matua e alolofa ia te ia ma mananao e faia se mea e fesoasoani ai ia te ia, ae sa ou popole i lo la le manatu mamafa lea ua avea ai la la'ua faaipoipoga faigata ma mea ua tiga ai o ia faapea isi o le la fanau.

Fai mai le folafolaga i aiga e faapea o le "tane ma le ava e i ai se tiutetauave paia e alofa ma taus i le tasi le isi ma a la'ua fanau."¹ O nisi taimi ou te popole "mo a latou fanau" o se vaega ua tulei ese ai le vaega o le "mo le tasi le isi".

I la'u galuega, ou te matauina ai tagata o le Ekalesia i le faia o osigataulaga e tele mo a latou fanau ina ia fesoasoani ia faamanuiaina i latou. O nei matua e uunaia le lelei o faiga faalelotu i a latou fanau, e pei o le tatalo, suesue i tusitusiga paia, ma alu i le lotu. Latou te faamalosiuina tau-mafaiga faaleaoaoga ma le mauaina o le tomai o le a saunia ai fanau mo ni lumana'i susulu. Ae ui i lea, ou te popole nei manatu mama nisi i le punaoa taua e ofo mai e faaipoipoga e maualuga uiga auaumama i le sauniaina o le autalavou mo faamoemoega e faavavau.

E toatele ulugalii e tuuto atu lo latou gauai atu i mafuaga e taua ae e itiiti ni mea e fai e faamalosia ai a latou faaipoipoga. O nisi e fetuunai ma le maelega le faatulagaga

o o latou taimi ina ia auai i faatinoga a le fanau ae foliga mai e le mafai ona maua se taimi mo se evaga ma se toalua. I le asiosio o le tausiga o se tamaitiiti, fausiaina o matata mo galuega, ma le faataunuina o valaauga o le Ekalesia, e faigofie lava ona faatuatuana'i faaipoipoga ma o nisi taimi e mafai ona valivali i feteenaiga, inoino, ma le faalataina.

A oo ina iloa atili e ulugalii le faatosinaga mamana o a latou faaipoipoga i a latou fanau, ona manino ai lea e tele faamanuiaga e mafai ona maua pe a saili ia ulugalii ma le mataalia e tausia ai ma faamalosia a latou faaipoipoga.

O Uiga Auaumama Faale-Faaipoipoga e Faatosina ai Le Fanau

Ou te talitonu o le tele o ulugalii o le Au Paia o Aso e Gata Ai e mananao i a latou faaipoipoga ina ia faamanuiaina, ma ou te maofa i le tulaga o le tautinoga faale-faaipoipoga latou te faaalia. I se tulaga lautele, o le Au Paia o Aso e Gata Ai e ulu atu i le feagaiga e faavavau o le faaipoipoga (tagai MF&F 131:2) e faatauaina lena feagaiga ma o le tele ina onosaia le aofaiga tele o le faanoanoa ina ia tausisia ai le maopo o a latou faaipoipoga.

Ae peitai, o nisi taimi ou te vaaia ai faaipoipoga e tele atu le maopo nai lo uiga auaumama. O nisi ulugalii e

sese manatu faapea afai e na ona latou aloese lava mai le feupuai i luma o a latou fanau, o le a le iloa lava e a latou fanau le motusia o le faaipoipoga. O fanau e matua lotomaulalo ma e masani lava ona i ai se lagona o se mea e le o lelei, lea e mafai ona taitai atu ai i se lagona loloto o le le malupuipuia. O le leai o se feeseseariga i se faaipoipoga o se sui taugofie lea mo le sootaga malupuipuia.

Na fautua mai e le saililiga e uiga i le tulaga auaumama o le faale-faaipoipoga ua siita'i ai se lagona i le malupuipuia faalelagona, faaleleia atili ai le soifua manuia o le fanau.² I la'u galuega faatino, o au o se molimau i le mea moni faapea e matua aafia lava le fanau i le tulaga auaumama o le faaipoipoga a matua. O lenei mataupu faavae e atagia mai i upu a Peresitene Spencer W. Kimball (1895-1985): "O le Faaipoipoga . . . e le gata ina maua ai le fiafia, ae faapea foi i le olioli e faavavau. E aafia ai e le gata i tagata e toalua e aafia ai, ae faapea foi o latou aiga aemaise lava i a latou fanau ma fanau a a latou fanau e oo atu i le tele o augatupulaga."³ E tele lava ina ou faamatala atu i tagata latou te le o na fatuina a latou lava faaipoipoga ae i le tulaga silisili o faaipoipoga foi a a latou fanau ma fanau a fanau.

Sa faaopoopo mai ia Elder Dallin H. Oaks o le Korama a Aposetolo e Toasefululu: "O le taumamanina o le manatu faapea o faaipoipoga e tumau ma e faapelepeleina, e i ai ni ona taunuuga taua. I le ta'a'ina ai i tete'aga a o latou lava matua po o manatu taatele e faapea, o le faaipoipoga o se polo ma o se filifili e taofia ai le faamalieina o le tagata lava ia, o lea ua teena ai e isi talavou le faaipoipoina. O le toatele o e faaipoipo e tetee i le faia o tautinoga aiai, ma ua sauni e sola ese i le luitau ogaoga muamua lava."⁴

I le avea ai ma se fomai o le faaipoipoga, e mafai ona ou faamautu atu faapea o tagata matutua o e sa tetea o latou matua, pe sa maualalo le tulaga auaumama o faaipoipoga, e tele ina lipotia mai le le malupuipuia o o latou lava tomai e tausisia ma faatumauina ni sootaga manuia mo se taimi umi. E masani lava ona fulufulele i soo se feeseseariga i le faaipoipoga ma oo atu ina faatetele le taumafai e aloese mai le feeseseariga, lea e mafai i nisi taimi ona faaititia ai le felata'i faalelugalii. E le faapea ou te le masani ona ou vaai i tagata matutua o fetagisi a o latou tomanatu i le tiga faalelagona ua latou oo i ai a o matamata atu i le faiifo ma le malepelepe o faaipoipoga a o latou lava matua. O le mautinoa i le faaipoipoga e faaititia i aiga e le lelei le tulaga auaumama faale-faaipoipoga.

Filifili e Faaleleia Atili le Tulaga Auaumama Faale-Faaipoipoga


Faaleleia atili o le tulaga auaumama faale-faaipoipoga e tele ina afaina ona o filifiliga. Na faamautinoa mai e Elder Russell M. Nelson o le Korama a Aposetolo e Toasefululu e faapea "o se alii ma se tamaitai ua uluitino le alofa, e mafai ona filifilia se faaipoipoga e aupito maualuga le uiga auaumama po o se ituaiga e maualalo ifo o le a le tumau."⁵

Sa tusia e se fomai o faaipoipoga ma se tagata suesue laulioa o William J. Doherty, e uiga i le taua o le tuuafatasia o tautinoga ma faamoemoega, po o taumafaiga aoga e faaleleia atili ai sootaga o le faaipoipoga: "Tusa Lava pe ia i tatou se tautinoga e le magagauina ia tatou paaga, o le toatele o i tatou e tauaso pe faapefea ona mamulu atu a tatou faaipoipoga e ala i le tafia malie atu pe afai tatou te le tausisia le fafagaina o le palapala. . . . O tautinoga e aunoa ma le faamoemoega e tau atu i se faaipoipoga mautu ae mafu."⁶ E toatele ulugalii ua faaalia la latou tautinoga loloto ma le mautu ae ititi lava, pe afai e i ai, e taumafai ia manuia lelei le faaipoipoga. E momomo lava le loto i le vaai atu e le o lava le faaaogaina o le aseta faavae faale-faaipoipoga.

Alofa i Lou Toalua

Ina ua lauga le peresitene aoao talu ai o Tamaitai Talavou o Elaine S. Dalton sa ia fautuaina ai le mea aupito sili ona taua e mafai e se tama ona fai mo lona afafine o le "alofa i lona tina,"⁷ sa tuia lo'u loto i le iloa ai o a'u ae le o lo'u toalua sa manaomia ona faalogo i lea lauga; sa sili atu lona faautauta i le fesootai atu i la'u fanau le tele o lona alofa ia te au nai lo lo'u faia. Sa ou mafaufau i le tele o taimi ou te savali atu ai i se potu ae o fesili atu lo'u toalua i se tasi o la'u fanau, "Mate mai po o le a?" lea e tali atu ai se tasi, "Ua ou iloa . . . e te alofa ia Mama," po o le, "Ua ou iloa . . . O Mama o lau uo sili," po o le "Ua ou iloa . . . O Mama lau teine e te momoo i ai," o se anoano o isi tautinoga faapena sa ia faia pea i le tele o tausaga. Sa ou iloaina o le saogalemu tele sa ou lagonaina i la'u faaipoipoga, ma ou te le o amanaiaina, o se taunuuga tuusao o le agalelei o lo'u toalua i le faailoaina atu o lona alofa, faamemelo, ma le faaaloalo mo au i le ma fanau.

O le taua o aoaoga a Sister Dalton ua faamamafaina e le perofeta o Iakopo i le Tusi a Mamona. A o ia aoaiina le au sa Nifaē ona o lo latou amioleaga, sa ia ta'ua lena mea, i le



O GAFATIA O LE FAAIPOIPOGA

"O le faaipoipoga e maua ai avanoa sili atu mo le fiafia, nai lo se isi lava sootaga faale-tagata soifua. Ae e i ai nisi ulugalii faaipoipo, e le taunu i le tulaga atoatoa latou te gafatia. Ua tuu lava le alofa logoitino ia elea, ua leai lava ano le tasi i le isi, ua faataga isi mea e fiafia i ai po o ao valevale o le le amana'ia e faapogisa ai le vaiga i le mea moni e mafai ona oo i ai a latou faaipoipoga. E mafai ona sili atu le fiafia o faaipoipoga, pe afai e faafaaileina ma le matua faautauta."

Elder Russell M. Nelson o le Korama a Aposetolo e Toasefu-Iulu, "Faafaaileina o Faaipoipoga," *Liahona*, Me 2006, 36.

faatusatusa atu i ai, i le au sa Lamana "ua alolofa a latou tane ia latou ava, ma ua alolofa a latou ava ia latou tane; ma ua alolofa alolofa a latou tane ma a latou ava ia latou fanau" (Iakopo 3:7), ua faamalosia ai le manatu e faatauaina tele lenei mea e le Alii.

O le Homefront, o se faasilasilaga faasolo o se auaunaga lautele a le Eklesia, e i ai se vaimea lauiloa i le TV e ta'ua "I le Itula," lea e taumafai ai se tamaititi e tosina mai le gauai a lona tama faigaluega. I se tasi taimi na fai mai ai le tama, "[Afai] e le faigaluega Tama, e le totogia Tama," lea na faaopoopo atu i ai le tina, "E fiafia tele tagata i le galuega a Tama o lea latou te totogia ai o ia."⁸ O se tasi lea o faasalalauga e ese lo'u fiafia i ai, aua ua aloese mai ai le tiina i se fua faatafatolu e le aoga, lea e laa atu ai se matua i totonu ma lagolago se tamaititi e ala i le otegiaina o le matua ua le fia talanoa i se isi. E masani ona tulai mai ai i lenei mea le taupunipuni i le isi matua ma lagona o le tamaititi ua le mautinoa. Faatasi ai ma se faaupuga lelei ma le faautauta, e lagolago e le tina o loo i le faasalalauga le tama ma le tamaititi. Ua faatalitonuina ai afai e tele atu ni matua e fetuunaia a latou talanoaga ina ia faapei atili ai o lenei talanoaga, o le a faaleleia atili le aotelega o le tulaga auaumama faale-faaipoipoga ma le aiga.

Fautuaga mo le Faaleleia Atili o le Tulaga Auau Mama Faale-Faaipoipoga

O le tala fiafia e uiga i le faaleleia atili o le uiga auaumama faalefaaipoipoga o le a mafai ona vave le siitaga e tatau ona i ai e ala i le tuufaatasia o suiga laiti. O nisi nei o fautuaga:

Faailoa ma faasoa atu mea e te manao i la oulua faaipoipoga e foliga mai ai i le 5, 10, po o le 20 tausaga. Ou te ofo pea lava i le toatele o ulugalii e le talanoa e uiga i ituaiga faaipoipoga e mananao ai. O le faia o lenei talanoaga e tuu ai le faaipoipoga i le ogatotonu o le tulaga, ma tuu ai ulugalii i se ala

e faaleleia atili ai le tulaga faalefaaipoipoga ma tautinoga mo le lumanaia.

Tusi i lalo ma faasoa mai se mea lelei e te manatua i le faaipoipoga. O lagona le lelei e aga atu ina matua mitia ma o lea e tele ai ina punitia le faamoemoe. A mafaufau tagata e uiga i le faasoa atu o manatua lelei, ua latou faavanoaina le toe maua o le faamoemoe.

Faasoa atu se manatua o se taimi sa mafai ai ona oulua faatoilaloina faatasi se luitau. O le toe manatuaina o nei tulaga o se auala e maua ai le lotogatasi o se ulugalii faaipoipo.

Fatu ni gaoioiga laiti ae anoa pe a oulua eseese ma toe tutu faatasi. E foliga mai o se tomai fatuai, ae e tele taimi e galo ai i ulugalii le taua o se kisi faamoemoeina, opo mai, po o se faaupuga e mafai ona matuaia ai le lelei i le faaipoipoga i le aluga o taimi.

Folasia se elemene o se mea fou i la oulua evaga. E i ai se sailiiliga ua fautuaina ai faapea o ulugalii e eva ma se faamoemoe e ala i le sailia o aafiaga fou e tele lava ina ausia le tulaga auaumama i le la mafutaga. E manao-mia ai le fatufatu mea fou ma taumafaiga, ae le o tupe.

Ta'u soo atu i lau fanau le mea e te faame-melo ai i lou toalua. O le mea lea ou te fiafia lava i ai. A i ai ulugalii e o mai mo se vaifofo ae mulimuli i lea faatonuga, e vave lava ona latou lipotia mai taunuuga lelei.

Saili ma le maelega i punaoa faagaeetia mo le faaleleia atili o tulaga faalefaaipoipoga. E aofia ai tusi ma tusiga (lolomi po o le leo), taaloga, lauga, faeasaite, mafutaga faaleao-aoga, konafesi, ma isi mea.

Fesili le tasi i le isi e le aunoa pe o oulua fesoottai atili pe ua leai o se ulugalii nai lo le taimi muamua ma talanoaina mea e mafai ona oulua faia e faatumu ai le va lea. E mafai ona faia lenei mea i aso taitasi, faale-vaiaso, pe faalemasina ma maua ai se ala e toetaulai atu ai le gauai i le faaipoipoga.

Fefautuaaai ma lou epikopo ina ia maua ai punaoa faapolofesa pe a tatau ai. Mo



mafuaaga eseese, e masani ona faatuai tagata i le sailia o le fesoasoani. E le mafai ona ou faitauina le aofaiga o taimi ou te moomoo ai maimau pe ana vave sailia faatasi e se ulugalii se fesoasoani, a o lei tele se inoino ua faa'onaina ai le faaipoipoga.

Tatalo. Ua fautuaina mai e Peresitene Henry B. Eyring i le Au Peresitene sili: “Tatalo mo le alofa lea e mafai ai ona vaaia le lelei i lau soa. Tatalo mo le alofa e avea ai vaivaiga ma mea sese e foliga mai e laiti. Tatalo mo le alofa ia avea le olioli o lau soa ma ou foi. Tatalo mo le alofa e te manao e faaitiitia ai le avega ma faamaluina le faanoanoa o lau soa.”⁹ Afai e foliga faigata tele, e mafai ona tatalo taitoalua ia mananao e naunau i na mea.

E Finagalo le Tama Faalelagi la Fiafia a Tatou Faaiipoipoga

Na tautino mai e Peresitene Howard W. Hunter (1907–95) “o soo se mea lava e tuu i ai aao o Iesu e ola. Afai e tuu e Iesu ona aao i luga o se faaipoipoga, e ola. Afai e faatagaina

o ia e faaee ona aao i luga o se aiga, e ola.”¹⁰ E i ai lo’u talitonuga maumaututu e finagalo le Tama Faalelagi ia i tatou ia silisili ona lelei a tatou faaipoipoga o le tulaga auaumama aupito maualuga, ma o le a ia taialaina i tatou i a tatou tau-mafaiga e faaleleia atili na sootaga mo le manuia o o tatou aiga. O faaipoipoga fafia e maua ai faamanuiaga maoae mo i tatou ma mo a tatou fanau. ■

E alala le tusitala i Iuta, ISA.

FAAMATALAGA

1. “O Le Aiga: O Se Folafolaga i le Lalolagi,” *Liahona*, Nov. 2010, 129.
2. Tagai E. Mark Cummings and Patrick T. Davies, *Marital Conflict and Children: An Emotional Security Perspective* (2010).
3. *Aoaoga a Peresitene o le Ekalesia: Spencer W. Kimball* (2006), 193.
4. Dallin H. Oaks, “Tatalaina o Faaiipoipoga,” *Liahona*, May 2007, 70.
5. Russell M. Nelson, “Faaiipoipoga Faaselesitila,” *Liahona*, Nov. 2008, 92.
6. William J. Doherty, *Take Back Your Marriage: Sticking Together in a World That Pulls Us Apart*, 2nd ed. (2013), 8, 9.
7. Elaine S. Dalton, “Alofa i Lona Tina,” *Liahona*, Nov. 2011, 77.
8. Tagai “By the Hour” (video), *Homefront* TV spots, lds.org/media-library/video/homefronts.
9. Henry B. Eyring, “O La Tatou Faataitaiga Atoatoa,” *Liahona*, Nov. 2009, 71.
10. Howard W. Hunter, “Faitauina o Tusitusiga Paia,” *Ensign*, Nov. 1979, 88.



Saunia e Elder
Bruce C. Hafen

Na avea o se tasi o Fitugafulu
mai le 1996 i le 2010

Malum^{OLE}malu MA LE FAATULAGAGA MASANIOLE **Faaipoipoga**



O le lona lua o tusiga e lua na saunia e Elder Hafen lea e fesoasoani i le faamanatuina o le 20 tausaga o le "O Le Aiga: O Se Folafolaga i le Lalolagi." Sa faasalalauina le uluai tusiga i le lomiga o Aokuso 2015 o le Liahona.

Pe a i ai se aganuu e faafememea'iina i tatou i le uiga o le faaipoipoga, e ono mafai ona vave faavaivaia ai i tatou. Ae o loo i ai le faamoemoe. E mafai ona fesoasoani ia i tatou le mamanu e faavavau o le malumalu e faatoilalo ai le vevesi o ona po nei.

O taimi uma lava tatou te o i le malumalu, e toe aoaoina lava i tatou e sauniga i le faatulagaga masani o le atulaulau, e aofia ai le faatulagaga masani o le faaipoipoga. E pei o tautai anamua o e, tatou te vaavaai atu i le lag i na ia maua lo tatou faasinomaga—ma tatou te faia lena mea e ala i le malumalu. Na tusia e le sikola o le Au Paia o Aso e Gata Ai o Hugh Nibley:

"E fausia le malumalu ina ia avea ma sui o le mataupu faavae o le faatulagaina o le atulaulau. O le aoga e aoao ai tagata e uiga i nei mea. . . .


" . . . O le malumalu i le lalolagi [o] i le ogatotonu o mea uma lava, . . . e faataamilo molo ai faatinoga uma faalelagi, o le faapona e fusia faatasi ai le lag i ma le lalolagi."¹

O lea la, o le malumalu ua i ai le mana e tusi ai tulafono faaletino masani a le Atua o le faaipoipoga ma le olaga faaleaiga i o tatou loto.

O Le Faaipoipoga a Atamu ma Eva

Tatou te muamua ona aoao i aoaoga a le malumalu e uiga i le faaipoipoga i le tala ia Atamu ma Eva—o le uluai o le tala a le malumalu. Sa fesili mai se uo ia te au, "Afai o Keriso e i le totonugalemu o le talalelei ma le malumalu,

O le malumalu o le faapona e fusia faatasi ai le lag i ma le lalolagi.



aisea la e le o aoao mai ai i le faaeega paia i le malumalu le tala e uiga i le soifuaga o Keriso? A o a nei mea uma e uiga ia Atamu ma Eva?"

Ua ou lagona ai o le soifuaga o Keriso o le tala i le *tuu-inā mai* o le Togiola. O le tala a Atamu ma Eva o le tala i le *mauainā* o le Togiola, i le lotolotoi o tetee taufaafefe i nisi taimi o le olaga faaletino.

O Atamu ma Eva o uluai tagata ia na taliaina le Togiola a Iesu Keriso. O i laua foi o uluai matua na iloa le alofa e au-maia e se tamaititi fou, le osigataulaga o le loto i la tausiga o se tamaititi, ma le tiga o le matamata atu i le fanau e faaoga ma le le poto a latou fitalia.

Na toe tuu mai e le Tama Liae le matalalaga faaaoaoga faavae ia malamalama ai i lo latou aafiaga—ma tatou foi. Ua ia faamatala mai faapea a na le 'aia e Atamu ma Eva le fua o le laau e iloa ai, semanu "e tumau pea o ia [i laua] i le faatoaga o Etena. . . .

"Ma ua le maua e i laua ni fanau; o le mea lea semanu e tumau pea i laua i le tulaga o le le sala, e aunoa ma se olioli, ona sa laua le iloa se pagatia; la te le faia se mea lelei, ona sa laua le iloa le agasala. . . .



"Na pa'ū Atamu ina ia i ai tagata; ma ua i ai tagata, ina ia latou maua le olioli" (2 Nifae 2:22–23, 25).

O lea la, i se tulaga uiga ese, o le agasala, faanoanoa, ma le fanau ua fesoasoani e fausia le matalalaga mo le aoaoina o le uiga o le olioli—o se faagasologa ua mafai ona maua ona o le Togiola a Iesu Keriso.

Ona o le Togiola, ua mafai ai ona tatou aoaoina mai o tatou aafiaga e aunoa ma le tausalaina. Ma o le mauaina o le Togiola, pei o Atamu ma Eva, e le na o se aoaoga faavae e uiga i le tapeeseina o failogia uli; ae o le aoaoga faavae autu e mafai ai ona atiina ae le tagata. O lea la, o le taulaga a Keriso sa le na ona toe faafoi atu ai o i laua i se Etena o le ta'umamaina. O le a avea lena o se tala e leai se auivi ma e le o agai i luma le tagata o le tala. Nai lo lena, sa la tuua le faatoaga a o pipii atu le tasi i le isi ma agai i luma, faatasi, i le lalolagi lea ua tatou nonofo ai nei.

O le uluai tala a le malumalu e fai lava si iloa lelei o le tala o se ulugaliu ua faaipoipo, o loo fesoasoani le tasi i le isi e fetaiai ma tetee faifai pea o le olaga. Mo na o le feagai ai ma lena tetee, o nisi taimi na mafai ona la aoaoina ai e malamalamana i le olioli moni.

Sei o tatou mafaufau i ni aafiaga se lua mai le tala ia Atamu ma Eva e uiga i lo tatou malamalamana i le

faaipoipoga. Muamua o le vaiga lelei a le Toefuataiga e uiga i le Pau. Ua tatou iloa e Atamu ma Eva sa filifili ma le atamai i le faatoaga ona sa na o lenei olaga e mafai ona maua ai le poto masani na manaomia e faataunu ai le fuafuaga a le Atua mo i latou—ma mo i tatou. I se faatusatusaga, o loo aoao e Kerisiano masani faapea o le filifiliga a Eva o se measese matautia, ua aumaia ai le toasa o le Atua i tagata uma. O loo aoao pea lava e nisi ekalesia Kerisiano faapea, talu ai o tamaitai o afafine o le vale o Eva, o lea e tatau ai i ava ona *faalagolago* i a latou tane.

O le tali tetee malosi atu i lenei manatu, o le toatele o tagata i le taimi nei o le a faapea mai e tatau i se ava ona *tutoatasi* mai lana tane. Ma, ina ia le faaituau, latou te faaopoopo mai ai, e tatau foi i se tane ona *tutoatasi* mai lana ava. Ae a *tutoatasi* uma taitoalua mai le tasi ma leisi, ona latou taliaina lea o "tautinoga e le noatia" o aso nei, ma tuua ai e tagata a latou faaipoipoga ma ua uma le malie—po o le pe a amata le faalavelave.

O le fea e sa'o: faalagolago po o le *tutoatasi*? E lei se mea e sa'o. O le talalelei toefuataiina—e le pei o isi Kerisiano uma—o loo aoao atu o le filifiliga a Eva ma Atamu i le faatoaga e le o se measese po o se mea na tupu faafusei; ae, o se vaega maoti, ma viia, o le ata o le faaolataga. O le mea lea, ua vaai atu ai le Toefuataiga ia Eva—ma tamaitai uma—o ni tagata tamalii e tutusa lelei lava ma alii.

O lea la, e le o faalagolago Eva ia Atamu; e le *tutoatasi* foi o ia mai ia te ia. Nai lo lena, o Atamu ma Eva e *felagolagomai* o le tasi ma le isi. O i la'ua o se "paaga tutusa" o e "fesoasoani le tasi i le isi" i mea uma la te faia.²

O le aumaia o se Loto Momomo i le Fatafitaaulaga

Lona lua, ina ua tuua e Atamu ma Eva le faatoaga, sa faatonuina i la'ua e fau se fatafitaaulaga e osi atu ai taulaga i manu. Ina ua uma aso e tele sa fesili se agelu ia Atamu pe aisea ua ia osi atu ai taulaga. Sa ia tali mai, "Ou te le iloa, ae ua poloaiina ai au e le Alii." Ona fai atu lea o le agelu ia te

O Atamu ma Eva e felagolagomai, o se paaga tutusa o e sa fesoasoani le tasi i le isi i mea uma sa la faia.

ia, “O se faatusa lenei o le taulaga a le Toatasi Na Fanaua” (Mose 5:6–7).

O lea la, o manu na ositaulagaina e Atamu ma Eva sa faasino atu i le taulaga togiola a le Tama i le lumanai o Lona Alo. Ona aoao atu lea o i laua e le agelu faapea, o le taulaga a Keriso ma le ata o le faaolataga o le a aumaia ai le uiga ma le faamoemoega o faafeagai uma—e moni, i o latou aafiaga uma faaletino.

O nisi o i tatou o i le malumalu i le taimi nei i le ala na uluai osia ai e Atamu ma Eva ia taulaga—ona ua poloaiina ai i tatou, e aunoa ma le iloa pe aisea. O le na o le usitai e sili mamao atu lena i lo le le faatinoina o sauniga. Ae, atonu ai na finagalo le Alii, o le na auina mai le agelu, ia la iloaina le mafuaaga—ma ou te talitonu e finagalo o Ia ia i *tatou* ia iloa le mafuaaga.

O sauniga foi o le malumalu i le taimi nei “o se faatusa . . . o le Toatasi Na Fanaua”? Mafaufau i auala e avea ai le fatafitaulaga e faapei o le fatafitaulaga a Atamu ma Eva, o fatafitaulaga o le tatalo, ositaulaga, ma feagaiga. Mafaufau i vaega o le ositaulaga e ala i feagaiga uma o le faaeega paia.

Talu mai le taimi na faamaea ai e Keriso Lana misiona togiola, ua tatou le toe ofoina atu ni taulaga i manu, ae ua

tatou osifeagaiga e ositaulaga. E faapefea? Na aoao atu e Keriso ia sa Nifae, “Ia outou osi mai mo se taulaga ia te au le loto momomo ma le agaga salamo” (3 Nifae 9:20; tagai foi i le 2 Nifae 2:7).

O taulaga i manu sa faatusa i le taulaga a le Tama o le Alo, ae o le taulaga o se loto momomo ma le agaga salamo e faatusa i le taulagaina e le Alo o Ia lava. Na tusia e Elder James E. Talmage (1862–1933) o le Korama a Aposetolo e Toasefululua faapea “Na maliu Iesu i le loto momomo.”³ I se faatusa, tatou te ofoina atu nei i tatou lava—o tatou lava loto momomo—e fai ma taulaga a le tagata lava ia.⁴ Na saunoa Elder Neal A. Maxwell (1926–2004) o le Korama a Aposetolo e Toasefululua e faapea: “O le taulaga moni, faaletagata lava ia, e le o se tuuina atu o se manu i luga o le fatafitaulaga. Nai lo lena, o se naunautaiga e tuu atu le manu o loo *i totonu* o *i tatou* i luga o le fatafitaulaga ina ia faamuina ai!⁵

A o avea talu ai nei o le Peresitene o le Malumalu o St. George Utah, sa ou aga atu e faamau se ulugalii talavou. A o ou valaaulia i laua i le fata fitaulaga ma sa aumai e le alii faaipoipo lana manamea i lona lima, ma sa ou iloaina o le a aga atu i la’ua e tuu i lua o lena fatafitaulaga e osi ai taulaga o la’ua loto momomo ma agaga salamo—o se



ofoina atu o i laua lava ma le le manatu faapito o le tasi i le isi ma le Atua o se faataitaiga o le taulaga na faia e Keriso mo i la'ua. Ma o le a le faamoemoega? Ina ia ositaulaga ai le tasi mo le isi i le olaga atoa—o lona uiga, taumafai e ola e pei ona sa Ia faia—inia ia mafai ai ona avea atili i la'ua e faapei o Ia.

O le ola ai faapena i aso uma, o le a tofu latalata atili ai i la'ua i le Atua, lea foi o le a aumaia faalatalata atu ai le tasi i le isi. O lea la, o le ola ai i feagaiga o le sauniga o le faamauga o le a faapaia ai e le gata i la la'ua faaipoipoga ae faapea foi o la'ua loto ma o la'ua lava olaga.


O lenei malamalama i faaipoipoga e matua ese lava ma e mamana foi mai le vaaiga o loo mafuli i ai i le faaipoipoga i le taimi nei. I Lana faataoto i le leoleo mamoe lelei, na faamatalaina ai e Iesu se auauna—o se tasi e totogi e vaaia mamoe. Pe a oo mai le luko, sa Ia fai mai, “ona tuua lea [e le auauna] ia mamoe ae sola.” Aisea e sola ai le auauna? Aua e le o ni ana mamoe. I se faatusatusaga, na fetali mai Iesu e uiga ia te Ia lava, “O a'u o le leoleo mamoe lelei. . . . Ou te tuuina atu foi lou ola e sui a'i mamoe.” (Tagai Ioane 10:11–15.)

E toatele tagata e mafaufau i le taimi nei o le faaipoipoga o se faatulagaga faasamasamanoa i le va o auauna e toalua. A lagona e se auauna ua faamata'uina e ni luko o faafitauli, e na o le sola ese lava. Aisea o le a le tuuina ai e le auauna le tulaga toafimalie poo le faigofie po o le ola i se tulaga lamatia?

Ae a tatou ofo atu i a tatou faaipoipoga se loto momomo ma se agaga salamo e faapei o le Leoleo Mamoe Lelei, ua tatou folafola atu e ofoina atu o tatou ola mo le mamoe o la tatou feagaiga, se aso po o se itula i se taimi. O lenei faagasologa ua valaaulia ai i tatou e tauave ma le le faalogologo tiga i luga o i tatou lava ia mafatiaga ma le olioli o a tatou soa ma fanau, faataitai i a tatou lava auala faatapulaa le ala na tauaveina ai e le Faaola i Ona lava luga o tatou mafatiaga.

“Ia e puapuaga i ona puapuagatia uma” (MF&F 30:6), sa fetalai atu ai le Alii ia Peter Uitimera e uiga i lana soa faamisiona o Oliva Kaotui. Sa ta'ua foi e Isaia lena lava fuaitau e faamatalaina ai Keriso ma i latou na Ia togolaina: “Sa puapuaga o ia i o latou puapuagatia uma, . . . ma sa ia . . . tauave ai i latou i aso uma anamua” (Isaia 63; tagai foi MF&F 133:53).

Sa ta'u mai e se tagata galue i le malumalu, o lona toalua sa maliu ina ua tele tausaga o mafatia i se ma'i sa faavaivaia



ai, “Sa ou manatu sa ou iloa le mea e igoa o le alofa—ua silia ma le 50 tausaga o fiafia faatasi. Ae na o le taumafai e tausia o ia i nai tausaga ua mavae atu nei, na ou iloa ai le mea moni e igoa o le alofa.”

O lona tauaveina foi o mafatiaga o lona toalua, na iloa ai e lea alii le vaipuna loloto o le mutimuti alofa i lona loto lea o le a le iloa lava e se auauna. O le faaputuga o ia mea, e maua mai ai le faagasologa paia o le avea e faapei o le Leoleo Mamoe Lelei—e ala i le ola ai ma le tuuina atu e faapei ona Ia faia. E le o se mea faafuaveta, o lena ituiga o ola e manavaina mai ai le malosiaga e le masuia i nau-nauga faaagafesootai o la tatou aganuu.

Faaipoipoga ma le Olioli Moni

Sa fesili mai talu ai nei se uo, “O le a le latalata i le atoatoa e tatau ona tatou ola ai, ina ia maua ai folafolaga faaeaina o se faamauga i le malumalu?” O tane ma ava ua masani lelei, ae maise lava o i latou o e saili mo faamanu-iaga e faavavau, o nisi aso e mafai ona latou manatunatu ma le faamaoni pe o latou ola latalata ea i le atoatoa—ae pe o ola faapena o latou taitoalua.

Ou te fiafia i le tali na tuuina mai i upu faatofa a Moronae: “Afai tou te faafiti outou lava mai mea uma e le faaleatua; ma alolofa i le Atua ma o outou manatu atoa, *ona* lava lea o lona tunoa mo outou, ma . . . e mafai ai ona outou atoatoa ia Keriso” (Moronae 10:32; faaopoopo le faamamafa). O se tasi o auala e aveesea i tatou lava mai

le *amioletonu*, o le faalatalata atu i le malumalu, ona o ona sauniga e faaalia mai ai “le mana o le *faale-ataua*” (MF&F 84:20; faaopoopo le faamamafa). E le gata i lea o le alofa i le “Atua ma o [tatou] loto atoa” o lona uiga o le alofa i le mea e gata ai lo tatou lava gafatia faaletagata, ae le o se fua aotele ma le le mafuataina o le atoatoa.

A tatou faafitia i tatou lava mai le amioletonu ma alolofa faamaoni i le Atua i le atoatoa tatou te mafaia, e mafai e le alofa tunoa atoatoa o Keriso ona faaatoa le faagasologa o le faaatoatoaina o i tatou. Ua fautua mai ai se tusi o le Au Peresitene Sili sa tusia i le 1902 le taulaga atoa a Keriso pe a tuuafaatasi ma la tatou lava taulaga atoa o le a foliga mai faapea: “A uma ona tau i le tulaga faaatoatoaina o le olaga, o le a le toe i ai i tagata se isi manao nai lo le ola e tusa ai ma le [amiontonu], e aofia ai ma le mea ua soofaatasi ai i laua o se tane ma se ava. . . . O i latou o e mauaina le toetu muamua po o le selesitila e tatau ona mama ma paia, ma o le a atoatoa foi i latou i le tino. . . . O alii ma tamaitai e oo atu i lenei tulaga lē mafaamatalaina o le ola o le a matagofie e pei o agelu o loo siomia ai le nofoalii o le Atua; . . . aua ua uma ona faatoilaloina vaivaiga o le tino ma ua faagalo; ma [o le a] tusa ai i la’ua uma ma le tulafono lea e tuuafaatasia ai i la’ua.”⁶

Sa faaipoipo se tamaitai ou te iloa pe tusa o le 50 tau-saga talu ai i le malumalu. Ina ua toatele se la fanau ma lona toalua, o le olaga sousou o lana tane na iu ai ina tete’ a ma tape ai le igoa o lana tane mai le Ekalesia. Ona ia lafoai lea o lona tulaga o se tagata o le Ekalesia ae filifili se isi au-ala matuituia. Mulimuli ane sa maliu lona toalua muamua. Sa ou feiloai ia te ia ina ua aumai o ia e lana tama teine i lo’u ofisa e fia iloa ai pe mata e toe foi mai lona tina i le malumalu.

Ina ua maea se talanoaga toafilemu e uiga i le auala e mafai ona tatou aoao ai mai aafiaga e aunoa ma le

***E mafai ona fesoasoani le mamanu
faavavau o le malumalu tatou te faa-
toilaloina ai gaogaosa o le taimi nei.***

tausalaina ai, sa ma talanoaina le faagasologa o le salamo, papatisoina, ma le toefuataiga o faamanuiaga o le malumalu. Ona ou fai atu lea ia te ia o le sauniga o le toefuataiga o le a toefuatai mai ai foi lana faamauga i le malumalu. Pe na saunia o ia mo lena mea?

Na muamua tautala mai le afafine. “E i ai lo’u faale-tonu faalemafaufau,” na ia fai mai ai. “O la’u tama tama e faaletonu foi le mafaufau. E tele naua mea ua tatou iloa e uiga i lena faaletonu nai lo le mea ua tatou masani ai, tatou te inu foi fualau e fesoasoani ai. O le toe tepa i tua, ou te talitonu o lo’u tama foi e faaletonu lona mafau-fau, ma atonu o le mea lena sa tosinaina ai le tele o mea faigata i le olaga o lo matou aiga. Ou te le faamasinoina nei o ia.”

Sa tali lemu mai le tina, “Afai e mafai moni lava ona ou toe foi atu i le malmalu i se aso, o le a ou saunia mo lo’u faamauga ina ia toefuatai mai.”

A o ou vaavaai atu a o la savavali atu i le alasavali, sa ou iloaina ai o le malumalu ma le mana o faamauga a Elia o punavai ia o le toefaaeleia, e le gata ina liliu atu ai loto o le fanau ma matua o le tasi i le isi, ae e faaliliu atu ai foi loto o ava i tane o le tasi i le isi. Mulimuli ane, sa ou maua ai se tala na toe papatisoina le tina.

Ou te molimau atu o le faatulagaga o le faaipoipoga na tuu atu e le Atua ia Atamu ma Eva e taua po o le a lava le mea e tatau ona faia ai—ia maua ai, e fausia ai, ma tau-sisia i o tatou olaga. Ou te molimau atu foi o tane ma ava o e taumafai e ola faapei o le Leoleo Mamoe Lelei, o le a iloaina, ma o le a tuu atu e le tasi i le isi, se olaga e sili ona tamaoaiga i le olioli moni. ■

Mai se lauga o le, “Faaipoipoga, Tulafono o le Aiga, ma o le Malumalu,” na tuuina mai i le J. Reuben Clark Law Society Annual Fireside i Salt Lake City on Jan. 31, 2014.

FAAMATALAGA

1. Hugh Nibley, *Eloquent Witness: Nibley on Himself, Others, and the Temple*, in *The Collected Works of Hugh Nibley*, 19 vols. (2008), 17:312, 313; tagai foi *Encyclopedia of Mormonism*, 5 vols. (1992), “Meanings and Functions of Temples,” 4:1458–59.
2. “O Le Aiga: O Se Folafolaga i le Lalolagi,” *Liahona*, Nov. 2010, 129.
3. James E. Talmage, *Jesus the Christ*, 3rd ed. (1916), 669.
4. “Ma sa faapotopoto i se nofoaga e tasi . . . se vaega le mafaitaulia o agaga o e amiontonu, o e na faamaoni i le molimau ia Iesu a o soifua i latou i la le tino; Ma o e na ositaulaga i le faatusa o le taulaga tele a le Alo o le Atua, ma sa mafatia i puapuaga i le suafa o lo latou Togiola” (*Mataupu Faavae ma Feagaiga* 138:12–13).
5. Neal A. Maxwell, “Deny Yourselves of All Ungodliness,” *Ensign*, May 1995, 68; faaopoopo le faamamafa.
6. Iosefa F. Samita, John R. Winder, ma Anthon H. Lund tusi ia Christine Eggleston, Jan. 28, 1902, LDS Church History Library.





Saunia e Elder
Per G. Malm
O Le Fitugafulu

O Tusitalima o le Ekalesia

—LE FAATULAGAGA TUSITUSIA O MEA

*A o tatou mulimuli i tusitalima ma faaaoga
le poto tuufaatasi e ofoina atu, o le a fesoasoani
le Alii ia i tatou ma i latou tatou te auauna
atu i ai e “faaatoatoaina ia te ia.”*

O se faifeatalai ua maea misiona, e pisi i se aiga talavou ma sa'u lava kamupani, sa valaauna a'u e avea ma peresitene o se paranesi e fai sina toatele o tagata faamaoni ma faatagata matua. Pe na ou lagona le saunia, ua aoaoina ma le aotauina e amata ona auauna atu? Leai! Sa ia te au ni fesoasoani lelei e mafai ona ou talanoaina ai faafitali. Ae sa lava le la fesoasoani? Leai!

Ua faamoemoe mai le Alii “i tagata taitoatasi [e] aoao lona tiute” (MF&F 107:99), ma e Na te faamoemoe mai ia i tatou e “teu i o [tatou] mafaufau e le aunoa . . . afioga o le [Atua]” (MF&F 84:85). Ona Ia faamoemoe mai lea ia tatou faalagolago i le musumusuga a le Agaga Paia—o lena meaalofa faapitoa na tuuina mai i tagata uma faatasi ai ma le folafolaga o le taitaiga faifai pea ma le faaaliga.

Mafaufau i tua i lena valaauga ma isi valaauga, ua ou iloa e le gata i le Agaga Paia ma tusitusiga paia, o le mea o le a matuai fesoasoani mai ia te au o tusitalima a le Ekalesia! O ni oa o faamatalaga—o se taiala mo le aoaoina muamua ma o se tusitaiala taua i le ala.

Aisea tatou Te Manaomia ai Tusitalima a le Ekalesia?

**Mafaufau i tua i lo'u valaauga
o se peresitene o paranesi,
ua ou iloa lea e le gata i le
Agaga Paia ma tusitusiga
paia, o le a matuai fesoasoani
mai ia te au le tusitalima a le
Ekalesia!**

Na aoao mai Elder Dallin H. Oaks o le Korama a Aposetolo e Toasefululua, “E ui e le o i ai i tusitalima [le] pule e pei o tusitusiga paia, ae o loo i ai faaliliuga aupito lata mai ma faatonuga o faiga faavae a le pulega aupito maualuga o le Ekalesia.”¹ Ua faaopoopo mai Elder Russell M. Nelson o le Korama a Aposetolo e Toasefululua o na pulega—o le Au peresitene Sili ma le Korama a Aposetolo e Toasefululua—o ni tamalii “matutua i le tofi, aafлага, ma sauniuniga e tele.”²



SAOGALEMU I TUSITAULIMA

"Pe na avea oe ma se tagata o le Eklesia i lou soifuaga atoa pe o se uso fou, vaai le tusitaulima pe a ae le mautinoa e uiga i se aiaiga po o faiga faavae. Atonu e te manatu ua e iloa ona taulima le tulaga, ae o le mea moni, atonu e sese le ala lena e te i ai. O loo i ai le saogalemu i tusitaulima."

Peresitene Thomas S. Monson, "Saunoaga Amata," *Fonotaga Faaleaoaoga a Taitai i le Lalolagi Atoa 2010*.

O lea la, o tusitaulima a le Eklesia e atagia ai le poto tuufaatas—e sau mai le aafiafaa sueueina, faamaonia—o perofeta ma apostolo. Sa aoao mai e lena poto i tatou i le auala sili e ausia ai ni taunuuga lelei i le faataunuina o le misiona a le Eklesia i le aluga o taimi. Na fautua mai le Alii, "Ia outou saili ma le filiga ma aoao i le tasi upu o le poto; ioe, ia outou saili mai totolu o tusi sili ona lelei upu o le poto" (MF&F 88: 118; 109:7). E moni, o le poto o loo i totolu o tusitaulima e agavaa ai i latou o "tusi sili ona lelei."

O Tusitaulima e Fesoasoani ia i Tatou e Faatumauina ai Aiaiga, Faiga Faavae, ma Polokalama

Na tautino mai Peresitene Thomas S. Monson e aunoa ma tusitaulima, "e toetoe lava o le a le faigata ona tausisia le tonu o aiaiga, faiga faavae ma polokalama a le Eklesia." Sa ia faaopoopo mai, "I le aluga o tausaga sa matou faasa'oina le tele o tau-mafaiga na faia e taitai sa lelei foi o latou faamoemoega e suia ai nisi o polokalama a le Eklesia."

Na saunoa mai Peresitene Monson afai e le mulimulitaia ma sa'o ia faiga faavae, "ona

tatau lea i le Au peresitene Sili ona faamaonia le mea ua fai, pe toe fai foi." I se isi faaupuga, pe afai tatou te le amanaiaina le tusitaulima, e mafai ona iu ina faaopoopo i le galuega o le Au peresitene Sili.

"Toetoe o mea uma lava na tulai mai," na ia saunoa, "maimau pe ana faitau e taitai, ma malamalamā ma mulimulī i le tusitaulima, semanu e le tulai mai ia faafitauli. . . . O loo i ai le saogalemu i tusitaulima."³

Na faaopoopo mai Peresitene Monson o soo se tatou valaauga faaleautaitai, o le tusitaulima o loo i ai se oa o faamatatalaga ma le taitaiga e fesoasoani tatou te auauna atu ma le mataalia, ia malamalamā i le faagaoioiga tatau o le Eklesia, e aoao ma faataunu lo tatou tiute (tagai i le MF&F 107: 99), ma sau-nia mo tulaga faaletaitai o le lumana'i.

E Tau Atu e Tusitaulima Mea e Taua Tele

Ua aoao mai e tusitaulima e faapea e ui ina "e maua e matua le tiutetauave taua e fesoasoani ia latou fanau e toe foi atu i le Tama Faalelagi," o le [Eklesia] a le Faaola "Ua saunia e le Eklesia le faalapotopotoga ma auala mo le aoaoina atu o le talalelei a Iesu Keriso i fanau uma a le Atua" E aoao foi e tusitaulima o le Eklesia "o loo tuuina atu ai le pule o le perisitua e faatautaia ai sauniga o le faaolataga ma le faaeaga ia i latou uma o e ua agavaa ma naunau e taliaina ia sauniga."⁴

O loo maua le faavaa o aoaoga faavae mo le taitaiina o le Eklesia i mataupu mu-mua e tolou o le *Tusitaulima 2: Taitaiina o le Eklesia*:

1. O Aiga ma le Eklesia i le Fuafuaga a le Atua
2. Mataupu Faavae o le Perisitua
3. Taitaiga i le Eklesia a Iesu Keriso

E tatau ona tatou sueueina nei mataupu e tolou ma le faaeteete. Latou te faamanatu mai ia i tatou o le Eklesia "sa faatulagaina e le Atua e fesoasoani ai i Lana galuega ia faa-taunuina le faaolataga ma le faaeaga o Ana

fanau.”⁵ E na te faia lenei mea e ala i le gaoioiga, avanoa, ma polokalama mo le auaunaga, faamanuiaga, ma le tuputupu ae faaletagata lava ia e taulai atu i tiutetauave ua tofia mai le lag i lea e lagolago ai ma faamalolosia tagata taitoatasi ma aiga.

O nei tiutetauave “e aofia ai le fesoasoani i tagata o le Ekalesia ia ola i le talalelei a Iesu Keriso, faapotopotoina o Isarael u ala i le galuega faafaifeautalai, tausiga o e matativa ma e le tagolima, ma faataunuina le faaolataga o e ua maliliu e ala i le fausiaina o malumalu ma le faatinoina o sauniga sui moi latou.”⁶

A o tatou malamalamama i le faavaa o lenei aoaoga faavae, o le faamoemoega ma tiute o valaauga uma i le Ekalesia e manino: “E taumafai taitai perisitua ma ausilali e fesoasoani i isi ia avea ma soo moni o Iesu Keriso” E le gata i lea, “Ua i ai faalapotopotoga ma polokalama a le Ekalesia ina ia faamanuiaina ai tagata taitoatasi ma aiga ae ua le avea o ni taunuuga.”⁷

O tusitalima e faavae i aoaoga faavae i tusitusiga paia, e aofia ai le apoapoaiga a le Faaola ia Peteru: “Pe a liua mai oe, ona e faamalosi ai lea i ou uso” (Luka 22:32).

O Tusitalima e Fesoasoani i Faaaliga

A o fesoasoani i se tagata ua le toaga mai i le Ekalesia, e iloiloina e le epikopo o le tagata le mataupu i luga o le aoaiga a le Ekalesia i le *Tusitalima 1: Peresitene o Siteki ma Epikopo*. Ona, a uma ona talanoa atu i lana au peresitene o le siteki, ona tonu ai lea i le epikopo e umia se fono aoai.

“Sa tatou feiloi muamua i le avea ai ma se au epikopo ma iloiloina le tusitalima e faamanatu mai ia i tatou faagasologa o faiga tatau ma faailoa mai vaega e talafeagai i le tulaga o le mataupu ua i o tatou lima,” o le tala lea a le epikopo. “Sa tatou lagonaina malosi le Agaga o le Alii e fesoasoani ia i tatou a o tatou talanoa ma le tagata.”

O tusitalima e faavae i aoaoga faavae i tusitusiga paia, e aofia ai le apoapoaiga a le Faaola ia Peteru: “Pe a liua mai oe, ona e faamalosi ai lea i ou uso” (Luka 22:32).

Mulimuli ane, ina ua uma ona tatalo le au epikopo mo le fesoasoani a le Alii, o se tasi o fesoasoani sa lagona le uunaiga e tatau ona latou toe faitau leotele le vaega talafeagai o le *Tusitalima 1*. Ina ua maea, e fesili atu le epikopo i fesoasoani taitasi i se mea e na te fautuaina mai.

“Epikopo, e mafai ona e maofa, ae o le mea lenei ua ou lagonaina,” o le tala lea a le fesoasoani muamua i le faia o lana fautuaga. Ua lagona foi e le fesoasoani lua lea lagona e tasi, e pei ona lagona e le epikopo.

“O le faitauina o le tusitalima i le tasi i le isi na faataga ai le Agaga e faamalamalamaina o tatou mafaufau,” na manatua ai e le epikopo. “Na sili atu ona manino mataupu faavae i le auala na latou fesootai ai i lenei tulaga, ma sa taialaina i tatou taitoatasi i le tali lava lea e tasi. Sa tatou saunia lelei e tuuina atu fautuaga talafeagai e fesoasoani ai i lo tatou uso pele e toe foi mai ia Keriso.”

E pei ona iloaina e lenei au epikopo, o faatonuga o loo maua i totonusi o tusitalima a le Ekalesia “e fesoasoani i faaaliga *pe afai e faaaoga ina ia maua ai se*



**o tatou mulimuli
i le tusitalima ma
faaaoga le poto
tuuafaatasi ua latou
ofoina mai, o le a
fesoasoani le Alii
ia i tatou ma i latou
tatou te auauna i ai
e “faaatoatoaina ia
te ia” (Kolose 2:10).**

malamalamaaga i mataupu faavae, o ai-aiga, ma faiga e faaaoga a o sailia le taitaiga a le Agaga.”⁸

O Tusitalima e Fesoasoani ia i Tatou e Faamanuia i Latou Tatou te Auauna I Ai

A o tatou fiaitau, malamalama, ma mulimuli i tusitalima, e avea ma se faamanuiaga ia i latou tatou te auauna i ai.⁹ O se suiga i aiaiga faavae o loo otooto atu i le *Tusitalima 2*, mo se faataitaiga, na fesoasoani i se epikopo e faamanuia ma faamalosia se tasi o tama sa manatu e na te le mafai ona faauu lona atalii e 12-tausaga le matua i le Perisitua Arona.

Ua faapea mai le mataupu e 20, “Ua i ai i epikopo ma peresitene o siteki le faautautaga e faataga ai i latou e umia le perisitua, o e le

o agavaa atoatoa mo le malumalu e faatinoina pe auai foi i nisi o sauniga ma faamanuiaaga,” e aofia ai papatisoga ma faauuga i le Perisitua Arona.¹⁰ E aunoa ma se pepa faataga o le malumalu, sa mafaufau lenei tama o le a ia le mafai ona faauu lona atalii. Ae o lona epikopo, “a o taiatalaina e le Agaga,”¹¹ na tuuina atu le faatagaina ina ua maea se faatalanoaga.

“O lena aafiaga na avea ma se suiga i lona olaga,” na ta’ua ai e lona epikopo i le taimi nei. “Na avea o se vaega o le faagasologa o lona agavaa mo le malumalu, o le faamauina faatasi ma lona faletua i le malumalu, ma le faamauina o le la fanau ia i laua.”

Gafataulimaina ma Fetuunaiga— i totonu o Tuaoi Talafeagai

O le faatumauina o le laugatasia i mataupu faavae o le Ekalesia, o aiaiga, ma faiga faavae “o le a aumaia ai le uunaiga a le Agaga Paia i le soifuaga o taitai ma tagata o le ekalesia,” o le tala lea a Elder Quentin L. Cook o le Korama a Apostolo e

Toasefululua.¹² Ae i se Ekalesia i le lalolagi atoa lea e feagai ai tagata o le ekalesia i vaega eseese o tulaga faaupufai, faaleagafesootai, ma le tamaoaiga, e mafai e nisi o paranesi ma uarota ona le maua le lava o tagata auai, taitaiga, ma punaoa e faataunu ai le polokama atoa a le Ekalesia. E ono feagai isi iunite ma ni faafitauli e faatatau i le saogalemu, femalagaaiga, fesootaiga, ma tulaga tau i le tamaoaiga o aiga.

O le mataupu 17 i le *Tusitalima 2* e faamanino mai ai “e manaomia ai le laugatasia” e oo foi i “tulaga e ono manaomia ai le fetuunaiga faalelotoifale” i tagata e galulue ma polokalama a ausilali ma le faatulagaga ma le taimi o fonotaga faaleautaitai



ma gaoioiga. O fetuunaiga e tatau ona faia, o le mea moni, pe uma ona saili e taitai le taitaiga mai le Agaga Paia.¹³

A o latou faia, “o uarota uma lava ma paranesi, tusa lava po o le a le tele po o tulaga e i ai, e mafai lava ona tutusa le malosi o le Agaga o le Alii.”¹⁴

O Le Faatulagaga Tusitusia o Mea

O tusitaulima e tuuina mai ia i tatou mea e mafai ona valaauiua o se “faatulagaga tusitusia o mea.”

I le tusitaulima 1, o loo maua e epikopo ma peresitene o siteki, o loo otooto ai “tiutetauave masani o peresitene o siteki ma epikopo” ma “faamatalaga auiliili e uiga i aiaiga faavae ma faiga faavae,” e maua ai¹⁵ amata mai i malumalu, faaipoipoga, ma le galuega faafaifeatalai i le uelefea, o aoaiga faale-Ekalesia, ma mea tau tupe.

I le tusitaulima 2, e maua (e aofia ai i le LDS.org) e taitai uma o le Ekalesia, e faaitiiti le lavelave o polokalama a le Ekalesia a o faatagaina, e pei ona tusia i luga, mo le gafataulimaina ma ni nai fetuunaiga i le lotoifale. “O se taiala mo tagata o le uarota ma aufono a siteki”¹⁶ ma a latou ausilali i le taitaiina o le Ekalesia ma lana galuega o le faaolataga.

O loo faatulaga ai le poto tuufaatosi o loo maua i tusitaulima i se auala e mafai ai ona faigofie ona maua ma faaaoga e fatuina ai se tu ma aga o auaunaga moni e tatau ona i ai i uarota ma siteki uma o le Ekalesia a le Faaola. Ae ina ia maua lena poto, e tatau ona tatou suesue i tusitaulima, aoao mai ia i latou, faaaoga o latou mataupu faavae, ma faatino na mataupu faavae! O le taunuuga o le a avea ma malamalama, malamalamaaga, ma se faamanuiaga faaumi-umi o le iloaina o le auala sili e auauna atu ai i o tatou uso ma tuafafine.

E tusa ai ma la tatou auaunaga i le Ekalesia, na matauina e Peresitene Dieter F. Uchtdorf, Fesoasoani Lua i le Au Peresitene Sili: “Ao aapa atu o tatou lima ma loto i le alofa faaKeriso i isi, o le a tupu ia i tatou se mea matagofie. O le a faamaloloina, ma toe faaleleia, ma sili atu ona malosi o tatou lava agaga. O le a sili atu ona tatou fiafia, sili atu ona toofilemu, ma sili atu ona mataala ma iloa musumusuga a le Agaga Paia.”¹⁷

O Tusitaulima e Fesoasoani ia i Tatou e Iloa ai le Ata Atoa

I le taimi o le konafesi aoao ia Aperila 2015, sa faamatala ai e Elder Rafael E. Pino o le Fitugafulu se tala

e uiga i le auala na le fiafia ai se tasi o ona atalii a o tuufaatasia se paso jigsaw. “Sa iu lava ina ia iloa fai le paso,” na toe manatua e Elder Pino, “ina ua ia malamalamo o vaega taitasi e tofu lava ma sona nofoaga i le ata faaiai.”¹⁸

I soo se tulaga tatou te auauna atu i le Ekalesia, i tusitaulima, e pei o le ata i luga o le pusa o se paso jigsaw, e tuu mai ia i tatou se vaaiga mamao—o le ata mulimuli. O lena ata o le a taialaina i tatou ma aumaia ia i tatou se malamalama sili atu o le mea e finagalo le Alii ia i tatou e faataunuu ai i Lana galuega. A o tatou mulimuli i le tusitaulima ma faaaoga le poto tuufaatosi ua latou ofoina mai, o le a fesoasoani le Alii ia i tatou ma i latou tatou te auauna i ai e “faaatoatoaina ia te ia” (Kolose 2:10).

O tusitaulima o le a tumau pea o se vaega taua o le taitaiina o le Ekalesia ma le faamanuiaina o ona tagata o le ekalesia ma taitai e tusa lava po o a suiga o le lumanai i le faatulagaga ma le anotusi. E pei ona tautino mai Peresitene Henry B. Eyring, Fesoasoani Muamua i le Au Peresitene Sili, o tusitaulima “o le a avea ma se oa ia te oe pe a e faaaogaina [i latou] e fesoasoani ai ia te oe e taitai isi e filifili le ala o le ola e faavavau. O le [latou] faamoemoega lena.”¹⁹ ■

FAAMATALAGA

1. Dallin H. Oaks, “O Se Vaaiga Aoao i Tusitaulima Fou,” *Fonotaga Faaleaoaoga a Taitai i le Lalolagi Atoa*, 2010, www.lds.org/broadcasts/archive/worldwide-leadership-training/2010/11?lang=eng.
2. Russell M. Nelson, “Lagolagoina o Perofeta,” *Liahona*, Nov. 2014, 75.
3. Thomas S. Monson, “Saunoaga Amata,” *Fonotaga Faaleaoaoga a Taitai i le Lalolagi Atoa 2010*.
4. *Tusitaulima 2: Taitaiina o le Ekalesia* (2010), 1.1.5.
5. *Tusitaulima 2,2.2.*
6. *Tusitaulima 22.2.*
7. *Tusitaulima 2, 1.2.2, 1.4.*
8. *Tusitaulima 1: Peresitene o Siteki ma Epikopo*, v; *Tusitaulima 2, v*; faaopoopo le faamamafa.
9. Tagai Thomas S. Monson, “Saunoaga Amata,” *Fonotaga Faaleaoaoga a Taitai i le Lalolagi Atoa 2010*.
10. *Tusitaulima 2, 20.1.2.*
11. *Tusitaulima 2, 20.1.2.*
12. Quentin L. Cook, “Mataupu Faavae Filifilia ma Tusitaulima Fou,” *Fonotaga Faaleaoaoga a Taitai i le Lalolagi Atoa 2010*.
13. Tagai *Tusitaulima 2, 17.1, 17.2.*
14. *Tusitaulima 2, 17.*
15. *Tusitaulima 1, v.*
16. *Tusitaulima 2 v.*
17. Dieter F. Uchtdorf, “O Outou o O’u Lima,” *Liahona*, Me 2010, 75.
18. Tagai i le Rafael E. Pino, “O Le Vaaiga e Faavavau i le Talalelei,” *Liahona*, Me 2015, 117 – 18.
19. Henry E. Eyring, “Savali a le Au Peresitene Sili: Tusitaulima, Faaliga, ma le Oa,” *Fonotaga Faaleaoaoga a Taitai i le Lalolagi Atoa 2011*.(2011), www.lds.org/broadcasts/article/print/worldwide-leadership-training/2011/02/first-presidency-message-handbooks-revelations-and-treasures?lang=eng.

E LEI TUUA LAVA TOATASI

Saunia e Norman C. Hill

Peresitene, Misiona i Sisifo a Accra Ghana (2013 e oo mai i le taimi lenei) ma le Misiona a Sierra Leone Freetown (2014–2015)

Afaapefea ona ola le Ekalesia pe afai o loo tau faaleleia lo outou atunuui mai le taua tele, aafia i se vairousa matautia faaesea ai lea mai isi atunuui ona o lena faama'i? O le a sau mea e fai pe afai ua aveesea mai faifeautalai e ese mai faifeau o le atunuui, e le faatasi a ua fai so?

Afai sa e nofo i Aferika Sisifo i le malo o Sierra Leone, o le a e faalagolago i le Alii ma matamata i le olaola o le Ekalesia. O le a e vaaia taitai i le lotoifale o loo faalauteina o latou valaauga. O le a e vaaia ai tagata o fefaamalosia'i le tasi i le isi, faaaauau pea galuega faafaifeautalai, ma faatoiloina le fefe e le faatuatua.

Tumau le Tuputupu Ae

E ui lava i taua mai le 1991 i le 2002, na vaaia i Sierra Leone le tumau o le tuputupu o tagata o le Ekalesia. Na uluai taunuui faifeautalai faamisiona i lenei atunuui o le itu-Sahara ia Me 1988. E lua tausaga mulimuli ane, ae faatuina se itu. I taimi eseese i le 1990, sa aveese ai faifeautalai ona o le taua, ae sa faagaoioia e tagata o le ekalesia i le lotoifale le Ekalesia ma faaaauau pea. I le 2007 na faatuina ai le Misiona a Sierra Leone Freetown, lea na aofia ai ma Laipiria. Ona oo lea ia Tesema 2012, na faatulagaina ai se siteki i le aai o le laumua o Sierra Leone, Freetown e Elder Jeffrey R. Holland o le Korama a Apostolo e Toasefululua. O le lona 3,000 ai lena o siteki a le Ekalesia.

Tauiviga ma le Ebola

Ona oo mai lea o le Ebola. Na amatalia le pesi mai o le fiva sanatoto e se vairousa na amata mai i Kini ia Mati o le 2014. Na ulufale atu i Sierra Leone ia Me ma televave ai ona sosolo. Sa toe sui tofiga o faifeautalai ma sa talosagaina le peresitene o le misiona i Kana, ia avea foi ma peresitene o le misiona a Sierra Leone—ae nofo pea i Accra.

“Ina ua o faifeautalai, sa matou popole i le tuua ai na o i matou e sue lo matou lava ala,” o le tala lea a le peresitene o le Itu a Kenema o Jonathan Cobinah. “Ae ui i lea, o le vaaioso lava lea e tasi sa matou maua ai se tusi mai le Au Peresitene o le Eria a Aferika i Sisifo e faamautinoa mai ai e le o le tulaga lena. Mai lava i lena taimi, sa mauaina e le au paia e 13,000 i Sierra Leone le lagolago mai le eria, ma a o galulue ia faalapotopotoga faavaomalo e aumai le toomaga, o le Auaunaga Faaleuelefea a le Ekalesia ma le tali mai mo faalavelave faafuasei, faatasi ai ma paaga na fauina e faalapotopotoga eseese faavaomalo ina ia faafetaiaia ai manaoga o tagata. (Tagai i faamatalaga i autafa.)

“I totonu o ni nai aso, sa faia ai se talanoaga faavitio ma le peresitene fou o le misiona,” na saunoa ai Peresitene Cobinah. “Sa ia ta'u mai ia i matou o sauniga ma gaoioiga a le Ekalesia o le a manaomia ai le faautautaga ina ia aloese ai mai le pesia i le faama'i, ae o le a faaaauau pea mea uma e pei ona sa i ai i le taimi ua fano.”

I SIERRA LEONE

E ui lava i faama'i, faaesea, ma le faaumiumi o le tulaga na i ai ina ua uma le taua, na iloa e le Au Paia o Aso e Gata Ai i le malo o Aferika o loo manatua i latou e le Tama Faalelagi.



Sa tumau le faamaoni o le Au Paia o Aso e Gata Ai i le suesueina ma le faasoaina atu o le talalelei, sa faia sauniga po o fonotaga i fale pe a tatau ai mo le puipua mai le faasala-lauina o le Ebola. Taumatau: O sapalai faamama, na avatu i pakete palasitika, na fesoasoani e taofiofia ai le salalau ole vairousa faataumaoi.





GALULUE FAATASI

I tala atu o le fesoasoani na fetaui lelei le taimi mo ona tagata, sa aapa atu le Ekalesia e tineia le Ebola i le tele o nuu sa leai ni Au Paia o Aso e Gata Ai e i ai. E ala i lana faalapotopotoga fesoasoani alofa mo tagata, na faipaaga ai le Ekalesia ma vaega eseese e tuuina atu le toomaga e ala i le galuega faatino e fitu

mo nuu. Faafetai i nei taumafaiga tuufaatasi, o nuu o Laipiria, Sierra Leone, ma Mali sa taia leaga e le Ebola, sa latou mauaina meaai, o mea e momoe ai, o sapalai faamama ma faatonuga, o sapalai faafomai ma mo le tumama, ma lavalava e puipuia ai mo tagata sa galulue i le Ebola.

Ina ia taofia le saga faasalalauina o le faama'i, sa faasilasila mai ai e le peresitene 2014 o Sierra Leone se tapu e amata i ni nai aso. I le taimi o le tapu, o le a manaomia tagatanuu uma ina ia nonofo i totonusi o fale. O le tele lava o tagata o le a faaaoga po o a lava meaai o i ai i o latou fale.

I le Taimi Tonu Lava

O le mea na lelei ai, i na o nai vайaso a o lei faasilasila maia le tapu, sa amata ona galulue le Eria a Aferika Sisifo ma le laumua e faataga le tiliva mai o sapalai faamama mo aiga uma e 7,800 o le Au Paia o Aso e Gata Ai i Sierra Leone ma aumaia ai se 110 pauna (50kg) taga alaisa ma le tele o lita ga'o e fai ai kuka i le silia ma le 2,500 aiga AAG pe a manaomia. A o lei iloa le tapu o le a oo mai, sa taufuli lava ia taitai o le Ekalesia e tiliva nei sapalai.

"E faigata ona faamatala atu le faanatinati na matou lagonaina i lea taimi," o le tomanatu lea a Sahr To'e, o se fesoasoani faapitoa i le peresitene o le misiona. "I le faaiuga o le vайaso ina ua faamaonia mai le tufutufaina o sapalai, na matou iloa ai se eria patino e ono manaomia ona faaasu. O le a matua faigata ai ona tiliva ia sapalai, o lea sa matou galulue ai e tusa ma le taimi e fai uta a lolii ma faaalu i paranesi i le atunu atoa. I se tasi aai, na taunu ai sapalai ae toe o ni nai itula ona faasa lea. I le atunu atoa, sa mafai ona matou tilivaina sapalai ae toetoe lava a amata le tapu. O se faamuniaga ia i matou uma ma o se vavega lava i ona po nei."

Na aumaia foi e le Ebola se faateleina o le leai o ni galulega. "Sa toetoe lava ina leai se faamoemoe," o le tala lea a Sister Sai Kamaia o le Paranesi a Allentown, o se tina o se fanau e toatolu e maua tupe e ola ai i le faatau atu o nai oloa laiti. "Na alu uma la'u tupe ia Setema, a o lei amataina le tapu. Sa fefefe tagata e fefaatauai. Ou te lei iloa le mea o le a ou faia." Faapei foi o isi, sa maligi ona loimata i le fiafia ina ua ia maua ia sapalai mai le Ekalesia.

"O le avea o se ua oti lana tane ma o le ulu o lo matou aiga, sa ou matua lagonaina le fiafia ona sa mafai ona fesoasoani mai le Ekalesia ia i matou," o le tala lea a Sister Mary Margay o le Paranesi a Kissy Luu. "Sa matou mafaufau po o fea e nonofo ai i le taimi o le tapu. Sa matou o matou fiafia ona sa mafai ona matou nonofo i le fale ae o loo i ai mea e 'ai."

E pei o le tagata o le Ekalesia i soo se mea, sa taumafai le Au Paia i Sierra Leone ina ia faalagolago ia i latou lava. Ae i lenei vaitau e lei mafaufauina le manaomia, sa taunu mai sapalai i le taimi tonu lava sa leai se isi mea e liliu i ai le toatele. "O nei taimi e oso faalava, na iloa ai e le Au Paia iinei o le a le tuua lava na o i latou," o le tala lea a Mariatu Brwne, o le faatonu o le va i fafo a le atunu. I le taimi o le faaasu, sa faasoatua ai foi e le Au Paia o Aso e Gata Ai a latou sapalai i o latou tuaoi, ma faamanuiaina ai le toatele o e semanu e itiiti ni mea po o le leai foi.

I Aao o le Alii

Ae paga lea, o le aloese mai le fia aai, sa le na o le pau lea o le popolega. Sa pesia nisi o le Au Paia o Aso e Gata Ai i le faama'i. O Simona Kamara o le Paranesi a Teko Road, o le sa na o le tausaga talu ona avea ma tagata o le Ekalesia, sa ia vaai i lona toalua ma lona atalii ua maliliu i le Ebola. Ona aafia ai foi lea ma ia.

"O lo'u ola ua i aao o le Alii," o lana tala lea a o i ai i le nofoaga autu mo togafitiga. "E pei o soo se tama, ou te manao i le mea sili mo la'u fanau. Ae o lea ua ou mauaina le talalelei ma malamalamai i le fuafuaga o le faaolataga, ua sili atu lo'u faamoemoe mo au lava faapea lo'u aiga tusa lava po o le a le mea e tupu." E ui i le uluai faailoga o le toe malosi mai, ae na maliu lava Uso Kamara. Ua matua misia e le fanau o loo ola o latou matua, e ui o loo tausia nei e tagata o le au paia ma uo ma o loo manuia.



Tauagavale: Araisa, suauu, ma sapalai faamama na taunu i le taimi tonu mo le toatele o e na leai se mea e liliu atu iai. I le taimi o le faaasuu, sa faasoaa atu ai foi e le Au Paia o Aso e Gata Ai a latou sapalai i o latou tuaoi, ma faamanuaaina ai le toatele o e semanu e itiiti ni mea po o le leai foi. Luga: Papatisoga i le Paranesi a Naije Town.

O Se Vavega Patino

O Sister Haju Julloh o le Paranesi a Waterloo o se tau sioufa. O le tausia o e mamai, sa mafai ona taia o ia e le vairousa. A o faateleina le avega a ma'i, o ofu puipui i le falemai lea sa ia galue ai, o nisi taimi sa lei tataina lelei ma faamama. E lei leva ona ia auai i le Ekalesia i le 2014 o Aokuso, sa suesueina Sister Julloh ma iloa ai ua maua o ia i le Ebola ma sa faaasu o ia i le fale.

“Sa le mafai ona ou alu i le lotu, o lea sa tauvalaau mai ai tagata o le paranesi ma faamalosiau mai ia te au,” o lana tala lea. “O lo'u nofo ai i lo'u potu, sa tonu ia te au e punouai i le suesueina o le Tusi a Mamona. Sa ou faitau e uiga i le tele o aafiaga faaleagaga, e aofia ai ni vavega na tutupu i tagata le taualoa pei o a'u. Sa ou manao i se vavega, ae sa ou le iloa pe tatau ona ou ole atu ai. Sa ou faitau pea ma talanoa i uo i luga o le telefoni e uiga i mea sa ou faitauina. Ina ua mavae ni vайасо i le fale, sa toe suesueina a'u mo le vairousa ma sa aumai tali ua leai se mea. Sa ou toe nofo e faaasu mo se isi vайасо ona toe suesue ai lea o a'u. O le tali foi, sa leai se mea. O lea na faatagaina ai au e tuua lo'u aiga ma alu i le lotu faapea foi ma le toe foi i le galuega. O se vavega lena ia te au.”

Faanatinatiina o le Galuega

I taimi mafatia, pe tatau ea ona faaauau le galuega faafeautalai? E i ai se tu masani a le Au Paia i Sierra Leone. E faaauau pea ona latou faasoaa atu le talalelei e tusa lava po o le a se mea e tupu.

“Nai lo le faamatala o o tatou le fiafia ma tumau ai pea i le limulimua, sa fautuaina i matou e faapotopoto le Au Paia e ala i le valaauna o faifeautalai faale-paranesi e sui ai faifeautalai faamisiona,” sa faamatala mai ai Peresitene Bai Seasy o le Itu a Kossuh Town. “Sa leai se taimi matou te faavauvau ai mo i matou lava; sa i ai le galuega o le

faaolataga e fai. Sa matou faia ni soa a faifeautalai ua uma mai misiona, ma i latou ua tatau ona faamisiona ma faatulagaina i latou i ni sone.”

“Sa faatagaina taitai misiona taitasi o paranesi e fai se kata telefoni mo faamoemoega o le talaiga. E tatau ona latou tali atu mo lona faaaogaina, na fesoasoani i faifeautalai o paranesi e fesootai ai ma tagata sailiili fou ma tagata fou faatoa liliu mai, ma o le faatumauina o le fesootai na tele se eseesege sa i ai,” o le tala lea a Brian Robbn-Taylor, o se tasi fesoasoani faapitoa i le peresitene o le misiona.

“Sa faia a matou ‘lesona i telefoni’ ma tagata sailiili ma tagata fou ua liliu mai,” sa ia faaauau ai. “E faoopoopo atu na i lesona faalevaiaso a faifeautalai e faia i le lotu. Sa matou fetuunai i manaoga o tagata o le au paia ma tagata sailiili ia semanu e leai se fesootaiga, ona o le faasa sa tulai mai ona ole faaasu, po o le popole i maua i le faama'i.”

I le taimi nei o papatisoga liliu mai i Sierra Leone e na o sina maualalo teisi lava nai lo le mea sa i ai a o i ai faifeautalai faamisiona, e toatele tagata ua le toaaga ua toe malolosi mai, ma o loo tumau pea le tuputupu ae o le Ekalesia.

Mafuaaga Tele Mo Le Faamoemoe

I le taimi o le faamai, ua sili atu ma le 60 pasene le leai o ni galuega. Ua le mafai ona la'u i le maketi fua o faatoaga ona o faasa talu ai le tulaga o le faaasu. E toatele e pele na faaumati. E mautinoa lava e tele isi mau luitau o i luma mo Sierra Leone.

Ae peitai, e ui lava i nei luitau, o loo faamaoni pea le Au Paia ma olaola le Ekalesia. E pei ona saunoa Mariatu Browne, “Ua tatou iloa e silafia lelei i tatou e le Tama Faalelagi. Ma a faatasi le Alii ma outou, e lagolagoina outou e le Ekalesia, ma outou galulue soosoo tauau, e i ai le mafuaaga tele o le faamoemoe. O ni Au Paia i Sierra Leone, e le tuua lava na o i matou.” ■

SA PAULIA I LIMON

I se malaga e vaai lo matou aiga lautele i se taumafanafana, sa pe le matou veni ua 12-tausaga ma se'e atu ai ina tu. Sa matou paulia. O le mea e lelei ai, sa na o le lima maila (8 km) mai le taulaga laitiiti o Limon, Colorado, ISA.

Na tuuina mai e le inisinia i le lotofale se tala faanoanoa. Sa manaomia ona sui le totoga e sapalai ai le malosiaga i le afi ma e tatau ona matou faatalitali pe a ma le lima aso mo totoga ia. Sa le lava le matou tuge ae sa i ai le matou faleie ma ni mea o la matou tolauapiga, o lea na matou filifili ai e nonofo i se nofoaga mo tolauapiga iina.

Sa fiaselau maila mai le aiga ma uo, ae sa matou mafaufau ai pe faapefea ona matou oo atu i se faleoloa e faatau ai mea matou te manaomia e ola ai. Sa matou filifili e sue le peresitene o le paranesi iina ma le faamoemoe ia maua ai se auala e malaga ai. Sa matou telefoni ia Peresitene Dawson,

ma e lei atoa se afa itula ae matou maua ni valaau mai ni tagata se toalua o le Aualofa o se tamai paranesi. Sa matou iloaina ma le fafia e i ai se aiga e tasi e nonofo i le vaega lea e i ai le tolauapiga; sa latou o mai ma matou feiloai i totunu o nai itula na matou valaau atu ai.

I le aluga o le vaiaso na sosoo ai, sa lofituina i matou i le alofa ma le tausiga sa matou maua mai lena paranesi laitiiti i laufanua matagia o Kolorato. O le aiga e nonofo lata ane, sa latou valaaulia i matou i lo latou fale mo se taligasua i le afiafi o lena aso muamua, ma sa matou fafia i se afiafi maoae o talatalanoaga ma matua a o taaalo le ma fanau ma lo la afafine. O le taeao na sosoo ai na pue ai se matou lifi ma se tasi tagata o le au paia e o e faatau a matou meaai ma sapalai mo lo matou nonofo ai.

Sa faaauau pea le agalelei o tagata o le paranesi i talaatu o la matou uluai

talosaga. Sa latou pikiina i matou mo le lotu i le Aso Sa. Sa latou fesoasoani ia matou maua ni manatuaga i le falemataaga faasolopito o le taulaga. Sa nonofo le ma fanau i o latou fale i le taimi o se uato'a. O se tasi o tagata o le paranesi sa ia faafaigaluegaina lou toalua mo ni nai aso e fesoasoani ia i matou e totogi le galuega lipea o le taavale.

O afiafi uma, sa fafagaina ai i matou e tagata o le paranesi laitiiti ma faafafia le ma fanau i o latou aiga. Ina ua tulata i le iuga o lo matou nonofo ai, sa aveina i matou e se tasi o aiga i lo latou pamanu, lea sa aoao ai le tietie solofanua a le ma fanau.

Ina ua matou tuua Limon i se vaiaso mulimuli ane, sa matou tuua ma tatalo o le faafetai mo se vaega fou o uo pele o e na taliaina i matou ma faia ina ia matou maua le mafanafana i Limon. ■

Christina Wadley, Misuri, ISA

Sa matou paulia. O le mea e lelei ai, sa na o le lima maila (8 km) mai le taulaga laitiiti o Limon, Colorado, ISA.



O LE MEA SA OU MANAOMIA E AOAO

Ina ua maea lo'u tausaga muamua oaoaoga i le iunivesite, sa amataina se galuega faatino ina ia malamalama atili ai i le Tusi Paia. Sa ou filifili e suesue i aoaoga a ni vaega faalelotu sa ou faalogo i ai e le o ni Kerisiano ona ou faatusatusaina lea i aoaoga a le Tusi Paia.

Ina ua amata le semesa na sosoo ai, sa amata ona ou suesue i Le Ekalesia a Iesu Keriso o le Au Paia o Aso e Gata Ai. O se tasi o a'u vasega e manaomia ai le galue i le falesuesue ma se paga, ma sa ou tatalo mo se tasi e mafai ona ou aoao mai ai le mea sa manaomia ona ou aoaoina.

Sa ou filifilia se nofoa i le potu suesue, ma e lei umi ae oo atu se tamaititi aoga ma fesili mai pe ua i ai sa'u paga. Sa ia faailoa mai o ia o Lincoln. Ou te le manatua pe na ou vaai i ai i le tausaga faaleaoaoga ua mavae ma sa ou fesili pe na sau mai i se isi aoga.

"O le mea moni," na ia fai mai ai, "Faatoa ou foi mai sa ou auauna atu o se faifeautalai mo Le Ekalesia a Iesu Keriso o le Au Paia o Aso e Gata Ai."

Sa ou ta'u atu ia Lincoln o lea faatoa amata ona ou suesue i lana Ekalesia ma e i ai ni a'u fesili. Sa ioe fiafia mai o ia e tali a'u fesili.

I le isi tolu masina, sa ou fesili ai e uiga i le Tusi a Mamona, malumalu, perofeta o aso e gata ai, ma faaaliga i ona po nei. E ui ina sa ou aoaoina le mau mea i le taimi lea, ae sa ou mafaufau pea lava o Mamona e le o ni Kerisiano.

I le faiiuga o se tasi vaiaso sa faiaina ai le matou aoga i se taalogatele. O nisi faiota i le potu suesue sa matuā talanoaina ma le inaina le faiaina, ma faaaoga faafia ona ta'ufua ai le suafa o le Alii. Sa alu atu Lincoln i faiota pe talosaga atu pe mafai lava faamolemole ona soia le tautatala faapena ia Iesu Keriso.

"E faalavelave moni lena mea ia te oe?" sa latou fesili atu ai ma se faaletonu.

"Ioe," o le tali lea a Lincoln.

"O Iesu Keriso o la'u uo mamae."

I lena taimi, sa suia ai la'u sailiiliga i le Ekalesia mai se faatinoga faalemafaufau i se fesili o le faatuatua. Afai e

fua mai i lenei tapuaiga ni tagata faapea, o lona uiga o se Kerisiano i soo se itu e taua.

A o ma foi ma Lincoln i lena po, sa ou fesili pe mafai ona ma o i le lotu i se aso. Ina ua uma ona ou alu i le lotu, sa ou fesili atu ia te ia pe mafai ona ou maua se kopi o le Tusi a Mamona, ma pe mafai ona ou feiloai i faifeautalai.

Mo le lua tausaga sa ou sailiili i le Ekalesia ma faaluina le taimi e fatastai ai ma ona tagata. Sa ou vaai i se mamanu faifai pea o le faamaoni o alii ma tamaitai o loo tauivi ma le filiga e avea ma soo o le Matai. I le tele o taimi sa faamautu mai ai e le Agaga Paia ia te au o Iesu Keriso, lea sa ou taumafai pea i le mea sili e auauna i ai, na toefuataia moni mai lava Lana Ekalesia i o tatou taimi. Sa vaaia e perofeta ma aposetolo ma e taitaia sa'o lava e Ia.

Sa papatisoina au ma ua ou olioli i le mau tausaga o faamanuiaga mai le talalelei toefuataiina ma ona aoaoga. E maeu lo'u faafetai ona ua tali mai e le Tama Faalelagi la'u tatalo ia maua se paga o le falesuesue o le a fesoasoani mai ia ou aoaoina le mea sa ou manaomia ona aoao. ■

Michael Hendricks, Wyoming, ISA





LULUINA I LE ASO SA

ni nai tausaga ua mavae, a o lei amataina le faaiuga o le vайaso o le Eseta, sa timuga le vайaso atoa. Sa ou i Benin, Aferika i Sisifo, ae sa ou sau i le fale i le Eseta i Togo. E le'i timu i le Aso Toonai, i le aso na ou taunuu ai, ae o le po lena na toe amata ai foi ona timu.

Sa ou iloa e amata le lotu i le 9:00a.m i le Aso Sa, ae talu ai sa matua mamafa timuga ma o lea faatoa ou taunuu mai, sa tonu ai ua fai si vave tele mo au.

Sa ou mafaufau ia te au lava, "O le a ou faatuai teisi lava i le lotu ma o le a ou taunuu iina i le 10:00a.m" Ona ou alu ai lea e vaai lo'u tuagane. "Nai lo le o i le lotu i le 9:00," sa ou fai atu ai ia te ia, "ta o i le vaega lale o le fanua i le itu o lo'u fale."

Ina ua ma taunuu, na ma vaaia ai le manaia o le eleele ma ua susu i le timu. Sa ou mafaufau, "O le Aso Sa, ma o loo ma faatalitali seia ta le 10:00 ona ma o lea i le lotu. Aisea e le totolina ai ni fatu pi ae ta te lei o?"

O lea sa ma totolina ai ma lo'u tuagane si pito laitiiti o le fanua pe tusa ma le 65 futu faatafafa (6 m^2). Ona ma o ai lea i le lotu, e tasi le itula ua tuai ai. O le aso na sosoo ai sa ma o ai i le taulaga lata ane e i ai foi se isi o'u fasifanua. Na ma totolina ai iina ni sana ma nisi pi.

E lua masina mulimuli ane, ina ua ou toe foi mai i le fale, sa ou alu e siaki lena vaega itiiti o le fanua i autafa o lo'u fale. Sa leai se mea sei vagana ai se pupuvao laitiiti o lea sa ou lavea ai a o ou savali atu i le fanua. "Oi, ioe," sa

O te lei tausia le paia o le aso Sapati i lena Aso Sa o le Eseta, ma sa ou lavea i se pupuvao e faamanatu mai ai ou te lei tausia.

ou fai ifo ai ia te au lava, sa ma totolina pi ii le Aso Sa o le Eseta!"

Mai fatu uma sa ma totolina, na pau lava le mea sa ola ai o se pupuvao. Peitai, o pi ma sana na ma totolina i le isi fanua i le Aso Gafua ina ua uma le Eseta, sa ola lelei. Talu mai lena taimi o mea uma lava sa ma totolina i le vaega o le fanua i autafa o lo'u fale, sa ola e pei ona masani ai.

Ou te lei tausia le paia o le aso Sapati i lena Aso Sa o le Eseta, ma sa ou lavea i se pupuvao e faamanatu mai ai ou te lei tausia. Talu mai lena taimi, ua ou manatua ai lava e le mafai ona ou faia soo se mea ou te manao e fai i le aso ole Alii. Nai lo lena, ua ou manatua e tausia le paia o le aso Sapati. ■

Desire Koami Gbedjangni,
Togo, Aferika Sisifo

SA AMATA ONA OU TATALO MO RUTA

Ina ua ou iloa ni matafaioi tautupe e lei mafaufauna o se tamaitai nofufua, sa ou iloaina ua tatau ona sue sa'u galuega lona lua. E lei leva ae sau Marty, o se uso i la'u uarota, ma talosaga mai mo la'u fesoasoani. O le a o ma lona toalua i se misiona, ae ua tatau ai ona le toe faigaluega. Sa ia faamatala mai o aso Toonai uma lava, e fesoasoani ai o ia i se olomatua, o Ruta, sa nofo i se fale-mo e i ai manaoga faapitoa. Sa ofo mai e Marty lana galuega ia te au ma sa fai mai e totogi a'u e Ruta mo la'u galuega.

O le Aso Gafua na sosoo ai, sa faamalamalama mai ai e Marty ma Ruta ia te au a'u mea e fai ma sa amata la'u

galuega i ni nai aso mulimuli ane. Sa amata ona ou aoina le tagamea a Ruta ma ave i luga i le potu e fai ai tagamea. E lei leva ona ou amata, ae nati atu Ruta i totonus ma ee mai ia te au. Sa ia fai mai e aua lava nei ou tatinina ona lavalava e aunoa ma le fesili muamua atu.

Sa na ona ou faia lava ole mea sa la faatonu maia ma Marty ou te faia. I lo'u faaatu ma le tiga, sa ou taumafai ai e taofi o'u loimata. Sa ou faapea ifo ia te au lava, ou te lei toe manaomia nisi faaatu po o faafitauli i lo'u olaga. Semanu ua ou savali ese loa lava i lena taimi pe ana faapea ou te lei folafola atu ia Marty o le a ou vaaia Ruta a o malaga o ia.

Sa amata ona ou aoina le tagamea a Ruta ma ave i luga i le potu e fai ai tagamea. E lei leva ona ou amata, ae nati atu Ruta i totonus ma ee mai ia te au.

O lea vaiaso ma lea vaiaso, sa ee mai ai Ruta ma le ita ia te au i mea uma sa ou faia. Sa foliga mai sa le mafai lava ona ou faamalieina o ia tusa lava po o le a lo'u taumafai.

Sa amata ona ou tatalo mo le malosi e onosaia ai Ruta ma ana upu saua, ae e leai se mea na suia. Sa faaauau pea ona inoino e fesoasoani ia te ia.


Ona oo lea i se tasi aso sa ou suia a'u tatalo. Sa ou le toe tatalo mo au lava ia a ua amata ona ou tatalo mo Ruta. Sa ou ole atu i le Tama Faalelagi e fesoasoani mai ia ou malamalama i ona manaoga ma pe mafai faapefea ona ou fesoasoani ia te ia.

Mai lena aso na suia ai mea uma. Na faamaluina lo'u loto, ma sa tuputupu ae lo'u alofa ia Ruta. Na sui foi Ruta ia. Sa tatala mai ma faasoa mai lona olaga, o mea sa fiafia ai, ma ona faanoanoaga. Sa ia fai mai sa ia misia lona aiga. Sa ia faamatala mai mea matagofie sa ia faia i lona olaga a ua le toe mafai nei ona fai. Sa ia faamatala mai sa tuulafoaiina o ia ma sa faanoanoa.

Sa amata ona ou sagisagi fiafia e vaai ia Ruta i vaiaso taitasi, ma sa sagisagi foi o ia e vaai mai ia te au.

Sa aoao mai e lou aafiga ma Ruta se lesona taua. Ina ua ou auauna atu moni ma lo'u loto atoa, sa oo ina ou malamalama i le aoaoga a Peresitene Spencer W. Kimball (1895–1985) faapea, “i le totonugalemu o vavega o le auauna atu, o loo i ai le folafolaga a Iesu, o le faamaumauna o i tatou, tatou te maua ai i tatou lava” (“Small Acts of Service,” *Ensign*, Dec. 1974, 2.) ■

June Foss, Iuta, ISA



Sa ou Lagonaina le **Mana o le Togiola** a lesu Keriso Ina Ua . . .



Ua faasoa mai e le autalavou matutua o latou aafiaga o le faaaogaina o le Togiola a le Faaola.

SA FESOASOANI IA TE AU LE FAAOLA I TAIMI LELEI MA TAIMI LEAGA

O le aso o lo'u papatisoga sa pei o se miti—sa ou matua fiafia ma naunau lava e amata le olaga o se tagata atoatoa. Ae ui i lea, e lei umi ae matou misa ma nai o'u tei i nai itula talu ona maea ona papatisoina. Ou te manatua le lagona faavaivai ona e lei leva ona ou papatiso ma faamauina ae o lea ua faasalaveia, ae sa ou manatua foi ina ua ou salamo, sa ou lagonaina lava lo'u toe atoatoa. O lea sa ou aoaoina ai i lo'u laitiiti o le Togiola a lesu Keriso e aumaia le toomaga momoria mai le agasala.

A o faaauau ona ou tuputupu ae i lo'u malamalamā i le talalelei, sa ou aoaoina o le Togiola e le na o se mea e faaaoga i soo se taimi ou te agasala ai. E mafai ona avea le Togiola o se vaega o lo'u olaga i le taimi o tofotofoga, olioli, lototiga, ma le manuia. Pe a ou tauivi ina ia lagona le taliaina e a'u uo, sa ou tatalo i le Tama Faalelagi ma sa ou maua se lagolelei i le iloa sa tauivi le Faaola ma nei lava faalogona e tasi. A lelei se mea sa ou faia, e faateleina lo'u olioli pe a ou mafaufau i le fiafia o le Faaola aua sa ia oo foi i nei lava lagona.

Abby McKeon, Iuta, ISA

SA OU AOAO E FAALAGOLAGO I LE ALII

Mo le tele o tausaga sa ou lagonaina ai le tuuatoatasi ma le tuulafoaiina. Sa ou tauivi ma manaoga lē amiontonu na taitai atu ai au i le agasala, lea na iu lava ina tuu mai ia te au i se taamilosaga o le ta'usalaina ma le maasiasi. O le mea e faafetai ai, o se epikopo alofa na aoao mai ia te au e uiga i le matafaoioi o le Togiola a le Faaola e ufita'i ai vaivaiga, tiga, ma faanoanoaga faapea foi ma le agasala. Sa fiafia lo'u epikopo pe a ou alualu i luma ma faamafanafana ia te au pe a ou se'e.

Sa ou aoaoina o le i ai o se malamalama faale-manatu faavae i le Faaola sa le lava—e tatau ona ou tatalo i le Tama Faalelagi ma salamo ma le mataalia e ala i le Togiola a lesu Keriso. A o ou faia, sa atili ona ou usiusitai i poloaiga a le Atua ma latalata atili i le Faaola.

A o ou tauivi pea lava ma faaosoosoga, sa ou aoaoina e mafai ona ou faalagolago atoatoa i luga o lo'u Faaola ma Lana Togiola. A o ou tu i luga o le papa o lo'u Faaola, e mafai ona malosi lo'u vai-vaiga. Faatasi ai ma Paulo ou te mafai ona faapea atu, "O lea ua tele ai lava lo'u fiafia i le mitamita i mea ua ou vaivai ai, ina ia tumau i o'u luga le mana o Keriso. . . . aua pe a ou vaivai, ona ou malosi ai lea" (2 Korinito 12:9–10).

Iakopo H. Taylor, Idaho, ISA



SA OU OO I SE SUIGA O LE LOTO

I le taimi o le aoga maualuga sa le'i matuai i ai lo'u loto i le talalelei. I le misiona sa ou aoaoina malie le uiga moni o le misiona ma sa ou manao ai i le mana ma le alualu i luma e mafai ona aumaia i lo'u olaga pe afai ou te agavaa moni. O le mea mulimuli, le tausalaina ma le faanoanoa mai solitulafono ua mavae na taofia ai au i lalo, ma sa ou manao i le saolotoga—ia mama ma avea ma se meafaigaluega e sili atu ona lelei i le aao o le Alii. Ina ua maea se talanoaga ma le peresitene o la'u misiona, sa ou alu i le fale e faaalu se taimi e salamo ai.

O le toe foi mai i le fale o se tasi o taimi sili ona faigata o lo'u olaga. Sa amata ona ese lo'u faitauina o tusitusiga paia, malamalama moni i ai ma faaaogaina. E ui sa ou faia mea uma i le "sa'o", ae sa ou lagonaina lava se avega tele o le tausalaina. Ona amata lea ona taulai atu a'u suesuega i a Keriso ma Lana Togiola, e faapefea ona avea o la ma lo'u Faaola ma pe mafai faapefea ona togolaina e Lana Togiola lē i'u lo'u agaga. I se tasi po a o mafaufau loloto i mea uma na ou aoao mai na suesuega e tumu i le tatalo, sa ou lagonaina le pa'i mai o le Agaga i lo'u loto, e faamalolo ai lo'u agaga, ma faamafanafanaina au. Sa ou lagona le saogalemu ma le alofaina, ma sa mou atu lo'u tausalaina.

Ina ua ou faatoa taunu i le fale, sa ou manatu e na o se suiga lava o le loto sa ou manaomia mo le faagasologa o le salamo. O lenei ua ou iloa ou te manaomia se taimi e salamo ai—e oo mai le suiga i lea fuaiupu ma lea fuaiupu, o se mea itiiti i le taimi. E manaomia ai tau-mafaiga faaumiumi e suia ai o tatou loto, manaoga, ma mausa ia avea atili e faapei o Keriso. E le mafai ona tatou faia ni suiga i le 180-tikeri i le taimi lava lea, ae ona o le Togiola, e mafai ai ona tutupu atoatoa.

Ua taofia le igoa, Iuta, ISA





SA OU AOAO E FAAMAGALO ATU

Sa i ai se taimi i lo'u olaga ina ua ou matua lagona le tiga lea na aafia ai le isi vaega uma o lo'u olaga. Sa le mafai ona ou taulai atu i le vasega po o ni meaaoga, na motusia le matou sootaga ma e sa matou potu faatasi, ma sa toetoe ina ou tagi i aso uma. Na sili atu i lo se isi lava mea, sa matua faigata ia te au ona faamagalo le tagata sa afua ai ona ou tiga i le taimi muamua—ma atili ai ona ou ita ona sa faigata ona ou faamagalo atu.

Mulimuli ane, sa ou filifili ai ua uma lo'u faanoanoa ma le ita. Ou te lei toe manao e tauaveina lena avega. Sa ou aioi atu i le Tama Faalelagi e fesoasoani mai ia ou faamagalo atu. Ae ou te lei iloaina, sa mafai ona ou onosaia le tiga. E lei mavae atu, ae sa mafai ona ou onosaia. O lenei aafiaga sa ou aoao ai o le Togiola a le Faaola e le na ona faataga ai i tatou e salamo; ae e fesoasoani ai foi ia tatou malolo. Ina ua ou faalatalata atu i le Tama Faalelagi ma la'u avega, i le lotomaualalo ma se loto faamaoni, sa la fesoasoani mai ia te au e tauaveina le tiga, manu'a, tiga, ma le lototiga sa ou tauaveina.

Dani Lauricella, Kaledonia, ISA

SA OU LAGONAINA LE FAAMOEMOE MO LE LUMANAI

Ina ua tetea o'u matua, sa ou lagonaina ua uma lo'u faamoemoeo le i ai o se aiga e faavavau. O se taimi sili ona faigata i lo'u olaga. Ae peitai, e ui lava ina sa le faigofie ona ou iloa, o tofotofoga e aumaia faamanuiaga o le mavaaia i lo'u aiga. O le tasi, na papatisoina lou tina!

Sa mafai ai ona ou iloa lelei lo'u Faaola. Ina ia faagalo lo'u faanoanoa, sa ou filifili e asiasi i se uso o tina i Peru, lea sa ou feiloi i se ue fou sa matuai faamalosia ai a'u. O lena ue ma e masani ona suesueina faatasi ia tusitusiga paia ma i se tasi taimi faapitoa a o matou talanoaina mataupu o le talalei, sa ou lagonaina le alofa o lo'u Faaola mo au ua matua malosi lava. O le lagona na pei lava o le siufogaga o lo'u Faaola o ta'u mai ia te au, "sa ou i ai pea lava faatasi ma outou; ae sa le mafai ona e iloa."

Ua ou iloa nei e finagalo lo tatou Faaola e fesoasoani ia i tatou ma e i ai lava o la faatasi ma i tatou e le aunoa. O nisi taimi tatou te faatagaina lo tatou faanoanoa e maualuga atu nai lo lo tatou faatuatua ma tatou te mafaufau ai ua la faagalo i tatou, ae o le mea moni lava, o Lana Togiola e mafai ona fesoasoani ia i tatou i taimi uma.

Liliane Soares Moreira, Bahia, Pasila



O LANA TOGIOLA ATOATOA

*Sa masani ona ou talitonu
Sa i ai se pu
I le Togiola a Keriso—
Ina la mafai ona faaolaina
tagata uma—
Sei vagana ai au.*

*Ae sa ou sese.
E le tasi se pu,
Ae e fitu.*

*E lua pu i
Ona Lima
Lea sa latou tutui ai o la
I se satauro
I le poloaiaga a i latou
la maliu
E laveai,

E lua pu i
Ona tapulima
Lea sa latou faamautinoa ai
O le mamafa o Lona tino
O le a le mafai ai
E Ona lima
Ona masae
A o lei maea Lona
Faasalaga,

E lua pu i
Ona vae
Sa la Tu Ai
O se molimau i tagata uma
I le alofa mausali o le Atua
Mo tagata taitasi
O Ana fanau,*



*Ma se pu e tasi i
Lona itu
Lea sa latou tu'ia ai o la
la faamaonia ai Lana galuega
Sa faia lenei mea.

E fitu.
Atoatoa.
E fitu pu atoatoa
I le na o le toataso o le lalolagi
O Se Tagata Atoatoa.

O Le Togiola e atoatoa
E fonofono ai pupu i o tatou
olaga.
O ona pupu ua fai ai i tatou ia
Atoatoa.

Sa ou sese.
O loo i ai se
Atoaga
I le Togiola a Keriso
Mo au
I Mea uma.*

Kasey Hammer, Iuta, ISA

SA OU MAUA LE MAFANAFANA I LONA TOETU

Ina ua 23 o'u tausaga, sa maliu lo'u tinamatua. E ui ina sa ola o ia i se olaga matagofie, ae sa fai lava si ona talavou, ma sa vave ona oo mai lona maliu nai lo le mea sa mafaufauna Sa ou iloa e toatele sa sili atu ona latou misia nai lo a'u, ma sa filemu lo'u tinamatua, ae sa ou lagonaina lava le tiga i le iloa ai ou te le toe vaai lava ia te ia i lenei olaga.

Peitai, e ala mai i lenei faanoanoaga, sa ou lagonaina le aapa mai o le Tama Faalelagi ma le Faaola ia te au. Sa aumaia e faiaoga asiatis ma uo agalelei ni faamatalaga matagofie, ma tu mai se tuaoi pele i le fale o lo'u aiga ma se tusi sa ia fai mai sa musuia o ia e faatau mai mo i matou. O le tusi o loo i ai i upusii mai aposetolo ma perofeta i le ata o le faaolataga ma le moni o le olaga i talaatu o le oti.

A o ma faitau leotele faatasi ma lo'u uso i upu a perofeta i lena afiafi, sa ou lagonaina le filemu matagofie i lo'u loto. Sa ou iloa ai ona o le Togiola a lesu Keriso, e mafai e i tatou uma lava ona faamamaina ma mafai ona nonofo faatasi ma la i le isi olaga. Sa ou iloaina faapea "ua aumai e ia le toetutu o e ua oti" ma o mea uma—ma tagata—o le a toefuatai mai i lo latou tulaga e tatau ai (Alema 40:3; tagai foi i le Alema 41:2). Sa ou iloa ona o le Togiola, o tagata uma o lo'u aiga, e aofia ai i latou o e ua maliliu, e mafai ona faatasia e faavavau, ma o le a ou faafetai e faavavau ona o lena mea.

Amanda Seeley, Iuta, ISA

O Se Aganuu o le Faatuatua i Kuatemala

Saunia e Lisa López

Mekasini a le Ekalesia

le 68 tausaga talu ona faatoa folasia mai le Eklesia i Kuatemala, sa faatupulaia tagata auai. O Kuatemala o se atunuu e tamaoaiga i le vaomatua ma se aganuu Maiana eseese. E ui lava i lona matagofie, e masani ona iloa ia Kuatemala i lona mativa ma le finavale faaupufai. Peitai, e le faapea o se atunuu e mativa i le agaga. O Merci Arens, o se 25-tausaga mai le Aai o Kuatemala, ua lagona le faamanuiaina e nofo i se atunuu i lona tulaga e tele atu, e faapalepale tagata ma talia lotu o tapuaiga eseese. “O se tasi o uiga taua o Kuatemala o le aganuu o lena mea, e masani ai, o i matou o ni tagata e lolotu,” o lana tala lea. “O le aganuu ma le siosiomaga e talimalo lelei tele ma e olaola.” O lena tala na fai mai ai, o le mauaina o le tupulaga e faasoa atu i ai ona talitonuga lava e tasi sa lē faigofie.

“O o‘u tulaga faatonuina e foliga mai e ese i le tagata i le galuega ma le a’oga o e e le’i faalogo lava i le faa-Mamona,” o lana tala lea. E le o se mea e faavaivai loto mo Merci, o loo

faamamafaina le taua o le toaga i vala-auga o le Eklesia ma gaoioiga. “Pe a ou alu i nei gaoioiga, ou te evaeva e fatu ai ni sootaga ma tagata e tutusa a matou sini ma mataupu faavae.” Ua maua e ia o le i ai o uo e fefaaosaaia aafiaga faaleagaga ua fesoasoani e ola ai lana molimau. Ona o nei faigaupo, ua maua ai foi e Merci se faamanuiaga e lei faamoemoeina. “Ua ou iloa foi ua faigofie atu le tafao faamasani aua ua ou tafao i ni uo. Ua ou vaai ia te i latou i tulaga eseese, lea e mafai ai ona ou iloa i latou i se auala e sili atu ona masani ai.”

E i ai taimi ua tautino mai ai e Merci lona lagona uunai ia faaipoipo; peitai, o loo pipiimau pea i le saogalemu o loo i lona loto faapea o le a lelei mea uma. “Ua ou sagisagi atu e feiloai i se soa, o le, e ala i la ma’ua mafutaga, o le a fesoasoani e faalatalata atili atu a’u i le Atua ona ma fausia faatasi ai lea o se aiga e faavavau.”

Mai i faamanuiaga uma ua maua e Merci, o loo i ai se tasi e faapitoa lava

**Ua iloa e Merci Arens
o le puipuia o ona
tulaga faatonuina e
sili atu ona faigofie
pe a i ai le lagolago a
uo e i ai foi na tulaga
faatonuina.**

tulaga ese ia te ia: “Sa aveesea lo‘u tina i le 15 o o‘u tausaga. O lona maliu na oo mai ai le tele o fesili. Ae peitai, o nei fesili ma tali na oo mai ua matuai mamaniua ai lo‘u olaga.” E ala i tatalo faamaoni, na mafai ai e Merci ona maua le mafanafana o le a mafai ona ia tuu atu i lona tina i se aso, le opo lava e tasi lea sa avatu e lona tina ia te ia a o laitiiti. “O le moni o le talalelei ua faamalamalamaina ai lo‘u olaga i aso uma ma gaoioiga,” o lana tala lea. “Ou te iloa ou te fesootai atu i le alofa paia o le Atua, ma e faatauuina ai ia te au i soo se itu.” ■



O NISI MEA E UIGA IA MERCI.

O le a le meaai Kuatemala e sili ona e fiafia i ai?

E ta'u o le "Hilachas"—o se isi itu e fai i pateta lanumumu, ma fasi pov'i laumiumi. E faaopoopo e nisi tagatga i ai le pi lanumeamata po o karoti, ae o a'u ia e na o le pateta e tuu i ai.

O a ni vaiga e sili ona e fiafia i ai?

O Kuatemala o se nofoaga matagofie faale-natura. O se tasi o nofoaga ou te fiafia e asiatis i ai o le Vaituloto Atitlan ma le taulaga lata ane, o Panajachel, lea e malosi ai le aganuu faa-Maiana. Sa galulue tagatanuu e faasaoina la latou gagana masani, ma ou fiafia lava e faamemelo i lanu ma le lavelave o a latou ie suilima lalaga.

O le a le tulaga e i ai aoga maualuluga i Kuatemala?

I lo'u atunu o le mataupu e faatatau i a'oga e felefele. O le le iloa tusitusi ma faitautusi o se faafitali o loo feagai ma le tele o tagata. A uma ona faauu i le aoga maualuga, o le toatele o talavou matutua e feagai ma tiutetauave o le tamaoaiga lea e uunaia malosi i latou e faigalugea tumau. Ae o le Ekalesia ua avea ma se mea-faigaluega matagofie ua fesoasoani ai i tagata o le au paia ia maua aoga maualuluga atu.

O MEA MONI E UIGA I A KUATEMALA

Laumua: Aai o Kuatemala

Gagana: Sipaniolo

E ALA I FUAINUMERA

14,647,083 tagata (faatusatua ia lulai 2014)

21 paka a le atunu

3 maugamu o loo ola pea

O LE EKALESIA I KUATEMALA

E 247,708 le Au Paia o Aso e Gata Ai

417 uarota ma paranesi

2 malumalu

6 misiona



Saunia e Elder D.
Todd Christofferson
O Le Korama
a Aposetolo e
Toasefululua



PE FAAPEFEA ONA **SALAMO MONI**

O le salamo o se mataupu telē lava, ae o le aso ou te fia ta'ua ni vaega se lima o lenei mataupu faavae taua o le talalelei lea ou te faamoemoe o le a aoga.

Muamua, o le **valaaulia e salamo o se faailoaga o le alofa**. Ina ua “afua ona talai atu Iesu, ua faapea atu, Ina salamo ia outou: aua ua latalata mai le malo o le lagi” (Mataio 4:17), o se savali o le alofa, le valaauliaina o tagata uma o le a agavae e faatasia ma Ia “ma olioli i afioga o le ola faavavau i le lalolagi lenei, ma le ola faavavau [lava ia] i le lalolagi a sau” (Mose 6:59). Afai tatou te le valaauliaina isi ina ia sui ma pe afai foi tatou te le salamo i tatou lava ia, ua tatou toilalo i se tiute autu lea e tatau ona fai i le tasi ma le isi ma i tatou lava.

Lua, salamo o lona uiga o le **taumafai ia sui**. O le faifai i puapuaga o le Faaola i le Togalaau o Ketesemane ma luga o le satauro lo tatou manatu faapea, o Ia e tatau ona suia i tatou i tagata amiontonu e aunoa ma sa tatou

taumafaiga moni. Nai lo lena, ia tatou saili atu i Lona alofa tunoa e faaatoatoa ai ma tauia a tatou taumafaiga sili ona filiga (tagai i le 2 Nifae 25:23). O le salamo moni, **o le suiga moni e manaomia ai ni taumafaiga fai soo**, ae o loo i ai se mea lelei atu ma paia i ia taumafaiga.

Tolu, o le salamo o lona uiga e le gata ina **lafoaia le agasala ae tuuto atu foi i le usiusitai**. O loo ta'ua i le Bible Dictionary, “O le oo mai o le salamo o lona uiga o se liua o le agaga ma le loto i le Atua, [atoa ai ma] le lafoaia o agasala tatou te ono solia ona o lo tatou natura” (“Salamo”). Mo lo tatou liliu atu i le Alii ina ia faaatoataina, e tatau ona aofia ai le itiiti ifo ma se feagaiga o le usiusitai ia te Ia.

Fa, **o le salamo e manaomia ai se faamoemoega moni ma se naunautaiga e taumafai pea**, e oo lava i tiga. O ni taumafaiga e fatu se lisi o ni laasaga patino o le salamo atonu e aoga i isi, ae e ono tai-tai atu ai foi i se metotia le mafaufauina o le salamo e aunoa ma se lagona

moni po o se suiga. O le salamo moni e le o se mea papa'u. Na tuuina mai e le Alii ni mea autu se lua e manaomia: “O le mea lenei e mafai ai ona outou iloa pe afai ua salamo se tagata i ana agasala—faauta, e ta'uta'u atu e ia i latou ma lafoai i ai” (MF&F 58:43).

Lima, pe o le a lava le **tiga o le salamo, e le sili atu lava nai lo le olioli o le faamagaloga**.

Ou te faailoa atu ma le faafetai ma molimau atu o puapuaga le mafaa-matalaina, o le maliu ma le Toetu o lo tatou Alii “ua faataunu ai le tuutuuga o le salamo” (Helamana 14:18). O le meaalofa paia o le **salamo o le ki lea i le fiafia** iinei ma le olaga a sau. I fetalaiga a le Faaola ma i le lotomaualalo tele ma le alofa, ou te valaaulia ai tagata uma ina ia “salamo: aua ua latalata mai le malo o le lagi” (Mataio 4:17). Ou te iloa o le taliaina o lenei valaaulia, **o le a e maua ai le olioli** i le taimi nei ma le faavavau. ■

Mai se lauga na tuuina atu i le konafesi aoao o Oketopa 2011.

SALLAOLE VALOLA

“Ia outou o mai ia te au, o outou uma o e tigaina ma mafatia
i avega, o a'u foi e malolo ai outou.”

(Mataio 11:28)



Ina ua ou ta'u atu
i o'u matua sa ou
manao e auauna
atu i se misiona,
sa lei faamoemoe-
ina a la tali. Sa la
fai mai ia te au e
filifili po o lo'u aiga
po o la'u misiona.



E NOFO po o le USITAI?

Saunia e Melvin Rondilla

E mafai ona ou manatua pea le upu a faifeatalai na aoaoina au: "Soo se mea e poloai mai ai le Atua, ia faia, ona mulimuli mai ai lea o faamanuiaga." O nei upu na faia ai se uunaiga loloto i lo'u loto. Sa ou papatiso i le 16 o o'u tausaga, na o au le tagata o le Ekalesia i lo'u aiga. I le valu masina mulimuli ane, sa ou maua le faamanuiaga o le vaai i lo'u tei laitiiti ua papatiso i le Ekalesia.

Ina ua atoa lo'u 18, sa ou manao e auauna atu faamisiona ma fesoasoani i le galuega a le Alii. Sa ou fai atu ma le naunautai i o'u matua e uiga i la'u fuafuaga ma le ala na ou manao e valaaulia ai tagata e o mai ia Iesu Keriso e ala i le fesoasoani ia i latou e talia ma ola ai i mataupu faavae ma sauniga o le talalelei. O la la'ua tali na ou te'i ai. Sa la fai mai sa nutimomoia o laua loto i le mafaufau ia te au ua alu i se misiona, ma e tatau ona ou filifili: lo'u aiga po o la'u misiona.

Sa ou ofo ina ua ou faalogo i na upu. Sa vave ona ou alu atu i le fale o le Ekalesia e latalata i lo matou aiga ma ulu atu i totonu o se tasi o potu e tootuli ma fesili atu i le Tama Faalelagi, "Pe o le a se mea o le a ou faia? O le a le mea o le a ou filifilia: lo'u aiga po o la'u misiona? E taua uma mea e lua ia te au."

A o ou tootuli, sa oo mai upu a faifeatalai i lo'u mafaufau: "Soo se mea e poloai mai ai le Atua, ia faia."

Ou te alofa i lo'u aiga ma ou te manao e toe faatasi ma i latou e faavau. Ou te faaaloalo i o latou lagona. Ae fai mai le mau, "E sili le usitai nai lo le taulaga" (1 Samuelu 15:22). Na faatumulia au e le Agaga o le Alii, ma sa faamalosia ai a'u. Sa ou filifili e auauna atu aua sa ou iloa o le a fesoasoani le Tama Faalelagi i lo'u aiga ia malamalama.

Na ou alu i le fale ae sa na ona tulieseai a'i upu ita a lo'u tama ma sa fai mai e aua lava nei ou toe foi atu. Na tapena a'u mea, ma le le iloa po o fea o le a ou alu i ai. Sa leai ma sinia o'u fefe, aua sa ou iloa sa faatasi mai ia te au le Alii, ua ia te Ia se fuafuaga mo aiga uma, ma e i ai se aso o le a malamalama ai lo'u aiga i lenei fuafuaga matagofie.

Sa na o ni nai laa ese mai lo'u aiga ae maua a'u e lo'u tina. Sa ia fusi atu ia te au ma ta'u mai le tele o lona alofa ia te au. A o ou tuua, sa mafai ona ou vaaia lona tagi faatasi ai ma le alofa uma ma le tiga o se tina i le vaaia ua alu sana tama.

Sa silia ma se tausaga, sa ou nofo i le fale o se faifeatalai ua maea lana misiona lea sa ou feiloai i ai ao avea

au o se tagata sailiili. Sa faamaoni le Alii i Lana folafolaga i le 1 Nifae 3:7—ua Ia saunia le ala ina ia mafai ona ou usitai i Ana poloaiga. Na ia auina mai lenei tagata agalelei e saunia mo au ma fatufatuina se siosiomaga faale-agaga lea sa mafai ai ona ou tapena mo la'u misiona. Sa ou lagonaina le aao o le Atua sa lagolagoina ai au i taimi o o'u luitau. Sa ou lagonaina le alofa o lo tatou Faaola o Iesu Keriso e ala i Lana taulaga togiola. O lenei alofa sa tauaveina ai au i o'u tofotofoga seja oo ina ua vaetofaina au e fai ma faifeatalai faamisiona i le Misiona a Filipaina Cauayan.

I ni nai masina mulimuli ane, na ou maua ai se tusi mai lo'u aiga e ta'u mai ai o loo faatalitali mai i lo'u toe foi atu. E lei mamulu lava lo'u faatuatua o le a avea lo'u aiga atoa ma tagata o le Ekalesia, e faamauina i le malumalu mo le faavavau atoa, ma mafuta faatasi ma lo tatou Tama Faalelagi ma Lona Alo o Iesu Keriso, i se aso.

Ina ua ou toe foi mai la'u misiona, sa amata ona ou vaai ua moni lena miti. Sa mafai ona ou papatisoina lo'u tina, lea ua sauniuni nei e alu i le malumalu. Ou te vaai soi i lo'u aiga, ma ua silia atu ona matou vavalalata nai lo le taimi muamua. ■

E alala le tusitala i Filipaina.

E MAFAI ONA E SUI



Tusa lava po o a ou vaivaiga, e mafai lava ona e filifili
le ala e te ola ai mo ou gafatia i le lumana'i.

Saunia e David Dickson

Mekasini a le Ekalesia

I le taimi o le faauuga a le aoga maualuga, e mafai ona taalise atu i lou mafaufau le mau mafauauga. O le a le mea e sosoo ai? Pe ua e sauni? Pe o le a tumau pea lo outou fesootai ma au uo?

Ae, e leai au. Sa na o le tasi la'u fesili ina ua oo i lo'u taimi e savali atu ai i luma o tagata uma a o latou faalau mai lo'u igoa; pe o le a ou faauu *moni* lava?

Sa ou matua le iloa tonu le mea e ta'u o le sikola. O le suesue tele sa le sili a'e lava i la'u lisi o mea e fai. Ma i le taimi o lo'u tausaga sinia, sa le lelei a'u taumafaiga i se tasi o vasega ma sa ou le iloaina pe na ou *pasi* le vasega.

O le suega faai i le amataga o lena vaiaso, o le a faamautuina ai la'u faauuga, ae e le faapipiia ia togi seia aulia le vaiaso mulimuli ane.

Afai e le pasi la'u vasega lea, o le a ou le faauu i le aoga maualuga.

I le faauuga, sa ou faamanuiaina i si va ititi lava sa mafai ai ma ou faauu ai. (Oka!) O le taimi lena, toe 14 masina ona atoa lea o lo'u 19, o le tausaga e faamisiona ai i lena taimi. Sa ou fuafua loa e faigaluega i lena taimi e sefe se tupe mo la'u misiona. Sa ou iloaina e le o au o se tagata aoao tele, o lea sa leai se mea na mafai ai ona ou fuafua e alu i le kolisi.

O LE MAILEI O LE FAATAPULAAINA O MEA

Pe i ai se taimi na e lagona ai faapena? E pei o au taumafaiga ua tuanai i se vaega o lou olaga ua faamaonia ai ou tomai atoa?

Aua nei seetia oe i lena laina o le mafaufau. O se tasi o pepelo aupito tetele a Satani!

"O le taimi lava e faaiuina ai e soo ai soo se tasi o i tatou—'E pau lava o a'u ia,' ua tatou lafoaia lo tatou tomai e sui ai," na aoao mai ai Elder Donald L. Hallstrom o le Au Peresitene o Fitugafulu. "E sili ai lava la le togi o le solo, lafoai auupega, faiaina i le taua, ma

siilima loa—ua leai se faamoemoe e manumalo.”¹

E mafai ona foliga mai e matua taufaafefe lava le a'oga pe a le o lelei au taumafaiga. E oo lava i le i ai o ni nai togī le lelei i lou lipoti, e matua fai-gofie ai lava ona e filifili ona pau lena ole mea e te mafaia. Ae e le moni.

“O tagata o loo i ai tatou ae e le o tagata e mafai ona avea ai tatou,” o le tala lea a Elder Hallstrom.²

O SE AMATAGA FOU

Po o lava ni musumusuga faalavelave o le le mautonu po o toilalo e ono oo mai i o tatou taliga, e mafai lava ona tatou filifili pea e vaai i luma ma soia le sasaina i tatou lava i mea ua tuanai.

“O loo i ai se mea faamoemoeina ofoo fogia e uiga i se amataga fou,” na aoao mai ai Peresitene Dieter F. Uchtdorf, Fesoasoani Lua i le Au Peresitene Sili.³

A e filifili e fai se amataga fou, aua nei galo ona tatalo i le Atua mo se fesoasoani. Ta'u atu ia te Ia e te manao ia faamanuiaina ona gauai atu lea i musumusuga ma taitaiga mai le Agaga Paia ma mai ou taitai.

Atonu e manaomia ai sina toe-fetuunai o faamuamua. “O a tatou filifili ma amioga i aso taitasi e tatau ona ogatasi ma a tatou sini,” o le tala lea a Elder Quentin L. Cook o le Korama a Aposetolo e Toasefululua. “O le tele o filifili e le masani ona leaga, ae a alu uma ai lo tatou taimi ma taofia ai i tatou mai filifili silisili ona lelei, ona avea loa lea ma filifili matautia.”⁴

MAUAINA O LOU LAVA TAGATA FOU

Faasaoasaoa i luma le tolu ma le afa tausaga mai lo'u faauuga i le aoga maualuga. Sa ou faigaluega mo se tau-saga ma le afa, faamisiona mo le lua tausaga, ma ua iu ina tonu e taumafai i le kolisi.

Maimau pe ana mafai ona ou fai atu sa ou lagonaina ua ou matua ma ua saunia mo le aoga, ae o se mea ula. Sa ou lagona le fefe sili atu nai lo se isi lava taimi. Afai sa ou matua leaga i le aoga maualuga, o le a faapefea la ona ou mafaia le kolisi? O le taimi lea sa tonu ai o le a ou faia le mea sili, ma faaaofia ai le Atua i le faagasologa. Sa ou tatalo faatauanau ina ia atiina ae ni tomai suesue e sili atu.

Sa ou matua te'i, ua sa iu ina sa matua lelei a'u taumafaiga i lena semesa, ma sa ou agavaa ai mo sikolasipi faaakatemia. Sa leai se tasi na sili atu ona ofo nai lo a'u lava ia! E oo lava i lea, sa mafai ona faigofie ona ou toe tepa i tua i masina ua mavae, ma vaaia ai le aao o le Atua sa fesoasoani ia te au a o ou aoao ia avea o se tagata aoao lelei.

O le mea sa ou talitonu ai ia te au lava i le aoga maualuga, sa le moni. Mai lava i lena taimi ma faatasi ai ma le fesoasoani a le Atua, sa mafai ai ona ou asaina se ala e fou a'ia'i lea sa tauaveina ai au i le faauuga a le kolisi ma tala atu.

Pe a tatou faaaofia ai le Alii i a tatou fe'a'eiga, ma filifili e faia se amataga fou i soo se vaega o le olaga, e mafai ona tatou tau atu i mea maualuluga tatou te lei moemiti i ai. ■

FAAMATALAGA

1. Donald L. Hallstrom, “O A Ituaiga o Tagata?” *Liahona*, Me. 2014, 53.
2. Donald L. Hallstrom, “O A Ituaiga o Tagata?” 53.
3. Dieter F. Uchtdorf, “O Le Taimi Sili Ona Lelei e Totoina ai se Laau,” *Liahona*, 2014 Ian., 4.
4. Quentin L. Cook, “Filifili ma le Atamai!” *Liahona*, Nov. 2014, 49, 48.





E LE Ni o le Lalolagi

O le tu atu o se tagata o le Eklesia a Keriso e mafai ona faatogafiti i le lalolagi i ona po nei, ae e mafai ona tatou i ai i lenei lalolagi e aunoa ma le faatosinaina ai.

Pe ua e fesili ea po o fea e sau ai le faaupuga lea “i le lalolagi ae le ni o le lalolagi”? E tele atu i le na o se anavatau po o se faaaogaina poto o sooupu—na sau moni lava mai ia Iesu Keriso.

Vaai faalemafaufau i le po ao lumanai Lona Faasatauroga. Sa ia feiloai ma Ana Apostolo, ma mulumulu o latou vae, na aoao atu i latou, ma faatautaia le faamanatuga. I se tasi taimi i le po, sa Ia tatalo leotele ai i Lona Tama mo le Au Apostolo:

“Ou te le ole atu ina ia e ave ese ia te i latou i le lalolagi, a ia e tausi ia te i latou ina ne’i leaga.

“E le ni o le lalolagi i latou, faapei o a’u foi ou te le so le lalolagi a’u. . . .

“Faapei ona e auina mai au i le lalolagi, ua faapea foi a’u ona auina atu o i latou i le lalolagi” (Ioane 17:15–16, 18).

Sa soifua le Faaola lava Ia i Lona soifuaga atoa i le lalolagi ae e le o so le lalolagi. Ua faaosoooina o ia, ae Na te lei faamatuu atu i faaososoga. Ia aloese mai mea leaga. Sa latou mafuta faatasi ai ma soo ma tagata talitonu faapea foi ma tagata agasala ma le pepelo. O ia o se faataitaiga ia i latou uma.

Ae Na te lei tuua Ona soo ma se agaga, “Afai sa ou faia, e mafai foi ona outou faia.” Nai lo lena, sa agaalofa o Ia. Sa ia tatalo ia fesoasoani le Tama ia te i latou. Ae e lei tatalo o Ia mo le luitau ia aveese mai ia i latou. I le taimi o Lona olaga i le lalolagi ma e ala i Ana perofeta o aso nei ma apostolo, na aoao mai ai le Faaola e taua mo i latou le avea ma faatosinaga mo le lelei i le lalolagi.

O loo feagai pea lava ia talavou mai le salafa o le lalolagi ma luitau a o latou feofeoai i alasavali o a’oga, fegalegaleai ma uo, ma auai i gaoioiga faaopoopo. Ae o le i ai o le Faaola i o latou autafa, ma le talalelei i o latou loto, o le a latou maua ala e tausisia ai i latou mai le avea ma ni o o le lalolagi. Faitau pe faapefea ona filifili nisi o i latou e mulimuli i faataitaiga a le Faaola.

IA PUNOUI MA LE NAUNAUTAI

Pea ou feagai ma faaoosoosoga, ou te fesili ifo ia te au lava, "O le a se Mea e fai e Iesu?" po o le "Pe o lenei mea o le a ou latalata atili ai i le malo selesitila?" Ou te alu i le seminare i taeao uma e ui lava ina ua ou lelava lava, aua e fesoasoani ia te au e tuputupu ae ai faaleagaga. O le faitauina o au tusitusiga paia, ma se faamoemoe e aoaoina se mea fou po o se mea e mafai ona fesoasoani ia te au e avea ai ma se tagata lelei atu, o se punavai o le taitaiga e fesoasoani ia te au. Pe a tatou tausia le aso Sapati ia paia ma o atu i a tatou gaoioiga, e mafai ona sili atu lo tatou faatoilaloina o Satani. Pe a tatou punouai i le Alii, e mafai ona La fesoasoani ia i tatou i tulaga faigata uma tatou te ui atu ai.

Brenda H., 17, Minnesota, ISA



IA FATUFATU I LE FILIFILIIA O LE MEA SA'Ο

Pe a le tutusa o tatou tulaga faatonuina i mea tatou te fai ma tagata e siomia ai i tatou, e ono mafai ona tatou faia ni ala fatufatu e fesootai ai ma i latou a o tausisia o tatou tulaga faatonuina. O le mea tonu lena na fai e Elder L. Tom Perry (1922–2015) o le Korama a Apostolo e Toasefuluua ina ua iloa ua i ai o ia i se tulaga le lelei i le avea ai ma se alii faipisinisi i tele o tausaga ua mavae. Sa inupia tagata faipisinisi uma sa i ai i se mafutaga faaleagafesootai na tatau ona ia auai atu i ai. Ina ia iloa le mea na ia faia, e mafai ona e alu i le LDS. org ma faitau i lana tusiga "O Tu ma Agaifanua o se Ola Amiontonu Paleni" (Liahona, Aok. 2011, 30–37).

TO MAI LE MALOSI MAI ISI

Ou te tausia o'u tulaga faatonuina e ala i le auai i gaoioiga faatasii ma au uo i le ekalesia. E moni ou te valaaulia uo le lolotu i gaoioiga ina ia mafai ona latou vaai ma malamalama pe aisea ou te manao ai e tausia nei tulaga faatonuina. O o'u matua ma lo'u tuagane matua o ni faataitaiga lelei ia te au. E tele a'u uo lelei e lē auai i le Eklesia o ni faataitaiga maoae foi ia te au. E tele o latou uiga lelei ou te fia atinaeina mo au lava.

Celina W., 15, Siamani



TAUTALA ATU

Tenimaka, e faitaulia eseese pe afai e te alu i le lotu, le inu, ma i ai tulaga faatonuina maualuga. Ae sa ou iloaina foi afai e te le matamuli e talanoa e uiga i tulaga faatauaina o loo e tu ai, e vave lava ona maua le tele o le faaaloalo mai lau tupulaga. Ua ou vaai e manatu tagata e manaia pe a vaavaaia e isi i latou faapena.

Ema K., 18, Tenimaka



O MEA E MAFAUFAU LOLOTO

I AI MO LE ASO SA

- O le isi taimi e te fetaiai ai ma faaosoosoga, e faapefea ona fesoasoani ia te oe le iloa o lesu Keriso e tatalo ma fesili atu i le Tama Faalelagi ina ia “taofia [oe] mai le leaga”?
- Mafaufau e uiga i le soifuaga o le Faaola. O le a le mea sa la faia i Lona taimi i le lalolagi? Pe na faapefea ona la tausia o la Lava mai le avea ai ma so o le lalolagi? O le a se mea e mafai ona tatou aoao mai i Lana faataitaiga?
- Mafaufau i se tulaga faigata “i le lalolagi” o loo feagai ma oe. O a ni nai mea fatufatua'i e mafai ona e faia e tu atu ai mo le upumoni? Atonu e te manao e fesili i au uo ma aiga mo nisi manatu.

FAASUSULU ATU LOU MALAMALAMA

■ ni nai tausaga ua mavae, sa auai ai la'u au lakapi i se taamilosaga e atoa se vaiaso. O lona uiga e fitu aso e alu ese ai mai le aiga, matua, ma taitai o le Ekalesia. Aua matou te auai i le aoga a le Ekalesia, o lea la o tagata uma i la matou au o tagata o le Eklesia. Toetoe o afiafi uma o lena vaiaso, e pati ai isi 'au i le matou faetalimalo i o latou potu ma musika leotetele, sisiva, fai inuga, ma ulaula, ma feei i upu matuia i le tasi i le isi. Sa faapotopoto la matou au i se potu mo la matou suesuega masani o tusitusiga paia ma faigalotu i le afiafi. Sa ou lagona le fiafia e fai le mea sa'o e au noa ma le faatonuina e o matou matua. Ina ua uma ona matauina i matou e isi 'au ma le ofo, sa latou faaaloalogia i matou. Sa leai se pisa pe a latou iloaina ua fai a matou faigalotu i le afiafi. Sa foliga mai ua latou fiafia i mea sa matou faia, ma o nisi sa oo lava ina auai faatasi ma i tatou e faitau tusitusiga paia ma tatalo faatasi.

Matou te lei mālō i le tauvaga i lena vaiaso, ae sa matou manumalo i se isi itu. Sa mafai ona faasusulu atu lo matou malamalama, ma e ala i la matou faataitaiga, na suia ai loto ma mafaufau. ■


Elisara E., 20, Samoa

TUUSAO I LE MATAUPU

O le a le uiga o le mataupu faavae lona valu o le faatuatua pe a fai mai,
“Matou te talitonu o le Tusi Paia o le afioga ia a le Atua e tusa ma mea ua tonu ona faaliliuina”?

Ele faatauvaa le Tusi Paia i isi tusitusiga paia. Na saunoa ia Elder M. Russell Ballard o le Korama a Aposetolo e Toasefuluua, “Tatou te talitonu, ava, ma alolofa i le Tusi Paia. E i ai a tatou tusitusiga paia faaopopo, . . . ae e lagolagoina ai Le Tusi Paia, e le suitulagaina lava” (“O Le Vavega o le Tusi Paia,” *Liahona*, Me 2007, 81).

Fai mai ai le mataupu faavae lona valu o le faatuatua, “Matou te talitonu o le Tusi Paia o le afioga ia a le Atua e tusa ma mea ua tonu ona faaliliuina.” I le taimi o Iosefa Samita, o le upu *faaliliu* e lei faapea e na o le aumaia o se mea mai se tasi gagana i se isi; o le isi foi uiga o le sii atu, faaali atu ai le, faaliliu, po o le faamatalaina. Ma e ui lava o loo alia’ e mai mea sese i alofilima eseese mai le uluai faa-Eperu ma le faa-Eleni, o le faafitauli tele i le tilivaina mai o anotusi anamua i le taimi nei, “tele o mea manino ma pele [ua] aveese mai” (1 Nifae 13:28). O lea la, a o *faasala-lauina* mai ia i tatou ia anotusi o le Tusi Paia, na leiloloa ni aoaoga patino. O se tasi lena o mafuaaga o le tele o faaliliuga eseese o le Tusi Paia, e pei ona oo i ai Iosefa Samita (tagai i le o Iosefa Samita—Talafaasolopito 1:12). O lea la o se tasi auala ua fesoasoani ai faaaliga i ona po nei e faamanino ma faamautu upumoni i le Tusi Paia o le toefuatmai lea o isi upumoni ia sa leiloloa (tagai 1 Nifae 13:39–40). ■



O a'u o se **tamaitiiti**,
ma ou te **manao e**
fautuaina teineiti e fai ofu
e sili atu ona **tauagafau**.
Ae faapefea ona ou faia
lena mea e aunoa ma le
faaali atu o le le mafaufau?

Esá’o oe i le soli ma le faaeteete o le vaega lenei. E ui o nisi o tamaitai talavou e le talafeagai o latou lavalava ma le faamoemoe atoa ia tauagafau, e toatele e matamumuli i le mafaufau e i ai nisi sa talitonu e lei talafeagai o latou laei. O le mea lea ianofouta i ai ma ia faifai pea. A oo ina sau le autu masani o laei talafeagai, ia lagolago ma le fiafia le tulaga faatonuina a le Alii o le tauagafau, ae aua nei tausalaina tagata taitoatasi. Ia mautinoa foi ou lava tulaga faatonuina o laei ma au taga e ogatusa lelei ma ou talitonuga. E matauina e tamaitai talavou pe faapefea ona fai ou laei, ma e mautinoa lava latou te matauina pe e te gauai atili atu i tamaitai talavou e le talafeagai o latou laei po o i latou e talafeagai. ■

E MATUAI TAUIA LAVA LE SEMINARE!



O le a se mea e tasi ua tutusa ai le autalavou a le Au Paia o Aso e Gata Ai i le lalolagi atoa? O i latou o tamaiti aoga seminare! E auai talavou i le seminare i le tele o auala eseese. O nisi e feala mai i le 5:00 i le vaveao e o muamua i le aoga, a o isi e auai i le va o le a latou vasega masani o a'oga. I tulaga e le masani, o nisi tamaiti aoga e o atu i le faaiuga o vaiaso pe faaaoga le Skype e faatino ai.

Tusa lava pe ua latou ositaulagaina le moe po o taaloga soka i le faaiuga o vaiaso ae e silia ma le, 390,000 talavou i le lalolagi atoa e auai ma le fafia i le seminare. O a latou tala nei e uiga i faamanuiaga o le seminare:

E ono manaomia ai se ositaulaga, ae ua iloa e nei talavou e mafai ona avea le seminare ma se faamanuiaga.

“Ou te le manatu i ai faapea ua laitiiti ai a'u itula o le moe; ae ou te manatu i ai o se itula ou te saunia ai a'u lava faaleagaga.”

Megan C., 17, Kalefonia, ISA

“Ona o le seminare, ua faamalosia tele ai la'u molimau, ma ua i ai so'u malamalamo mautinoa i tutsusiga paia. O la'u molimau i le taulaga a le Faaola i Ketesemane ua malosi atu ona o le seminare.”

Vina C., 17, Hong Kong, Saina

“O le seminare o se nofoaga ou te mafai ona ou lagonaina ai pea lava le Agaga. I lo'u aiga e na o au le tagata auai e toaga, ae matuai lagolagoina lava au e o'u matua. Ona o le seminare, ua ou matua tuputupu ae ai lava.”

Amanda L., 17, Iuta, ISA

“O le Seminare e te tu mausali ai mo mea o loo tutupu i le aso. Afai ou te manatu ua mapuna a'e ni mafaufuga leaga, e mafai ona ou manatu e uiga i le lesona o le seminare. E faateleina i tala atu o le seminare.”

Eric G., 15, Ipswich, Egelani

“E sili ona taua le alu i le seminare, aua e mafai ona tatou aoao atili e uiga i la tatou Ekalesia ma fausia ai lo tatou sootaga ma le Tama Faalelagi. O le mafuaaga ou te fafia ai i le seminare e mafai ona ou iloa atili ai e uiga i le talafaasolopito o le Ekalesia ma iloaina e moni le talalelei ma o Iesu Keriso ma le Tama Faalelagi e alolofia ia te au!”

Breck M., 17, Kentucky, ISA

“Ou te fafia i seminare aua e fesoasoani ai ia te au e faia faaiuga. I vasega, ou te lagonaina le Agaga o le Alii ma i ai se faamautuuga o le talalelei lenei a Keriso. E leai se mea o le a le fafia ai i ai. Ou te iloa o a'u suesuega i nei tausaga e fa o le a fesoasoani ia te au e auauna atu i se misiona.”

Karolina O., 16, João Pessoa, Pasila

“E ui lava atonu e te le manao e ala i luga i le taeao po, o le a faatumilia oe i sina faaopoopoga itiiti e lenei agaga faapitoa i aso uma. O le a matauina e au paaga lena mea ia te oe, ma o nisi taimi o le a latou mananao ai e iloa atili pe aisea e te faapena ai.” ■

Karen K., 18, Maine, ISA

UA FAIA E TUSITUSIGA PAIA SE ESEESEGA IA TE AU

Saunia e Maria Mahonri-Yggrazil Andaca

Filipaina, e i ai ni aoga maualuluga faasaienisi mo tamaiti aoga talenia faaakatemia. O tamaiti aoga i nei aoga e tele atu mataupu latou te aveina, e tele itula i le vasega, ma e tuuto atu taumafaiga sili atu i meaaoga.

O lenei ituaiga o siosiomaga na lamatia ai au. Sa ou tuua ai le tele o mea ina ua ulufale atu i le aoga lea. Sa ou le aoaoina le taina o mea fai-musika. Toeitiiti lava a ou le toe auai i gaoioiga a le Eklesia, ma o isi taimi e misi ai sauniga faale-Eklesia i Aso. Sa ona o tauvaga i le va o a'oga. Sa ou tauivi e auai i le seminare, e ui lava sa faigofie ona ofoina mai le vasega i le faaiuga o vaiaso.

I se tasi aso Toonai, sa fai mai lo'u faiaoga seminare i lona pisi tele i le aoga maualuga, ae sa mafai lava ona fai ona tofiga i le seminare ma suesue ia mau tauloto. Na ia luitauina i matou e faia foi faapea.

O luitau sa faaolaola ai au, ma sa ou taliaina le lu'i lea. Sa ou aveina a'u kata o mau tauloto i soo se mea. Sa ou tatalo mo se fesoasoani e faafoe ai mea e moomia e la'u aoga. Sa ou faaaogaina uma faamalama o le

taimi sa i ai. Sa ou taulotoina ia mau a o ou alu atu i le aoga. Sa faaititia lo'u talatalanoa ae ave ifo i luga a'u kata mai la'u taga. Na matauina e a'u oo; na avea le totoina o kata o mau ma la matou gaoioiga fou i le taimi o malologa. Sa latou fafia e fai a'u suega pupuu. Sa amata ona aumai e nisi a latou tusitusiga paia—e oo lava ia i latou o isi ekalesia. Latou te faasoa mai e uiga i gaoioiga i a latou lava lotu. Sa ou lagonaina ua suia le siosiomaga na siomia ai au, ma sa lagona ua māmā teisi le a'oga ma ua sili atu ona lelei.

Sa mulimuli o'u uso laiti e toatolu i lena faataitaiga, ma o lea la ua selesele e lo'u aiga ia faamanuiaga o tusitusiga paia i la matou sootaga i le aiga. Sa sili atu i le na ona taulotoina o upu; sa aoaoina au e lo'u faiaoga seminare i le eseesega o le a faia e tusitusiga paia ia te au ma tagata e siomia ai au. Ou te iloa o soo se luitau po o tofotofoga e oo mai i lo'u aiga ma ue, matou te maua lava i taimi uma le malosi, taitaiga, ma le toafilemu i upu a lo tatou Faaola alofa. ■

E alala le tusitala i Metro Manila, Filipaina.



FAAAOGA LELEI LE SEMINARE

"Pe a e maua ai le avanoa e te alu ai i le seminare... ia faaaoga lena avanoa.... O le tele o mea e te maua mai i aafiaga o le seminare, e faalagolago i ou uiga faaalia ma lou naunau ia aoaoina oe. Talosia o ou uiga faaalia, o se uiga o le lotomaulalo ma se naunautai e aoao.... O le [Seminare] e i ai sona sao taua i lo'u atinaega ma le atinaeina o la'u molimau. E mafai e le seminare ona suia olaga."

Peresitene Thomas S. Monson, "Talitonu, Usitai, Tumau," *Liahona*, Me 2012, 128.



“Ua Ou ILOA NEI mo AU LAVA IA”

Saunia e Travis Searle
Seminare ma Inisitituti

*E te manao e aoao
mo oe lava le moni o
le talalelei? la siitia lou
aoaoina i le talalelei
i le seminare.*

Mo nisi faamatalaga e uiga i tulaga manaomia fou o le faauuga, asiisi i le seminary.lds.org. [saite seminare na o le gagana Peretania] Mo se faataitaiga o se talavou matua sa maua se molimau e ala i le suesue ma le faamaoni i tusitusiga paia ma le agaga tatalo, e mafai ona e faiatuna aafiaga o Clayton M. Christensen i “O Le Fasi Malamalama Aupito Aoga,” *Liahona*, Ian. 2009, maua i le liahona.lds.org.



“**U**a ou iloa nei mo a'u lava ia” o nai upu faigofie na na saunoa i ai le Perofeta o Iosefa Samita i lona tina ina ua uma ona ia vaai i le Uluai Faaaliga (Iosefa Samita—Talafaasolopito 1:20). O loo i ai i nei upu se lesona mamana mo i tatou i le taimi nei. E pei ona aoao mai Peresitene Thomas S. Monson: Pe ua e 12 pe ua 112—po o soo se mea lava i le va—e mafai ona e *iloaina mo oe lava* e moni le talalelei a Iesu Keriso.”¹

Ina ia mafai ona fesoasoani ia “iloa mo oe lava ia”, ua faamaea nei e tamaiti aoga seminare i le lalolagi atoa ni tulaga manaomia faaopoopo se lua e faauu ai i le seminare: (1) faiatua ia tusitusiga paia ua tofia mo le kosi ma le (2) pasi ni faavasegaga e aoao ai i le taimi o kosi taitasi. O le ala lea e mafai ai ona fesoasoani tulaga manaomia lea mo le faauuga e faamalosia ai lau molimau:

E te faitau ma suesue i tusitusiga paia mo le kosi.

A o e suesue i tusitusiga paia, o le a amata ona e lagonaina le faama’ite a le Agaga o le a taitaia oe e faateleina lou liua. Ina ua maea lana faitauga o tusitusiga paia e manaomia i lona tausaga faai i le seminare, sa faasoa atu e se tasi o tagata aoao faapea sa tele atu isi mea sa ia aoaoina aua sa Ia “matua faitau lava i mau—se le na o le faitau ae sa ia suesueina.”

Na aoao mai e Elder D. Todd Christofferson o le Korama a Aposetolo e Toasefulula le uiga o le suesue: “Pe a ou fai atu ‘suesue’, o lona uiga . . . faitauina ni nai fuaiupu, taofi ae mafaufau loloto i ai, ma le faaeteete toe faitauina le fuaiupu, ma pe a e mafaufau e uiga i o latou uiga, tatalo mo le malamalama, fesili i lou mafaufau, faatalitali mo ni uunaiga faaleagaga, ma tusi i lalo uunaiga ma le malamalamaaga e oo mai ina ia mafai ona e manatua ma aoao atili ai.”²

E mafai ona e faaaogaina le faavasegaga e aoao ai ina ia iloilo ai mea ua e aoaoina.

O le faavasegaga o se aoaoga e pei o le fesili a se agelu a le Alii ia Nifae: “O le a le mea ua e vaai atu i ai?” (1 Nifae 11:14). O lenei fesili na uunaia ai Nifae e iloilo ma faailoa atu le a se mea sa ia aoaoina.

O le faavasegaga mo le aoaoina e tolu ni vaega: o fesili o tali eseese e filifili ai ma se fesili o se talatusi, lea e fai ia togi, ma se faavasegaga patino o ou talitonuga, e le faia ni togi. Ina ua uma le faavasegaga o se aoao, fai mai se tamaitiiti se toatasi, “Na ou tulimatai atu i ai ona sa ou manao e tagai i le mea na ou aoaoina mai le seminare.” Na ta’ua e se isi tamaitiiti aoga o le faavasegaga o aoaoga o le a “fesoasoani ia te oe ia malamalama ai i mea o loo i totoru o le talalelei ma le mea e manaomia ona e i ai.”

O faavasegaga o le a sili atu ona aoga pe a e taulai i aoaoga faavae o le talalelei ma mataupu faavae ia e avea ma faavae o fesili o faavasegaga mo le aoaoina. Ina ua uma ona talanoa i se vasega seminare ia aoaoga faavae i tua atu o le fesili, sa faasoa mai e se tasi o tagata aoao, “Na suia ai le vaaiga o le suega i se talanoaga ma se fausaga o molimau. Na fesoasoani e faamautu ai mea na e aoaoina.”

O LE A MEA E FIAFIA AI TAMAITI AOGA E UIGA I LE FAAVASEGAGA E AOAO AI?

Manatu o tamaiti:

“Ou te lagona e mafai ona ou alu i se misiona ma ua ou iloa le mea o loo ou talanoa atu ai.”

“E fesoasoani e faatumauina ai mea ua e aoaoina i le seminare.”

“Ua mafai ona sili atu lo tatou pueina o manatu faavae.”

“E faamalosia lou mautinoa.”

“O le a mafai moni lava ona tatou aoaoina nei mea nai lo le na o le lelei o lagona ma galoo atu ai aoaoga faavae.”

E mafai ona e aoao e fiafia i le aoaoina mo oe lava ia.

Aoao mo i tatou lava e moni le talalelei toefuataiina a Iesu Keriso e mafai ona avea ma se tasi o aafiaq auptito maoae ma auptito sili ona fiafia i le olaga.³ Na fai mai se tasi tamaitiiti, “Sa ou fiafia i le auai atili i le faatinoga ma iloa ai e tatau ona ou laa teisi i luma nai lo le na o le sau ma nofonofo i se nofoa ma faalogologo ae le o auai moni i le faatinoga”

Na aoao mai e Elder David A. Bednar o le Korama a Aposetolo e Toasefulula le taua o le aoaoina: “O le aoao e fiafia i le aoaoina o le totonugalemu lea o le talalelei a Iesu Keriso, e taua tele i lo tatou atinaega faifai pea faaleagaga ma le tagata lava ia, ma o se mea e manaomia atoa i le lalolagi lea tatou te faia nei ma o le a e ola ai, auauna atu, ma galue.”⁴

O le tele o taumafaiga e te faaaluina, o le tele foi lea o le fiafia ma le aoaoina o le a e oo i ai. ■

FAAMATALAGA

- Thomas S. Monson, “Ia Lototele e Tu Na o Oe,” *Liahona*, Nov. 2011, 62.
- D. Todd Christofferson, “Pe a Liua Mai Oe,” *Liahona*, May 2004, 11–12.
- Tagai Craig C. Christensen, “Ua Ou Iloa Nei Mea Mo Au Lava Ia,” *Liahona*, Nov. 2014, 50.
- David A. Bednar, “Learning to Love Learning,” *Ensign*, Feb. 2010, 26.

O LA TATOU AVANOA

O LO TATOU FAAMOEMOEGA I LE LALOLAGI

Le taimi o le masina o le tulaga faatauaina o aoaoga a la'u aoga, sa fai mai lo matou faiaoga e tusia se tala ua faaulatalaina "Aisea ua ou i ai iinei?" E tatau ona avea o se tala e 10-parakalafa i le autu o lo tatou faamoemoega i le olaga. A o ou faitau i le autu i luga o le laupapa, sa faatumulia lo'u loto i le mafanafana ma le fiafia. O se tasi o le Ekalesia, sa ou iloaina o lo'u faamoemoega i le


avea ai ma se afafine o le Atua mo le tele o tausaga. Ae a o ou tilotilo atu i isi tamaiti o la'u vasega, sa faatumulia lo'u loto i le faanoanoa. Aisea? Aua sa amata ona latou muimui ona o le faigata o le autu. Latou te le'i maua le malamalama lea e tasi na ia te au.

Ina ua ou liliu atu i la'u tala, sa ou iloaina lo'u faamanuaina i le avea ai o se tasi o le Ekalesia moni e tasi. Mai lava i lena aso, na faamalosia ai lo'u

naunau e auauna atu i se misiona, ma faasoa atu lau molimau o le talalelei a Iesu Keriso.

Ou te iloa e alofa le Tama Faalelagi ia te au ma e finagalo ia ou faatasi ma Ia i se aso. Sa ou iloaina foi o lo'u faamoemoega o le auauna atu lea i isi. ■

Jaymee A., Filipaina



E FAAPEFEA ONA FESOASOANI LE TUSI A MAMONA IA TE AU

Emusuia i tatou e le Tusi a Mamona i soo se taimi tatou te manaomia ai tali i fesili po o le taimi foi tatou te manaomia ai le latalata atili atu i le Agaga o le Alii. O loo i ai valoaga ia na maua e i latou sa filifilia e le Tama ona sa latou faamaoni ma amiontonu. Mai i lenei tusi tatou te maua ai le poto atili e uiga i le talalelei, ma ua mafai ai ona tatou vaai o le Alii lava lea e tasi i taimi uma.

E fesoasoani le Tusi a Mamona i le taimi nei, aua o tagata i taimi ua mavae, sa feagai ma faigata atonu e tutusa ma

faigata o loo tatou feagai nei, mai faafitauli faaleaiga e oo atu i faatosinaga mai isi tagata. O a latou faataitaiga tatou te maua ai le malosiaga ma le manao e fetaomi atu i luma i le faatuatua ma le amiontonu e aunoa ma le faavaivai. E faapei o i tatou, sa ui mai foi tagata anamua i tofotofoga eseese ae na latou manumalo ma sa le mafai e le fili ona faatoilaloina i latou. Ua tatou maua ai se manaoga e tele atu ia tumau malolosi ma le le faamalueina i le talalelei a Iesu Keriso. ■

Caroline M., São Paulo, Pasila



AUAUNA ATU I MEA E POLOAIINA AI I TATOU

Ao lei faapaiaina le Malumalu o San Salvador El Salvador, sa tonu ia te au ma lo'u aiga e auauna atu i se faletatala ma fesoasoani ia i latou e le o ni tagata o le ekalesia ia masani i le talalelei a Iesu Keriso a o latou asiasi atu i le malumalu. Sa tofia au e avea o se taiala ma talanoa ma tagata e uiga i potu taitasi i le malumalu, o feagaiga paia tatou te faia ai, ma pe faapefea ona suia o tatou olaga pe a tatou tauisia na feagaiga.

Na oo mai la'u sifi, ma sa amata ona ave la'u malaga maimoa. Sa ou faatoa alu ese mai le potu ae talosaga mai se tagata mo se taiala faaopoopo

talu ai ua faatoa taunuu atu se vaega toatele. Sa ta'u mai ia te au ou te toe foi i le potu e faafeiloai ai ua i ai se isi vaega ua tofia i ai au.

Ina ua ou taunuu atu i le potu, na toe talosagaina au e suaia lo'u tofiga e faaali se ata vitio i tagata o e na faatoa taunuu atu i le malumalu. Sa ou lagona le faanoanoa ona sa le mafai ona ou talanoa i tagata ma ta'u atu ia i latou e uiga i le malumalu.

O le afa itula mulimuli ane, na tauunu ai se vaega mai le Iunaite Setete e le iloa faa-Sipaniolo. Sa taufetuliai solo volenitia e sue se tasi e tautala faa-Peretania e mafai ona taijalaina

lenei vaega. O iina na ou malamalama ai e auina i tatou e le Alii i le mea Na te manaomia ai i tatou, ae le o le mea tatou te mananao ai. Sa na o au le tagata e iloa faaaoga le vitio ma tuu atu upu faafeiloai i le gagana Peretania. Sa fiafia le au Amerika ina ua latou tuua, sa latou faafetai mai ia te au mo le talileleia o i latou.

I le faaiuga o le aso, sa ou lagona le faafetai i le Alii ona o le faasino mai ia te au o lena mea, a tatou faia mea i le ala Na te uunaia ai i tatou, o le a faamalieina i tatou i la tatou galuega. ■

Erick A., El Salvador

O Le Atalii Faamaumaauoa

Luka 15:11–32

Kelu le itulau lenei i le pepa malo po o se pepakata. Ona otí ese lea o faatusa ma faapipii i fasilaau po o taga pepa. Tuu i totonu o se teutusi faatasi ma faasino mau o loo faapipii i luma. ■



Tama



Atalii Laitiiti



Atalii Matua



*E mafai ona e lolomiina nisi
kopi i le liahona.lds.org.*

O Tatou Taitai o Tamaitai



O nei tamaitai o ni ava, tina, ma ni tina matutua. O nisi nei o mea fiafa e uiga ia i latou! E mafai ona e lolomina nisi kata i le liahona.ids.org.

TAMAITAI



Sister Carole M. Stephens

Fesoasoani Muamua i le Au Peresitene
Aoao o le Aualofa



Sister Linda K. Burton

Peresitene
Aoao o le Aualofa



Sister Linda S. Reeves

Fesoasoani Lua i le Au Peresitene
Aoao o le Aualofa



Sister Carol F. McConkie

Fesoasoani Muamua i le Au Peresitene
Aoao o Tamaitai Talavou



Sister Bonnie L. Oscarson

Peresitene
Aoao o Tamaitai Talavou



Sister Neill F. Marriott

Fesoasoani Lua i le Au Peresitene
Aoao o Tamaitai Talavou



Sister Cheryl A. Esplin

Fesoasoani Muamua i le Au Peresitene
Aoao o le Peraimeri



Sister Rosemary M. Wixom

Peresitene
Aoao o le Peraimeri



Sister Mary R. Durham

Fesoasoani Lua i le Au Peresitene
Aoao o le Peraimeri

- Sa ola ae o taalo ma ona tuagane laiti e toafa i togafa'i i tua o lo latou fanua.
- E fiafia e auau ma faitau tusi i fanau a lana fanau.
- E fiafia e faitau le Tusi a Mamona ma tala e uiga ia lesu.



- Sa fiafia e faasee i seevae faasee, musa, kiki polo, ma taaloga o le alalafaga ao laitiiti.
- Sa valaauna e avea ma se taitai musika ao ola ae i Niu Sila o se talavou.
- Suesue i le kolisi e avea ma se faiaoga o le aoga tulagalua.



- Na faamauina i ona matua i le lima o ona tausaga, ina ua uma ona papatiso lona tina ma ua amata ona toe sau lona tama i le lotu.
- Sa pese i aufaipese ma avea ma kapeten'i o le au sisiva pe faafafia na ta'ua o le Bonnie Lassies.
- Sa faiaoga i le seminare ma e fiafia i vasega o mataupu faalelotu. Sa feiloi i lona toalua i le inisitituti.



- Na fiafia e tietie soloafanua ao laitiiti, ma sa tietie i savaliga o faaaliga i le lotoifale.
- Sa papatisoina o ia ina ua 22 ona tausaga.
- O le galuega muamua sa galue ai i se potutusi. Mulimuli ane, na fiafia e faitau tala e faamomoe ai lana fanau e toa 11.



- Ao laitiiti, sa fiafia e faitau i lalo o laau apilikota (apricot) ma feaei i laau ma ona tuagane matutua e toalua.
- Sa avea ma faatonu o ata o le mekasini a le aoga mauluga ma sa aoga faatusitala ma le mama-nuina o ata i le kolisi.
- Sa nofo i ni setete eseese e valu i le I.S. ma e faalua i Suetena!



- Na fiafia e faitau i le falealuga o le fale faatoaga pe a le o faigaluega pe taaalo i togalaau ma le fanua.
- Sa tafao i le taumafanafana i Farani o se talavou.
- I le kolisi, sa avea ma se tamaitiiti faiaoga i le vasega Igilisi o le aoga mauluga.



- Sa ia aoao e auu nei faaosoina oe e faia se mea ina ua mau lona laulau-faiva i se uamea malulu.
- Aoga i le siva i le kolisi.
- I le avea ai ma se tina, sa pei o se teine tausimai pasi, faiaoga, kuka, ma se faitogalaau, ma sa i ai lana lava ato o meafaiga-luega e lipea ai mea!



- O nisi taimi e fesuiai ma lona uso masaga e faasese ai tagata!
- Sa faiaoga i le vasega tolu ina ua faauu mai le kolisi.
- Na fiafia e aoao e uiga i laufanua ma o loo asiiasi atu nei i nisi o atunu sa ia moemiti e asiiasi i ai.



- Na tapeina se afi ma faasao mai lona tuagane mai le mu leaga i lo latou faatoaga i Uaiomi, ISA.
- Na fiafia e faitau ma taalo i taaloga, aemaise lava le pasiketipolo.
- Sa faiaoga mo le lua tausaga ina ua faauu mai le kolisi.





“O o outou aso nei.
Ua outou fananau mai
i se taimi o malumalu
ma tekinolosi.”

Elder Neil L. Andersen
O Le Korama a Aposetolo e Toasefululua
Mai le “O O’u Aso” o le Malumalu ma Tekinolosi,”
Liahona, Feb. 2015, 26–33.



*"E i ai se mea e te'i
ai mo oe," na fai
mai ai Tama ma
se ataata.*



O Le Paso a le Aiga o Lindsay

Saunia e Jill Hacking

Mekasini a le Ekalesia
E faavae i se tala moni

*"O i tatou o ni fanau e mafai ona
sailia e pele ia i tatou, faasaoina o
latou igoa ma mea e manatua ai
i latou"* Tusipese a Tamaiti, 90).


Na tamoe atu Lindsay i lalo ina
ua ia faalogoina le valaau mai
o lona Tama i lona igoa.

Talu ai nei sa la faia faatasi ai le
tele o galuega o talafaasolopito o
aiga. E fesoasoani tama e faaulufale
o ia i le uepisaite a le FamilySearch,
ona la taufai autilo ai lea mo ata o
aiga ma tala. O le isi aso na ia maua
ai se tusiga tuai lava e uiga i le misi-
ona a Tamamatua!

Na oo atu Lindsay i le pito i lalo
o le faasitepu lea sa faatalitali mai

ai Tama. "E fai ni ta talafaasolopito
o aiga i le po nei?" sa ia fesili ai.

"Ioe, o loo i ai se mea mo oe e te
te'i ai," fai mai ai Tama ma se ataata.
Sa ia tuu atu ia te ia se pepa umi na
lolaina, ma sa ia umia i ona tua. Sa
talatala lemu e Lindsay ma le faaete-
ete. Sa ia sioa atu i le mamanu o le
ili tele i le lautusi. Sa i ai lona igoa
i le pito i lalo! Sa tele isi mau igoa





na pae solo i ni laina sa faataamilo i lona igoa.

“O oulua na ma Tina,” o le tala lea a Lindsay, ma faasino atu i igoa e sili ona vavalalata ma ia. “Ma Tinamatua foi ma Tamamatua!”

“E sao,” na fai mai ai Tama. “O lenei siata ili o loo faaalia ai igoa o ou tuaa mo augatupulaga e *iva*.”

Sa matuai tele naua igoa. Ae o ni vaega sa leai ni mea sa i ai. Sa mafaufau Lindsay i igoa o loo misi. “E foliga pei o le paso sa masani ona ma faia ma Tamamatua,” o lana tala lea. Sa maliu tamamatua i ni nai tau-saga ua mavae, ma sa matua misia lava e Lindsay.

Na lue atu le ulu o tama. “E *pei lava* o se paso. O se paso taua tele. Ma o tagata uma o le aiga e pei o se fasi paso.”

Sa toetoe ina ata Lindsay ina ua ia vaai faalemafaufau ia Tinamatua ua foliga e pei o se fasi paso.

“Pe a tatou maua ai le igoa o se tagata ma faia o latou galuega i le malumalu, ua tatou faafesootaia i latou i le isi vaega o le aiga—e pei o le faafesootaia faatasi o fasi paso. *O loo e fesoasoani i le fausiaina o le paso lenei.*”

“Oka!” Sa ololo e Lindsay lona tamatamailima i luga o igoa. Sa ia iloaina e taua le talafaasolopito o aiga, ae o lenei ua sili atu ona

fifia e fesoasoani i ai. E mafai ona faafesootai faatasi lona aiga *uma* e faavavau!

Na faapipii e Lindsay lana siata fou i le faalo taumatau i luga a‘e o lona moega. Sa fifia o ia e faataupupula i le siata ma suesue i igoa uma. Sa ia vaai faalemafaufau i tagata uma o loo uulima, ua fesoottai faatasi e faapei o fasi paso. Sa ia lagona le fifia. O le paso sili lea ona tele ua ia vaa i ai!

I se tasi po sa le mafai ona moe Lindsay. Sa matua pogisa lona potumoe. Sa faia e le tamai moli ni tamai ataata lafoia taufaafefe i luga o le puipui. Sa ia toso ae lona palanikeke ma moeiini mau ona mata.

Ina ua mavae sina taimi puupuu,

sa autilo atu i luga ae o le palanikeke ma vaaia ai le siata. Sa ia faitauina lona igoa. Ona ia faitauina lea o igoa o le Tina ma le Tama. Ina ua ia tau atu i le igoa o Tamamatua, sa ia lagonaina le mafanafana ma le toofilemu.

Na ia manatua le ataata atu o Tamamatua ia te ia pe a la faia faatasi le paso. “Pe a ou fesoasoani ia Tama i le faia o talafaasolopito o aiga,” sa ia mafaufau ai, “Ua ou faafesootaia faatasi lo matou aiga!” Sa ia vaai faalemafaufau ia Tamamatua o sili ona ataata i lena mea. Sa le i toe fefe o ia. Sa ataata o ia ma faapupuu i lona palanikeke ma moemiti atu ai i tagata ma le paso ma le faafesootaia faatasi o lona aiga. ■

LISI A LINDSAY

E tele auala e galue ai Lindsay i le talafaasolopito o aiga!

Sa ia faia lana lava laau o le aiga i luga o le FamilySearch.org. Sa ia saili mo ni tala ma ata o lona aiga.

Sa ia foia mealilo o le talafaasolopito o aiga! I se tasi taimi sa i ai se faamaumauga na misi. Sa la o ma lona tama i se faletusi o talafaasolopito o aiga. Sa la saili i le faila ma maua ai se kopi. Sa la mauaina foi nisi igoa o tagata o le aiga!

O le mea e fifia lava ia i ai i le faia o talafaasolopito o aiga, o le mauaina lea o igoa mo galuega i le malumalu. Ua sagisagi fifia lava o ia e alu i le malumalu e fai ia papatisoga pe a atoa lona 12.



Suega o le Tala a le Aiga



Saunia e Carolyn Colton

O se taaloga lea e fesoasoani e te aoao atili ai e uiga i lou aiga ma a latou tala!

SAUNIUNIGA

1. Mafaufau i ituaiga tala se fa, e pei o le *Malie, Laitiiti, Faale-agaga*, po o le *faiga-Malologa*. Tusi i vaega taitasi i luga o se fasi pepa ma faapipii i luga o le puipui.
2. Sue ni tala faaleaiga se fa mo vaega taitasi. Fai atu i lou aiga mo se fesoasoani.
3. Mafaufau i ni faaataataga

puupuu mo tala taitasi ma tusi i luga o fasi pepa.

4. Tusi 100, 200, 300 pe 400 'ai i le isi itu o le pepa. Faapipii le faaataataga i lalo o le vaega.

FAIGA O LE TAALOGA

1. Vaevae tagata taaalo i ni 'au se lua. Po o ai lava na tusia ia faaataataga o le taitai lena.
2. Piki e le 'au muamua se vaega e pei o le "Malie, mo le 200."
3. E aveese e le taitai le numera ma faitauina le faaataataga. Afai e mafai ona ta'u atu e le

au le tala e fetaui ma le faaataataga, ona latou maua lea o le 'ai!

4. Afai latou te le iloa le tala, ona ta'u atu lea e le taitai o le tala ae faamisi se faamatalaga, e pei o le mea sa tupu ai, po o le, o ai lea e faatatau i ai. Afai e mafai e le 'au ona mate mai ia faamatalaga o loo misi, ona maua lea o la latou 'afa 'ai.
5. Piki e le isi 'au se faaataataga ma taaalo. A uma ona piki uma ia faaataataga, o le 'au e sili o latou 'ai o le 'au lena e malo.



Saunia e Elder
Dallin H. Oaks

O Le Korama
a Aposetolo e
Toasefululua

*O sui o le Korama
a Aposetolo e
Toasefululua o ni
molimau faapitoa
a Iesu Keriso.*

E mafai faapefēa ona ou faaali atu le agalelei i isi?

E tatau ona tatou
mulimuli uma i le
aoaoga o le talalelei
e alolofa i o tatou
tuaoi ma aloese
mai finauga.

E tatau ona tatou alolofa
i tagata uma, avea ma
tagata e faalogo lelei, ma
faaalia le faaaloalo mo
mea e talitonu i ai isi.

E tatau ona faapitoa lava
lo tatou agalelei atu i lo
tatou aiga.

E tatau ona tatou aloese
mai le faafiamalosi, faa-
tiga, po o le fai atu o mea
e ono tiga ai isi.



*Mai le “Ola Faatasi ma Alolofa Atu i Isi
e Eseese o Tatou Talitonuga,” Liahona,
Nov. 2014, 25–28.*

E Fiafia e Fesoasoani Atu

Saunia e Amie Jane Leavitt

E faavae i se tala moni

"Fealofani matou uma, ma o se aiga fiafia" (Tusipese a Tamaiti, 104).

Sa faalagolago e Viliamu lana lako i le puipui o le fare ae faapalasi Sifo i luga o le mutia. O le lakoina o lau o se galuega faigata, ae o ia ma ona tuafafine o Chloé ma Amelia, sa iu lava ina uma. I se mamao maualuga i luga atu o atumauga o Alps, sa mafai ona ia iloa atu ai se vaalele o lele ane ai. Sa ia taumanatunatu po o fea e alu i ai.


E fiafia lava Viliamu i si ona taulaga laitiiti i tafatafa o le tuaoi o Farani-Suisi. E asiasi atu tagata mai i le lalolagi atoa iina. Sa ia mafau-fau i nofoaga e fia alu i ai, o tagata e mafai ona ia feiloai i ai, ma mea fou e mafai ona ia faia i se aso.

Sa faateia o ia mai ona moomooga i le aso, i se mapumapu ma le *paoō, paoō, paoō* o laa i le fanua o lo latou tuaoi.

"Ai ua sauni Pati e lako ana laulaau," sa mafau-fau ai Viliamu.
"Ua ou matua fiafia lava ua mae'a matou."

"Ae afai e faigata le lakoina o laulaau mo tagata e toatolu, ai lava la se faigata mo se tagata e toatas!" Sa mafau-fau ai Viliamu. O le toalua o Pati, o Pama, e lei leva ona uma lona taotoga, o lona uiga e tatau ona lakoina e Pati ana laulaau na o ia lava.





E masani ona fai mai tina, "A tatou fesoasoani, tatou te fiafia!" ma sa mafaufau Viliamu atonu o lona uiga ia fesoasoani ia Pati, e ui ua latou le lavava mai le lakoina o a latou lava laulaau.

Sa tilotilo atu Viliamu ia Chloé ma Amelia, o loo fauina i lala laau ni tamai fale i le mutia. "Tatou o e fesoasoani ia Pati?" na ia fesili ai. "E mafai ona tatou fesoasoani ia te ia e vave ai ona uma."

Sa malilie i ai Chloé ma Amelia ma mulimuli atu ia Viliamu.

"E manaomia se fesoasoani?" Sa fesili atu ai Amelia a o savavali atu i le pupuvao agai atu i le fanua o Pati.

"O le a ou matua fiafia lava! Ae ua alu le afiafi o tou lako vao. Ou te iloa ua outou vaivai."

"E le afaina," na fai atu ai Viliamu. "Matou te fia fesoasoani atu. O le mea moni, a matou fesoasoani atu, ua matou fiafia!"

A o latou galulue, sa faamatala atu e Pati ni tala mai lona olaga. O

Pati e sau mai Initia, ae sa ola i le Atu Asia ma Aferika i lona olaga atoa.

Ina ua uma ona sa faotaga ia laulaau, sa tilotilo atu Viliamu ma iloa ai ni apu o taatitia solo i lalo o laau apu tetele i le fanua o Pati. E lei uma lelei le latou galuega. Sa punou ifo i lalo Viliamu ma amata ona tufi apu. Sa ia faavasegaina mea pala mai mea lelei a o ia savali atu i ai. Sa taufetuli atu Chloé ma Amelia ma tuu ni apu i faaputuga.

Sa tulei mai e Pati lana uilipaelo tuai lanumeamata mai le falefaigaluega. "Tuu ia apu pala i totonu i i. Ona ave lea o apu lelei ma outou."

"E le afaina, Pati. Matou te le manaomia e ave au apu, "o le tala lea a Viliamu.

"Ou te manao e ave ma outou," o le tala lea a Pati. "O le mea moni, a ou foai atu, ua ou fiafia!"

O le po i le taimi o le taligasua i le afiafi, sa faamatala e tamaiti ia Mama ma Papa lo latou fiafia ona

sa latou fesoasoani ia Pati ma faalologo i ana tala.

Na faafusei ona oo ane se manatu ia Viliamu. "Ua ou iloa le mea e mafai ona fai i apu sa ia au-mai mo i tatou!" Sa ia oso i luga ma uu mai se kopi o le *Liahona* mai le fatatusi. "Ou te manatu o le a fiafia ia Pati ma Pama i le mea lea," sa fai mai ai Viliamu, ma susue i se itulau o i ai se fua o le keke apu. "Pei ona fai mai Pati ananei, pe a tatou foai atu, ua tatou fiafia!"

"Tatou faia se keke mo isi foi o tatou tuaoi!" O le tala lea a Chloé.

Sa ataata Viliamu. Sa ia mafaufau e uiga i tagata uma e mafai ona ia feiloai i ai ma tala mananaia e mafai ona ia faalogo i ai. Ma o mea uma e ala mai i sina agalelei itiiti. Ma sina fasi keke. ■

E alala le tusitala i Iuta, ISA.

O Le Faamanatuga: O Se Faamanatu o Iesu

Saunia e Erin Sanderson

Ile po a o lei faasatauroina Iesu, sa ia faatonuina Ona soo e toalua ia saunia se taligasua o le afiafi. Ona ia valaaulia lea o Ona Apostolo e o mai. I lena taligasua, sa faaigoa o le Talisuaga Mulimuli, sa avatu ai e Iesu i Ona soo se ala faapitoa e manatua ai pea o Ia. E mafai ona tatou faitau i ai i le Feagaiga Fou:

“Ona tago ai lea o [Iesu] i le areto, ua faafetai, ua tofifofu ma avatu ia te i latou, ua faapea atu, O lo’u tino lenei, ua foaiina atu mo outou: tou

te faia le mea nei e fai ma faamanatuga ia te a’u.

“Sa faapea foi ona tago i le ipu, ina ua uma ona talisua, ua faapea atu, O lenei ipu o le feagaiga fou lea i lo’u toto, ua faamaligiina mo outou” (Luka 22:19–20).

Pe a tatou aai ma feinu i le faamanatuga, o loo tatou faia le mea lava lea e tasi na faia e le Au Apostolo i le Talisuaga Mulimuli. E faamanatu mai e le falaoa ia i tatou le tino o Keriso ma Lona mafatia faaletino mo

i tatou. E faamanatu mai e le vai ia i tatou Lona toto sa faamaligiina mo i tatou.

O tatalo o le faamanatuga e faamanatu mai ai foi ia i tatou folafolaga sa tatou faia ina ua papatisoina i tatou—ia manatua pea Iesu Keriso. Pe a e faalogologo i tatalo o le faamanatuga, mafaufau e uiga i mea sa e faia i lena vайaso e manatua ai Iesu. E mafai faapefea ona e manatuaina o Ia i le vайaso a sau? ■

E alala le tusitala i Iuta, ISA.

AOAO ATILI

I le Talisuaga Mulimuli, na aoao atu ai e lesu Ana Apostolo ni mea taua:

- Sa la mulumuluina o latou vae e aoao atu ai ia te i latou e uiga i le alofa ma le auauna atu i isi.
- Sa ia fai mai, “la fealofani; faapei ona ou alofa atu ia te outou” (Ioane 13:34).
- Sa tatalo o la ia latou aoao atu isi i le talalelei.
- Sa la usuina se viiga faatasi ma i latou.
- Sa la folafola mai e mafai ona faatasi le Agaga Paia ma i latou (tagai Ioane 14:26–27).



O SE FAAMANATU O LE FAAILOGATUSI

Oti ese le faailogatusi lenei ma faapipii i se pepa malo. Tuu i au tusitusiga paia ina ia mafai ai ona e vaai i ai i le taimi o le faamanatuga. E mafai ona faaaogaina e faailoga ai tatalo o le faamanatuga i le Mataupu Faavae ma Feagaiga 20: 77, 79.

TALANOAGA I LE AIGA

Tagai i nisi o viiga o le faamanatuga i le tusi o viiga. Talanoa e uiga i savali o i le viiga. E faapefea ona saunia i tatou e aai ma feinu i le faamanatuga e ala i le lagiina o viiga o le faamanatuga? O se aiga, ia faatu se sini e mafaufau e uiga i savali o viiga o le faamanatuga pe a outou usuina i le lotu.

Pese: "Ina ia Mafaufau e uiga ia lesu"

(*Tusipese a Tamaiti*, 71)

Mau: Luka 22:19

Vitio: Alu i le Biblevideos.org e matamata i le "O Le Talisuaga Mulimuli"

MOTUGAAFA O TUSITUSIGA PAIA

O le tele o viiga e i ai mau faasino o loo lisi atu i le pito i lalo o le itulau. E tele pese i le *Tusipese a Tamaiti* e i ai foi mau. Faitau i mau e o faatasi ma pese e fesoasoani ia anoa atili ia upu o pese.



O a nisi o vavega na faia e lesu Keriso?

Na faapefea ona taulimaina e lesu isi tagata?

Pe o i ai se tasi e manaomia ona ou faamagaloina?

Pe o i ai se mea e tatau ona ou salamo ai?

O le a se mea e mafai ona ou faia e manatua ai lesu i lenei vaiaso?

E mafai faapefea ona ou mulimuli atu ia te la?

O Se Lagona Fou

Saunia e Francislaine Urquidi Farfan Vasser

E faavae i se tala moni

"The Spirit whispers this to me and tells me it is true"
(Children's Songbook, 5).



Sa fafia lava Gabriel e aoao
Se uiga ia Iesu. Sa fafia
o ia e faalogologo i tala mai
tusitusiga paia. E faitau faatasi
e lo latou aiga tusitusiga paia
i po uma.

I se tasi o po timuga na latou

faapupuu faatasi ai i lo latou
fale mafanafana. Sa fai e Papa le
tatalo. Ona faitauna lea e Mama
o tala mai le Tusi a Mamona. Sa
taumafai Gabriel e faalogo ma
le toto'a. Sa faitau atu e Mama e
uiga ia Iesu sa talanoa i tamaiti.

"Mama, sa i ai faatasi tamaiti
ma Iesu?" O le fesili lea a
Gabriel.

"E sao lena," na fai mai ai
Tina. "Ma sa Ia faamanuiaina
i latou taitoatasina ma tatalo mo
i latou."



"O lena lagona faapitoa o le Agaga Paia," sa fai atu ai Papa ia te ia. "Na te tuuina atu ia te oe se lagona mafanafana e fesoasoani ai ia te oe ia e iloa e moni tusitusiga paia."

Sa mauaina e Gabriel se lagona fou i totonu. Na te lei iloaina po o le a lena lagona. Sa ia lagona le mafanafana e ui lava ina sa maatiati le malulu i fafo. Sa atili ai ona ataata o ia.

Sa manao Gabriel e faasoa atu lenei lagona faapitoa. "Sa ou lagona le fafia tele ma le mafanafana!" o lana tala lea. Sa matuai fafia o ia ma sa pei a tagi!



Sa ataata Mama ma fusi mai Gabriel. "O lena lagona ua ta'u atu ai e alofa Iesu ia te oe."

"Ua faamanuia a'u e Iesu," o le tala lea a Gabriel. "E pei lava o tamaiti i le Tusi a Mamona! Na ia auina mai le Agaga Paia ia te au!"

Sa le mafai ona ia taofi le ataata. "Ou te iloa e moni tusitusiga paia," o lona mafaufau lea. "Sa ta'u mai e le Agaga Paia ia te au!" ■

O le tusitala e alala i São Paulo, Pasila.



Saunia e
Peresitene
Lorenzo Snow
(1814–1901)

Peresitene
Lona Lima
o le Ekalesia

O SE ASIASIGA MAI LE FAAOLA

O i tonu lava na faaali mai ai ia te au le Alii o Iesu Keriso.

Upu a le Faatonu: O le tala lenei sa faasoa mai e LeRoi C. Snow, o le atalii o Peresitene Lorenzo Snow. Na faamatala mai e uso Snow, i le 85 o ona tausaga, sa popole lona tama nei faato-nuina o ia e suitulaga ia Peresitene Utilifi. Utilifi, o le sa faataotolia i se gasegase, e fai ma Peresitene o le Ekalesia. Ina ua mavae le maliu o Peresitene Utilifi ia Setema 2, 1898, sa tootuli ia Peresitene Snow i le Malumalu o Sate Leki ma augani atu i le Alii mo se taitaiga.

Ina ua uma lana tatalo, ua faamoe-moe [lo'u tama] i se tali, se faaaliga faapitoa mai le Alii. O lea sa faatalitali ai o ia—ma faatali—ma faatalitali. Sa leai se tali, e leai se leo, e leai se asiasiga, leai se faaaliga. Sa ia tuua le fatafaitaulaga, ma le potu ma le matua le fiafia lava. A o pasi atu o ia i le potu selesitila ma alu atu ai i le auala savali vatele, sa tuuina atu se faaaliga mamalu ia Peresitene Snow, o lea ua ou faamatala atu i upu a le afafine o lona atalii, o Allie Young Pond. . . .

"I se tasi afiafi a o ma talatalanoa ma Tamamatua Snow i lona potu i le Malumalu o Sate Leki, sa ou nofo ai lava seia oo ina ua o ia tagata e vaaia le faitotoa ma e lei o mai leoleo o le po i totonu, ona fai mai lea o tamamatua o le a ia ave au i le faitotoa autu i le pito i luma ona ou ui atu ai lea



iina. . . . Ina ua ma tuua lona potu, ma a o ma i ai pea i le auala savali tele e tau atu i le potu selesitila, sa ou savali muamua mamao atu ia Tamamatua ae na ia taofia au ma fai mai: 'Faatali mo sina minute, Allie, ou te manao e ta'u atu se mea ia te oe. O i tonu lava, na faaali mai ai le Alii o Iesu Keriso ia te au i le taimi o le maliu o Peresitene Utilifi. Sa ia faatonuina au ou te alu loa lava ma toefaatulaga le Au Peresitene Sili o le Ekalesia ma aua nei faatali e pei ona sa faia ina ua maliliu isi peresitene na muamua atu, ma ia ou suitulaga ia Peresitene Utilifi.'

"Ona sau lea o Tamamatua e tasi se laa ua lata mai ai, ma faaloaloa mai lona aao i le itu tauagavale ma fai mai: 'Sa tu tonu lava o Ia ii, pe tusa ma le tolu futu i luga a'e o le fola. Sa foliga mai pei sa tu o Ia i luga o se ipu auro mafolafola malo.'

"Sa faamatala mai e tamamatua e ese le mamalu o le peresona o le Faaola ma sa faamatala mai ona lima, vae, foliga ma lona ofu talaloa paepae matagofie, o ia mea uma o se mamalu o le sinasina ma le susulu lea sa tau le mafai ai ona vaai atu ia te Ia.

"Ona toe laa tasi agai mai lea o tamamatua ma tuu lona lima taumatau i luga o lo'u ulu ma fai mai: 'O lenei, afafine o lo'u atalii, ou te manao ia te oe ia manatua o le molimau lenei a lou tamamatua, lea sa ia tauina atu ia te oe, i ona lava laugutu faapea sa ia vaai moni lava i le Faaola, iinei i le malumalu, ma sa talanoa faafesagai ma Ia.'"

. . . Sa ou faamatalaina lenei aa-fiaga i le sauniga faamanatuga a le Uarota Lona Sefuluvalu. Ina ua maea le sauniga sa ta'u mai e Elder Arthur Winter sa ia faalogo foi i lo'u tama o faamatala le faaali atu o le Faaola ia te ia i le malumalu ma faatonuina o ia e le gata ia tofaatulaga loa lava le Au Peresitene Sili ae ia toe filifilia foi ia fesoasoani o Peresitene Utilifi sa i ai, o Peresitene George Q. Cannon ma Iosefa F. Samita. ■

Mai le "An Experience of My Father's," Improvement Era, vol. 33, no. 11 (Sept. 1933), 677, 679; o faailogia ma mataitusi tetele ua faaonaponei.

MALAMALAMAAGA



E faapefea ona tatou faamasinoina pe ua moni filosofia faalelalolagi e uiga i le aiga?

"Ua avea le folafolaga i aiga ma se sua faatatau mo le faamasinoina o manatu o le lalolagi, ma ou te molimau atu o mataupu faavae ua tuuina atu i totonu o lenei faamatalaga e moni i lenei vaitaimi e pei lava i le taimi na tuuina mai ai ia i tatou e se perofeta a le Atua i le toeitiiti atoa le 20 tausaga talu ai."

E I Ai Foi i le Lomiga Lenei

MO TALAVOU MATUTUA

Sa ou Lagonaina le
Mana o le Togiola
a lesu Keriso Ina Ua. . .

Ua aoaoina e nei talavou matutua e faapea o le Togiola a le Faaola e lautele i talaatu o le na o le salamo. Faitau o latou aafiaga i le faaaogaina o le Togiola i o latou olaga.



i.44

MO LE AUTALAVOU



i.60


FAAMANUIAINA E ALA I LE SEMINARE

O autalavou o le Au Paia o Aso e Gata Ai mai Belgium e oo atu i Bolivia e i ai se mea e tasi e tutusa uma ai—seminare! Faitau e uiga i talavou o e ua ioe faapea e aoga le ositaulaga i le seminare (i. 60), ma ua aoaoina le ala ua mafai ai ona fesoasoani mea ua fou ua manaomia mo le faauuga i le seminare e faamalosia ai lau molimau (i.. 62).

MO TAMAITI

O Le Paso a le Aiga o Lindsay

Pe ua e mafaufau ea o talafaasolopito o aiga e pei uma lava o le faiga o se paso? Faitau e uiga i le paso a le aiga o Lindsay (i. 70), ma fai ai se taaloga malie ma lou aiga ina ia aoao atili ai e uiga i au tala mo le talafaasolopito o aiga (i. 72)!



i.70